

अथ तृतीयोऽष्टकः

(१) प्रथमं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

त्रिष्टुप् छन्दः

प्र य आरुः शितिपृष्ठस्य धासे रा मातरा विविशुः सप्त वाणीः ।
 परिक्षिता पितरा सं चरेते प्र संस्रति दीर्घमायुः प्रयक्षे १
 दिवक्षसो धेनवो वृष्णो अश्वा देवीरा तस्थौ मधुमद् वहन्तीः ।
 ऋतस्य त्वा सदसि क्षेमयन्तं पर्येका चरति वर्तनिं गौः २
 आ सीमरोहत् सुयमा भवन्तीः पतिश्चिकित्वान् रयिविद् रयीणाम् ।
 प्र नीलपृष्ठो अतसस्य धासे स्ता अवासयत् पुरुधप्रतीकः ३
 महिं त्वाष्टचफट्मूर्जयन्तीरजुर्य स्तभूयमानं वहतो वहन्ति ।
 व्यङ्गैभिर्दिद्युतानः सधस्थ एकांमिव रोदसी आ विवेश ४
 जानन्ति वृष्णो अरुषस्य शेव मुत ब्रध्नस्य शासने रणन्ति ।
 दिवोरुचः सुरुचो रोचमाना इळा येषां गगया माहिना गीः ५
 उतो पितृभ्यां प्रविदानु घोषं महो महद्भ्यामनयन्त शूषम् ।
 उक्षा ह यत्र परि धानमक्तो रनु स्वं धाम जरितुर्ववक्षे ६
 अध्वर्युभिः पञ्चभिः सप्त विप्राः प्रियं रक्षन्ते निहितं पदं वेः ।
 प्राञ्चौ मदनत्युक्षणौ अजुर्या देवा देवानामनु हि वृता गुः ७
 दैव्या होतारा प्रथमा नयृञ्जे सप्त पृक्षासः स्वधया मदन्ति ।
 ऋतं शंसन्त ऋतमित् त आहु रनु वृतं वृतपा दीध्यानाः ८
 वृषायन्तै महे अत्याय पूर्वी वृष्णो चित्राय रश्मयः सुयामाः ।
 देव होतर्मन्द्रतरश्चिकित्वान् महो देवान् रोदसी एह वक्षि ९
 पृक्षप्रयजो द्रविणः सुवाचः सुकेतव उषसो रेवदूषुः ।
 उतो चिदग्ने महिना पृथिव्याः कृतं चिदेनः सं महे दशस्य १०
 इळामग्ने पुरुदंसं सनिं गोः शश्वत्तमं हवमानाय साध ।
 स्यान्नः सूनुस्तनयो विजावा ऽग्ने सा तै सुमतिभूत्वस्मे ११

(२) द्वितीयं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । (१-५)

प्रथमादिपञ्चर्चा यूपः (६-१०) षष्ठ्यादिपञ्चानां यूपाः (८) अष्टम्या विश्वे देवा वा

११ एकादश्याश्च ब्रश्चनो देवताः । (१-२, ४-६, ८-११)

प्रथमाद्वितीययोर्ऋचोश्चतुर्थ्यादितृचस्याष्टम्यादिचतसृणाञ्च त्रिष्टुप् (३, ७)

तृतीयासप्तम्योश्चानुष्टुप् छन्दसी

अञ्जन्ति त्वामध्वरे देवयन्तो वनस्पते मधुना दैव्येन ।
यदूर्ध्वस्तिष्ठा द्रविणो ह धत्ताद् यद् वा क्षयौ मातुरस्या उपस्थे १
समिद्धस्य श्रयमाणः पुरस्ताद् ब्रह्म वन्वानो अजरं सुवीरम् ।
आरे अस्मदमतिं बार्धमान उच्छ्रयस्व महते सौभगाय २
उच्छ्रयस्व वनस्पते वर्षन् पृथिव्या अधि ।
सुमिती मीयमानो वर्चो धा यज्ञवाहसे ३
युवा सुवासाः परिवीत आगात् स उ श्रेयान् भवति जायमानः ।
तं धीरासः क्वय उन्नयन्ति स्वाध्योऽं मनसा देवयन्तः ४
जातो जायते सुदिनत्वे अर्हा समर्थ आ विदथे वर्धमानः ।
पुनन्ति धीरा अपसौ मनीषा देव्या विप्र उदियति वाचम् ५
यान् वो नरो देवयन्तो निमिम्यु वनस्पते स्वधितिर्वा ततक्ष ।
ते देवासः स्वरवस्तस्थिवांसः प्रजावदस्मे दिधिषन्तु रत्नम् ६
ये वृक्षणासो अधि क्षमि निर्मितासो यतस्नुचः ।
ते नो व्यन्तु वार्य देवत्रा क्षेत्रसाधसः ७
आदित्या रुद्रा वसवः सुनीथा द्यावाक्षामा पृथिवी अन्तरिक्षम् ।
सजोषसो यज्ञमवन्तु देवा ऊर्ध्वं कृण्वन्त्वध्वरस्य केतुम् ८
हंसा इव श्रेणिशो यतानाः शक्रा वसानाः स्वरवो न आगुः ।
उन्नीयमानाः क्विभिः पुरस्ताद् देवा देवानामपि यन्ति पार्थः ९
शृङ्गाणीवेच्छृङ्गिणां सं ददृशे चषालवन्तः स्वरवः पृथिव्याम् ।
वाघद्धिर्वा विहवे श्रोषमाणा अस्माँ अवन्तु पृतनाज्येषु १०
वनस्पते शतवल्शो वि रोह सहस्रवल्शा वि वयं रुहेम ।
यं त्वामयं स्वधितिस्तेजमानः प्रणिनाय महते सौभगाय ११

(३) तृतीयं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । अग्निर्देवता । (१-८)

प्रथमाद्यष्टर्चा बृहती (६) नवम्याश्च त्रिष्टुप् छन्दसी

सखायस्त्वा ववृमहे देवं मर्तास ऊतये ।

अपां नपातं सुभर्गं सुदीदितिं सुप्रतूर्तिमनेहसम् १
 कार्यमानो वना त्वं यन्मातृरजगन्नपः ।
 न तत् तै अग्ने प्रमृषे निवर्तनं यद् दूरे सन्निहाभवः २
 अति तृष्टं ववक्षिथाथैव सुमना असि ।
 प्रप्रानये यन्ति पर्यनय आसते येषां सख्ये असि श्रितः ३
 ईयिवांसमति स्त्रिधः शश्वतीरति सश्वतः ।
 अन्वीमविन्दन् निचिरासौ अद्रुहो ऽप्सु सिंहमिव श्रितम् ४
 ससृवांसमिव त्मना ऽग्निमित्था तिरोहितम् ।
 ऐर्न नयन्मातरिश्वा परावतो देवेभ्यो मथितं परि ५
 तं त्वा मर्ता अगृभ्णत देवेभ्यो हव्यवाहन ।
 विश्वान् यद् यज्ञां अभिपासि मानुष तव क्रत्वा यविष्ठय ६
 तद् भद्रं तव दंसना पाकाय चिच्छदयति ।
 त्वां यदग्ने पशवः समासते समिद्धमपिशवरे ७
 आ जुहोता स्वध्वरं शीरं पावकशौचिषम् ।
 आशं दूतमजिरं प्रत्नमीडयं श्रुष्टी देवं संपर्यत ८
 त्रीणि शता त्री सहस्राण्यग्निं त्रिंशच्च देवा नव चासपर्यन् ।
 औक्षन् घृतैरस्तृणन् बृहिरस्मा आदिद्धोतारं नयसादयन्त ९

(४) चतुर्थं सूक्तम्

(१-९) नवर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

उष्णिक छन्दः

त्वामग्ने मनीषिणः सम्राजं चर्षणीनाम् । देवं मर्तास इनधते समध्वरे १
 त्वां यज्ञेष्वृत्विज मग्ने होतारमीळते । गोपा ऋतस्य दीदिहि स्वे दमे २
 स घा यस्ते ददाशति समिधा जातवैदसे । सो अग्ने धत्ते सुवीर्यं स पुष्यति ३
 स केतुरध्वराणां मग्निर्देवेभिरा गमत् । अञ्जानः सप्त होतृभिर्हविष्मते ४
 प्र होत्रै पूर्व्यं वचो ऽग्नये भरता बृहत् । विपां ज्योतीषि बिभ्रते न वेधसे ५
 अग्निं वर्धन्तु नो गिरो यतो जायत उक्थ्यः । महे वाजाय द्रविणाय दर्शतः ६
 अग्ने यजिष्ठो अध्वरे देवान् देवयते यज । होता मन्द्रो वि राजस्यति स्त्रिधः ७

स नः पावक दीदिहि द्युमदस्मे सुवीर्यम् । भवां स्तोतृभ्यो अन्तमः स्वस्तये
८
तं त्वा विप्रां विपुनयवो जागृवांसः समिनधते । हव्यवाहममर्त्यं सहोवृधम्
९

(५) पञ्चमं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । अग्निर्देवता ।
गायत्री छन्दः

अग्निर्होता पुरोहितो ऽध्वरस्य विचर्षणिः । स वैद यज्ञमानुषक १
स हव्यवाळमर्त्य उशिग्दूतश्चनौहितः । अग्निर्धिया समृणवति २
अग्निर्धिया स चैतति केतुर्यज्ञस्य पूर्व्यः । अर्थं ह्यस्य तरणिं ३
अग्निं सूनुं सनश्चतुं सहसो जातवैदसम् । वह्निं देवा अकृणवत् ४
अदाभ्यः पुरेता विशामग्निर्मानुषीणाम् । तूर्णी रथः सदा नवः ५
साह्वान् विश्वा अभियुजः क्रतुर्देवानाममृक्तः । अग्निस्तुविश्रवस्तमः ६
अभि प्रयांसि वाहसा दाश्वाँ अश्नोति मर्त्यः । क्षयं पावकशौचिषः ७
परि विश्वानि सुधिता ऽग्नेरश्याम् मन्मभिः । विप्रांसो जातवैदसः ८
अग्ने विश्वानि वार्या वाजेषु सनिषामहे । त्वे देवास एरिरे ९

(६) षष्ठं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्राग्नी देवते ।
गायत्री छन्दः

इन्द्राग्नी आ गतं सुतं गीर्भिर्नभो वरेण्यम् । अस्य पातं धियेषिता १
इन्द्राग्नी जरितुः सचा यज्ञो जिगाति चेतनः । अया पातमिमं सुतम् २
इन्द्रमग्निं कविच्छदा यज्ञस्य जूत्या वृणे । ता सोमस्येह तृम्पताम् ३
तोशा वृत्रहणा हुवे सजित्वानांपराजिता । इन्द्राग्नी वाजसातमा ४
प्र वामर्चनत्युक्थिनो नीथाविदो जरितारः । इन्द्राग्नी इष आ वृणे ५
इन्द्राग्नी नवतिं पुरो दासपत्नीरधूनुतम् । साकमेकैन् कर्मणा ६
इन्द्राग्नी अपसस्पर्यु प् प्र यन्ति धीतयः । ऋतस्य पथ्याइ अनु ७
इन्द्राग्नी तविषाणि वां सधस्थानि प्रयांसि च । युवोरमूर्यं हितम् ८
इन्द्राग्नी रोचना दिवः परि वाजेषु भूषथः । तद् वा चेति प्र वीर्यम् ९

(७) सप्तमं सूक्तम्

(१-७) सप्तर्चस्यास्य सूक्तस्य वैश्वामित्र ऋषभ ऋषिः । अग्निर्देवता ।

अनुष्टुप् छन्दः

प्र वौ देवायाग्रये बर्हिष्ठमर्चास्मै ।
 गमद् देवेभिरा स नो यजिष्ठो बर्हिरा सदत् १
 ऋतावा यस्य रोदसी दक्षं सचन्त ऊतयः ।
 हविष्मन्तस्तमीळते तं सनिष्यन्तोऽवसे २
 स यन्ता विप्र एषां स यज्ञानामथा हि षः ।
 अग्निं तं वौ दुवस्यत् दाता यो वर्निता मुघम् ३
 स नः शर्माणि वीतये ऽग्निर्यच्छतु शतमा ।
 यतौ नः पुष्णवद् वसु दिवि क्षितिभ्यौ अप्स्वा ४
 दीदिवांसमपूर्व्यं वस्वीभिरस्य धीतिभिः ।
 ऋक्वाणो अग्निर्मिनधते होतारं विशपतिं विशाम् ५
 उत नो ब्रह्मन्नविष उक्थेषु देवहूतमः ।
 शं नः शोचा मरुद्धो ऽग्ने सहस्रसातमः ६
 नू नौ रास्व सहस्रवत् तोकवत् पुष्टिमद् वसु ।
 द्युमदग्ने सुवीर्यं वर्षिष्ठमनुपक्षितम् ७

(८) अष्टमं सूक्तम्

(१-७) सप्तर्चस्यास्य सूक्तस्य वैश्वामित्र ऋषभ ऋषिः । अग्निर्देवता ।

त्रिष्टुप् छन्दः

आ होता मन्द्रो विदथानयस्थात् सत्यो यज्वा क्वितमः स वेधाः ।
 विद्युद्रथः सहसस्पुत्रो अग्निः शोचिष्कैशः पृथिव्यां पाजौ अश्रेत् १
 अयामि ते नमउक्तिं जुषस्व ऋतावस्तुभ्यं चेतते सहस्वः ।
 विद्वाँ आ वक्षि विदुषो नि षत्सि मध्य आ बर्हिरूतये यजत्र २
 द्रवतां त उषसा वाजयन्ती अग्ने वातस्य पृथ्याभिरच्छ ।
 यत् सीमञ्जन्ति पूर्व्यं हविर्भि रा वनधुरैव तस्थतुर्दुरोणे ३
 मित्रश्च तुभ्यं वरुणः सहस्वो ऽग्ने विश्वे मरुतः सुम्नमर्चन् ।
 यच्छोचिषा सहसस्पुत्र तिष्ठा अग्नि क्षितीः प्रथयन् त्सूर्यो नृन् ४
 वयं तै अद्य ररिमा हि काम मुत्तानहस्ता नमसोपसद्य ।

यजिष्ठेन मर्नसा यच्चि देवा नस्त्रैधता मन्मना विप्रौ अग्ने ५
त्वद्धि पुत्र सहसो वि पूर्वी देवस्य यनत्यूतयो वि वाजाः ।
त्वं देहि सहस्रिणं रयिं नो ऽद्रोघेण वचसा सत्यमग्ने ६
तुभ्यं दक्ष कविक्रतो यानीमा देव मर्तासो अध्वरे अकर्म ।
त्वं विश्वस्य सुरथस्य बोधि सर्वं तदग्ने अमृत स्वदेह ७

(९) नवमं सूक्तम्

(१-७) सप्तर्चस्यास्य सूक्तस्य कात्य उत्कील ऋषिः । अग्निदेवता । त्रिष्टुप् छन्दः
वि पार्जसा पृथुना शोशुचानो बाधस्व द्विषो रक्षसो अर्मीवाः ।
सुशर्मणो बृहतः शर्मणि स्या मग्नेरहं सुहवस्य प्रणीतौ १
त्वं नो अस्या उषसो व्युष्टौ त्वं सूर उदिते बोधि गोपाः ।
जन्मेव नित्यं तनयं जुषस्व स्तोमं मे अग्ने तन्वा सुजात २
त्वं नृचक्षा वृषभानु पूर्वीः कृष्णास्वग्ने अरुषो वि भाहि ।
वसो नेषि च पर्षि चात्यंहः कृधी नो राय उशिजौ यविष्ठ ३
अषाळ्हो अग्ने वृषभो दिदीहि पुरो विश्वाः सौभगा संजिगीवान् ।
यज्ञस्य नेता प्रथमस्य पायो जार्तवेदो बृहतः सुप्रणीते ४
अच्छिद्रा शर्म जरितः पुरूणि देवाँ अच्छा दीद्यानः सुमेधाः ।
रथो न सस्त्रिभि वच्चि वाज मग्ने त्वं रोदसी नः सुमेकै ५
प्र पीपय वृषभ जिन्व वाजा नग्ने त्वं रोदसी नः सुदोषै ।
देवेभिर्देव सुरुचा रुचानो मा नो मर्तस्य दुर्मतिः परि ष्ठात् ६
इळामग्ने पुरुदंसं सनिं गोः शश्वत्तमं हवमानाय साध ।
स्यान्नः सूनुस्तनयो विजावा ऽग्ने सा तै सुमतिभूत्वस्मे ७

(१०) दशमं सूक्तम्

(१-६) षडृचस्यास्य सूक्तस्य कात्य उत्कील ऋषिः । अग्निदेवता । प्रगाथः
(विषमर्चा बृहती समर्चा सतोबृहती) छन्दः

अयमग्निः सुवीर्यस्ये शै महः सौभगस्य ।
राय ईशे स्वपत्यस्य गोमत् ईशे वृत्रहथानाम् १
इमं नरो मरुतः सश्वता वृधं यस्मिन् रायः शेवृधासः ।
अभि ये सन्ति पृतनासु दूढ्यौ विश्वाहा शत्रुमादभुः २

स त्वं नो रायः शिशीहि मीद्वौ अग्ने सुवीर्यस्य ।
 तुर्विद्युम्न वर्षिष्ठस्य प्रजावतो ऽनमीवस्य शष्मिणः ३
 चक्रियो विश्वा भुवनाभि सासहि अक्रिदेवैष्वा दुर्वः ।
 आ देवेषु यतत आ सुवीर्य आ शंस उत नृणाम् ४
 मा नो अग्नेऽर्मतये मावीरतायै रीरधः ।
 मागोतायै सहसस्पुत्र मा निदे ऽपु द्वेषांस्या कृधि ५
 शृग्धि वाजस्य सुभग प्रजावतो ऽग्ने बृहतो अध्वरे ।
 सं राया भूर्यसा सृज मयोभुना तुर्विद्युम्न यशस्वता ६

(११) एकादशं सूक्तम्

(१-५) पञ्चर्चस्यास्य सूक्तस्य वैश्वामित्रः कत ऋषिः । अग्निर्देवता । त्रिष्टुप् छन्दः
 समिध्यमानः प्रथमानु धर्मा समक्तुभिरज्यते विश्ववारः ।
 शोचिष्केशो घृतनिर्णिक पावकः सुयज्ञो अग्निर्यजथाय देवान् १
 यथायजो होत्रमग्ने पृथिव्या यथा दिवो जातवेदश्चिकित्वान् ।
 एवानेन हविषा यज्ञि देवान् मनुष्वद् यज्ञं प्र तिरिमद्य २
 त्रीण्यार्यूषि तव जातवेद स्तिस्त्र आजानीरुषसस्ते अग्ने ।
 ताभिर्देवानामवो यज्ञि विद्वा नथा भव यजमानाय शं योः ३
 अग्निं सुदीतिं सुदृशं गृणन्तौ नमस्यामस्त्वेडयं जातवेदः ।
 त्वां दूतमरतिं हव्यवाहं देवा अकृणवन्नमृतस्य नाभिम् ४
 यस्त्वद्धोता पूर्वा अग्ने यजीयान् द्विता च सत्ता स्वधया च शंभुः ।
 तस्यानु धर्मं प्र यजा चिकित्वो ऽथा नो धा अध्वरं देववीतौ ५

(१२) द्वादशं सूक्तम्

(१-५) पञ्चर्चस्यास्य सूक्तस्य वैश्वामित्रः कत ऋषिः । अग्निर्देवता । त्रिष्टुप् छन्दः
 भवा नो अग्ने सुमना उपेतौ सखैव सख्यै पितरैव साधुः ।
 पुरुद्बुहो हि क्षितयो जनानां प्रति प्रतीचीर्दहतादरातीः १
 तपो ष्वग्ने अन्तरां अमित्रान् तपा शंसमररुषः परस्य ।
 तपो वसो चिकितानो अचित्तान् वि तै तिष्ठन्तामजरा अयासः २
 इध्मेनाग्र इच्छमानो घृतेन जुहोमि हव्यं तरसे बलाय ।
 यावदीशे ब्रह्मणा वन्दमान इमां धियं शतसेयाय देवीम् ३

उच्छोचिषा सहसस्पुत्र स्तुतो बृहद् वयः शशमानेषु धेहि ।
रेवदग्ने विश्वामित्रेषु शं योर्मर्मृज्मा तै तन्वंशभूरि कृत्वः ४
कृधि रत्न सुसनितुर्धनानां स घेदग्ने भवसि यत् समिद्धः ।
स्तोतुर्दुरोणे सुभगस्य रेवत् सृप्रा करस्त्रा दधिषे वपूषि ५

(१३) त्रयोदशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । अग्निर्देवता । त्रिष्टुप् छन्दः
अग्निं होतारं प्र वृणे मियेधे गृत्सं कविं विश्वविदममूरम् ।
स नो यज्ञद् देवताता यजीयान् राये वाजाय वनते मृघानि १
प्र तै अग्ने हविष्मतीमियु र्म्यच्छा सुद्युम्नां रातिनीं घृताचीम् ।
प्रदक्षिणिद् देवतातिमुराणः सं रातिभिर्वसुभिर्यज्ञमश्रेत् २
स तेजीयसा मनसा त्वोत उत शिञ्ज स्वपत्यस्य शिञ्जोः ।
अग्ने रायो नृतमस्य प्रभूतौ भूयाम ते सुष्टुतयश्च वस्वः ३
भूरीणि हि त्वे दधिरे अनीका ऽग्ने देवस्य यज्यवो जनासः ।
स आ वह देवतातिं यविष्टु शर्धो यद्द्य दिव्यं यजासि ४
यत् त्वा होतारमनजन् मियेधै निषादयन्तो यजथाय देवाः ।
स त्वं नो अग्नेऽवितेह बोध्य धि श्रवांसि धेहि नस्तनूषु ५

(१४) चतुर्दशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । (१, ५)
प्रथमापञ्चम्योर्ऋचोर्विश्वे देवाः (२-४) द्वितीयादितृचस्य चाग्निर्देवताः ।
त्रिष्टुप् छन्दः

अग्निमुषसमृश्विना दधिक्रां व्युष्टिषु हवते वह्निरुक्थैः ।
सुज्योतिषो नः शृण्वन्तु देवाः सजोषसो अध्वरं वावशानाः १
अग्ने त्री ते वार्जिना त्री षधस्था तिस्रस्तै जिह्वा ऋतजात पूर्वीः ।
तिस्र उं ते तन्वो देवताता स्ताभिर्नः पाहि गिरो अप्रयुच्छन् २
अग्ने भूरीणि तव जातवेदो देव स्वधावोऽमृतस्य नाम ।
याश्च माया मायिना विश्वमिन्व त्वे पूर्वीः संदधुः पृष्टबनधो ३
अग्निर्नेता भग इव क्षितीनां दैवीनां देव ऋतुपा ऋतावा ।
स वृत्रहा सनयो विश्ववेदाः पर्षद् विश्वाति दुरिता गृणन्तम् ४

दुधिक्रामग्निमुषसं च देवीं बृहस्पतिं सवितारं च देवम् ।
अश्विना मित्रावरुणा भगं च वसून् रुद्राँ आदित्याँ इह हुवे ५

(१५) पञ्चदशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । अग्निर्देवता । (१)
प्रथमर्चस्त्रिष्टुप् (२-३) द्वितीयातृतीययोरनुष्टुप् (४) चतुर्थ्या विराड् रूपा (५)

पञ्चम्याश्च सतोबृहती छन्दांसि

इमं नो यज्ञममृतैषु धेही मा हव्या जातवेदो जुषस्व ।
स्तोकानामग्ने मेदसो घृतस्य होतः प्राशान प्रथमो निषद्य १
घृतवन्तः पावक ते स्तोकाः श्रौतन्ति मेदसः ।
स्वर्धर्मन् देववीतये श्रेष्ठं नो धेहि वार्यम् २
तुभ्यं स्तोका घृतश्चुतो ऽग्ने विप्राय सनत्य ।
ऋषिः श्रेष्ठः समिध्यसे यज्ञस्यं प्राविता भव ३
तुभ्यं श्रोतनत्यधिगो शचीवः स्तोकासौ अग्ने मेदसो घृतस्यं ।
क्व विशस्तो बृहता भानुनागा हव्या जुषस्व मेधिर ४
ओर्जिष्ठं ते मध्यतो मेद उद्धतं प्र ते वयं ददामहे ।
श्रोतन्ति ते वसो स्तोका अर्धि त्वचि प्रति तान् देवशो विहि ५

(१६) षोडशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । (१-३, ५)
प्रथमादितृचस्य पञ्चम्या ऋचश्चाग्निः (४) चतुर्थ्याश्च पुरीष्या अग्रयो देवताः । (१-
३, ५) प्रथमादितृचस्य पञ्चम्या ऋचश्च त्रिष्टुप् (४) चतुर्थ्याश्चानुष्टुप् छन्दसी
अयं सो अग्निर्यस्मिन् त्सोममिन्द्रः सुतं दुधे जठरै वावशानः ।
सहस्त्रिणं वाजमत्यं न समिं ससवान् त्सन् त्स्तूयसे जातवेदः १
अग्ने यत् ते दिवि वर्चः पृथिव्यां यदोषधीष्वप्स्वा यजत्र ।
येनान्तरिक्षमुर्वाततनर्थ त्वेषः स भानुरर्णवो नृचक्षाः २
अग्ने दिवो अर्णमच्छा जिगास्यच्छा देवाँ ऊचिषे धिष्या ये ।
या रौचने परस्तात् सूर्यस्य याश्चावस्तादुपतिष्ठन्त आपः ३
पुरीष्यासो अग्रयः प्रावणेभिः सजोषसः ।
जुषन्ता यज्ञमद्बुहो ऽनमीवा इषो महीः ४

इळामग्ने पुरुदंसं सनिं गोः शश्वत्तमं हवमानाय साध ।
स्यान्नः सूनुस्तनयो विजावा ऽग्ने सा तै सुमतिर्भूत्वस्मे ५

(१७) सप्तदशं सूक्तम्

(१-५) पञ्चर्चस्यास्य सूक्तस्य भारतौ देवश्रवोदेववातावृषी । अग्निर्देवता । (१-
२, ४-५) प्रथमाद्वितीययोर्ऋचोश्चतुर्थीपञ्चम्योश्च त्रिष्टुप्

(३) तृतीयायाश्च सतोबृहती छन्दसी

निर्मथितः सुधित आ सधस्थे युवा कविरध्वरस्य प्रणेता ।
जूर्यत्स्वग्निरजरो वनेष्वत्रा दधे अमृतं जातवेदाः १
अमन्थिष्टां भारता रेवदग्निं देवश्रवा देववातः सुदक्षम् ।
अग्ने वि पश्य बृहताभि रायेषां नो नेता भवतादनु द्यून् २
दश क्षिपः पूर्व्यं सीमजीजनन् त्सुजातं मातृषु प्रियम् ।
अग्निं स्तुहि देववातं देवश्रवो यो जनानामसद् वशी ३
नि त्वा दधे वर आ पृथिव्या इळीयास्पदे सुदिनत्वे अह्वाम् ।
दृषद्वत्यां मानुष आपयायां सरस्वत्यां रेवदग्ने दिदीहि ४
इळामग्ने पुरुदंसं सनिं गोः शश्वत्तमं हवमानाय साध ।
स्यान्नः सूनुस्तनयो विजावा ऽग्ने सा तै सुमतिर्भूत्वस्मे ५

(१८) अष्टादशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । अग्निर्देवता । (१)
प्रथमर्चोऽनुष्टुप् (२-५) द्वितीयादिचतसृणाञ्च गायत्री छन्दसी
अग्ने सहस्व पृतना अभिमातीरपास्य । दुष्टरस्तरन्नराती र्वर्चो धा यज्ञवाहसे
१
अग्रं इळा समिध्यसे वीतिहौत्रो अमर्त्यः । जुषस्व सू नो अध्वरम् २
अग्रै द्युम्नेन जागृवे सहसः सूनवाहुत । एदं बर्हिः सदो मम ३
अग्ने विश्वेभिरग्निभिर्देवेभिर्महया गिरः । यज्ञेषु य उ चायवः ४
अग्ने दा दाशुषै रयिं वीरवन्तं परीणसम् । शिशीहि नः सूनुमतः ५

(१९) एकोनविंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । (१-३, ५)
प्रथमादितृचस्य पञ्चम्या ऋचश्चाग्निः (४) चतुर्थ्याश्चेन्द्राग्नी देवते । विराट् छन्दः

अग्रै दिवः सूनुरसि प्रचेता स्तना पृथिव्या उत विश्ववेदाः ।
 ऋधग्देवाँ इह यजा चिकित्वः १
 अग्निः संनोति वीर्याणि विद्वान् त्सनोति वाजममृताय भूषन् ।
 स नो देवाँ एह वहा पुरुक्षो २
 अग्निर्घावापृथिवी विश्वजनये आ भाति देवी अमृते अमूरः ।
 क्षयन् वाजैः पुरुश्चन्द्रो नमोभिः ३
 अग्र इन्द्रश्च दाशुषो दुरोगे सुतार्वतो यज्ञमिहोप यातम् ।
 अमर्धन्ता सोमपेयाय देवा ४
 अग्रै अपां समिध्यसे दुरोगे नित्यः सूनो सहसो जातवेदः ।
 सधस्थानि मह्यमान ऊती ५

(२०) विंशं सूक्तम्

(१-६) नवर्चस्यास्य सूक्तस्य (१-६, ८-६) प्रथमतृचद्वयस्याष्टमीनवम्योर्ऋचोश्च
 गाथिनो विश्वामित्रः (७) सप्तम्याश्च ब्रह्म ऋषी । (१-३) प्रथमादितृचस्य
 वैश्वानरोऽग्निः (४-६) चतुर्थ्यादितृचस्य मारुतोऽग्निः (७-८)
 सप्तम्यष्टम्योर्ऋचोरग्निः परं ब्रह्म वा (९) नवम्याश्च विश्वामित्रोपाध्यायो देवताः ।

(१-६) प्रथमतृचद्वयस्य जगती (७-६) तृतीयतृचस्य च त्रिष्टुप् छन्दसी
 वैश्वानरं मनसाग्निं निचाय्या हविष्मन्तो अनुषत्यं स्वर्विदम् ।
 सुदानुं देवं रथिरं वसूयवो गीर्भी रणवं कुशिकासो हवामहे १
 तं शभ्रमग्निमवसे हवामहे वैश्वानरं मातरिश्चानमुक्थ्यम् ।
 बृहस्पतिं मनुषो देवतातये विप्रं श्रोतारमतिथिं रघुष्यदम् २
 अश्वो न क्रन्दञ्जनिभिः समिध्यते वैश्वानरः कुशिकेभिर्युगेयुगे ।
 स नो अग्निः सुवीर्यं स्वश्वयं दधातु रत्नममृतेषु जागृविः ३
 प्र यन्तु वाजास्तविषीभिरग्रयः शभे संइमश्लाः पृषतीरयुक्षत ।
 बृहदुक्षो मरुतो विश्ववेदसः प्र वेपयन्ति पर्वताँ अदाभ्याः ४
 अग्निश्रियो मरुतो विश्वकृष्टय आ त्वेषमुग्रमव ईमहे वयम् ।
 ते स्वानिनो रुद्रिया वर्षनिर्णिजः सिंहा न हेषक्रतवः सुदानवः ५
 व्रातव्रातं गुणंगणं सुशस्तिभि रग्रेभाम मरुतामोज ईमहे ।
 पृषदश्वासो अनवभ्रराधसो गन्तारो यज्ञं विदथेषु धीराः ६
 अग्निरस्मि जन्मना जातवेदा घृतं मे चक्षुरमृतं म आसन् ।

अ॒र्कस्त्रि॒धातू रज॑सो वि॒मानो ऽज॑स्रो घृ॒र्मो ह॒विर॑स्मि॒ नाम ७
त्रि॒भिः पु॒वित्रै॑रपु॒पोद्ध॑य॒र्कं ह॒दा म॒तिं ज्योति॑रनु॒ प्रजा॑नन् ।
वर्षि॑ष्ठं रत्नमकृत स्व॒धाभि॑ रादिद् द्यावापृथि॒वी पर्य॑पश्यत् ८
शत॑धा॒रमु॒त्सम॑क्षीयमाणं विपु॒श्चितं इ॑पु॒तरं व॑क्त्वानाम् ।
मेळि॑ म॒दन्तं पि॒त्रोरु॒पस्थे॑ तं रो॒दसी॑ पिपृतं सत्य॒वाच॑म् ९

(२१) एकविंशं सूक्तम्

(१-१५) पञ्चदशर्चस्यास्य सूक्तस्य गाथिनो विश्वामित्र ऋषिः । (१-१५)

पञ्चदशर्चामग्निः (१) प्रथमाया ऋतवो वा देवताः । गायत्री छन्दः
प्र वो वाजा॑ अ॒भिद्य॑वो ह॒विष्म॑न्तो घृ॒ताच्या॑ । दे॒वाञ्जि॑गाति सु॒म्रयुः १
ईळे॑ अ॒ग्निं वि॑पु॒श्चितं गि॒रा य॒ज्ञस्य॑ सा॒र्धनम् । श्रु॒ष्टीवा॑नं धि॒तावा॑नम् २
अ॒ग्ने श॒केम॑ ते व॒यं यम॑ दे॒वस्य॑ वा॒जिनः॑ । अ॒ति द्वे॑षा॒सि तरे॑म ३
स॒मि॒ध्यमा॑नो अ॒ध्वरे॑ऽग्निः पा॒वक॑ ई॒डयः॑ । शो॒चिष्के॑शस्त॒मीमहे॑ ४
पृथु॑पाजा॒ अम॑र्त्यो घृ॒तनि॑र्णिक॒ स्वा॒हुतः॑ । अ॒ग्निर्य॑ज्ञस्य॒ हव्य॑वाद् ५
तं स॒बाधो॑ य॒तस्त्रु॑च इ॒त्था धि॒या य॒ज्ञव॑न्तः । आ च॑क्रु॒रग्नि॑मू॒तयै॑ ६
होता॑ दे॒वो अ॑म॒र्त्यः पु॒रस्ता॑देति मा॒यया॑ । वि॒दथानि॑ प्र॒चोद॑यन् ७
वा॒जी वा॒जेषु॑ धी॒यते ऽध्व॑रेषु प्र॒णीय॑ते । वि॒प्रो य॒ज्ञस्य॑ सा॒र्धनः॑ ८
धि॒या च॑क्रे वरै॒रयो॑ भू॒तानां॑ गर्भ॒मा द॑धे । दक्ष॑स्य पि॒तरं॑ तना॑ ९
नि त्वा॑ द॒धे वरै॒रयं॑ दक्ष॒स्येळा॑ सह॒स्कृत॑ । अ॒ग्ने सु॒दीति॑मु॒शिज॑म् १०
अ॒ग्निं य॒न्तुर॑म॒मुरं॑ मू॒तस्य॑ योगे॒ वनु॑षः । वि॒प्रा वा॒जैः स॒मि॒नध॑ते ११
ऊ॒र्जो न॑पा॒तम॑ध्व॒रे दी॑दि॒वांस॒मुप॑ द्यवि । अ॒ग्निमी॑ळे क॒विक्र॑तुम् १२
ईळे॑नयो॒ नम॑स्य॒ स्तिर॑स्त॒मांसि॑ दर्श॒तः । स॒म॒ग्निरि॑ध्यते॒ वृषा॑ १३
वृषो॑ अ॒ग्निः स॒मि॒ध्यते॑ ऽश्चो॒ न दे॑व॒वाहनः॑ । तं ह॒विष्म॑न्त ईळते १४
वृष॑णं त्वा व॒यं वृ॑षन् वृष॒णः स॒मि॒धीम॑हि । अ॒ग्ने दी॑द्यतं बृ॒हत् १५

(२२) द्वाविंशं सूक्तम्

(१-६) षड्चस्यास्य सूक्तस्य गाथिनो विश्वामित्र ऋषिः । अग्निर्देवता । (१-२,

६) प्रथमाद्वितीययोर्ऋचोः षष्ठ्याश्च गायत्री (३) तृतीयाया उष्णिक् (४)

चतुर्थ्यास्त्रिष्टुप् (५) पञ्चम्याश्च जगती छन्दांसि

अ॒ग्ने जु॑षस्व॒ नो ह॒विः पु॒रोळा॑शं जा॒तवे॑दः । प्रा॒तःसा॒वे धि॑यावसो १

पुरोळा अग्ने पचत स्तुभ्यं वा घा परिष्कृतः । तं जुषस्व यविष्ठय २
 अग्ने वीहि पुरोळाश माहुतं तिरोअह्यम् । सहसः सूनुरस्यध्वरे हितः ३
 माध्यदिने सर्वने जातवेदः पुरोळाशमिह कवे जुषस्व ।
 अग्ने यहस्य तव भागुधेयं न प्र मिनन्ति विदथेषु धीराः ४
 अग्ने तृतीये सर्वने हि कानिषः पुरोळाशं सहसः सूनवाहुतम् ।
 अथा देवेष्वध्वरं विपनयया धा रत्नवन्तममृतैषु जागृविम् ५
 अग्ने वृधान आहुतिं पुरोळाशं जातवेदः । जुषस्व तिरोअडनयम् ६

(२३) त्रयोविंशं सूक्तम्

(१-१६) षोडशर्चस्यास्य सूक्तस्य गाथिनो विश्वामित्र ऋषिः । (१-४, ६-१६)
 प्रथमादिचतुर्भृचां षष्ठ्याद्येकादशानाञ्चामिः (५) पञ्चम्याश्च अग्निर्ऋत्विजो वा देवताः
 । (१, ४, १०, १२) प्रथमाचतुर्थीदशमीद्वादशीनामनुष्टुप् (२, ३, ५, ७-९, १३,
 १६) द्वितीयातृतीययोः पञ्चम्याः सप्तम्यादितृचस्य त्रयोदशीषोडशयोश्च त्रिष्टुप् (६, ११,
 १४, १५) षष्ठ्येकादशीचतुर्दशीपञ्चदशीनाञ्च जगती छन्दांसि

अस्तीदमधि मनथन् मस्ति प्रजननं कृतम् ।
 एतां विश्पत्नीमा भराग्निं मनथाम पूर्वथा १
 अरण्योर्निर्हितो जातवेदा गर्भ इव सुधितो गर्भिणीषु ।
 दिवेदिव ईड्यो जागृवद्भिर्हविष्मद्भिर्मनुष्यैभिरग्निः २
 उत्तानायामव भरा चिकित्वान् त्सद्यः प्रवीता वृषणं जजान ।
 अरुषस्तूपो रुशदस्य पाज इळायास्पुत्रो वयुने ऽजनिष्ट ३
 इळायास्त्वा पदे वयं नाभा पृथिव्या अधि ।
 जातवेदो नि धीम ह्यग्ने हव्याय वोळहवे ४
 मनथता नरः कविमद्वयन्तं प्रचेतसममृतं सुप्रतीकम् ।
 यज्ञस्य केतुं प्रथमं पुरस्ता दग्निं नरो जनयता सुशेवम् ५
 यदी मनथन्ति बाहुभिर्वि रौचते ऽश्वो न वाज्यरुषो वनेष्वा ।
 चित्रो न यामन्नश्चिनोरनिवृतः परि वृणक्त्यश्मनस्तृणा दहन् ६
 जातो अग्नी रौचते चेकितानो वाजी विप्रः कविशस्तः सुदानुः ।
 यं देवास ईड्यं विश्वविदं हव्यवाहमदधुरध्वरेषु ७
 सीदं होतः स्व उ लोके चिकित्वान् त्सादया यज्ञं सुकृतस्य योनौ ।
 देवावीर्देवान् हविषा यजास्यग्ने बृहद् यजमाने वर्यो धाः ८

कृ॒णोत॑ धूमं वृष॑णं सखा॒यो ऽस्त्रे॑धन्त इत॒न वा॒ज॒मच्छ॑ ।
 अ॒यम॒ग्निः पृ॑तनाषाट् सु॒वीरो॑ येन॒ देवा॑सो अ॒स॒हन्त॑ दस्यून् ६
 अ॒यं ते॒ योनि॑र्ऋ॒त्वियो॑ यतो॒ जा॒तो अ॒रौच॑थाः ।
 तं जा॒नन्न॑ग्ना आ॒सीदा॑थां नो वर्ध॒या गिरः॑ १०
 त॒नून॑पादुच्यते गर्भं आ॒सुरो॑ नरा॒शंसो॑ भवति॒ यद् वि॒जाय॑ते ।
 मा॒तरि॑श्वा यदमिमीत मा॒तरि॑ वा॒तस्य॑ सर्गो॒ अभव॑त् सरी॒मणि ११
 सु॒निर्म॑था निर्मा॒थितः॑ सु॒निधा॑ निहि॒तः क॒विः ।
 अ॒ग्रे स्व॑ध्व॒रा कृ॑णु दे॒वान् दै॒वय॑ते यज १२
 अ॒जी॒जन॑न्नमृतं म॒र्त्यासो॑ ऽस्त्रे॒माणं॑ त॒रणिं॑ वी॒ळुज॑म्भम् ।
 द॒श स्व॑सारो अ॒गुर्वः॑ समी॒चीः पु॒मांसं॑ जा॒तम॒भि सं र॑भन्ते १३
 प्र स॒प्तहो॑ता स॒नका॑दरोचत मा॒तुरु॑प॒स्थे यदशौ॑च॒दूध॑नि ।
 न नि मि॑षति सु॒रणो॑ दि॒वेदि॑वे॒ यदसु॑रस्य ज॒ठरा॑दजायत १४
 अ॒मि॒त्रायु॑धो म॒रुता॑मिव प्र॒याः प्र॑थम॒जा ब्र॑ह्म॒णो वि॒श्वमि॑द् वि॒दुः ।
 द्यु॒म्वद् ब्र॑ह्म कु॒शिका॑स ए॒रि॒र ए॒क॒ए॒को द॑मै अ॒ग्निं समी॑धिरे १५
 यद॒द्य त्वा॑ प्र॒यति॑ य॒ज्ञे अ॒स्मिन् हो॑तश्चि॒कित्वो॑ऽवृ॒णीम॑हीह ।
 ध्रु॒वम॑या ध्रु॒वमु॑ताशमि॒ष्ठाः प्र॒जा॒नन् वि॒द्वाँ उप॑ याहि सोम॒म् १६

द्वितीयोऽध्यायः

व० १-२६

(२४) चतुर्विंशं सूक्तम्

(१-२२) द्वाविंशत्यृचस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इ॒च्छन्ति॑ त्वा सो॒म्यासः॑ सखा॒यः सु॒न्वन्ति॑ सोमं दध॒ति प्र॑यांसि ।
 ति॒ति॒क्षन्ते॑ अ॒भिशा॑स्तिं जना॒ना मि॒न्द्र त्वदा॑ कश्चन हि प्र॒केतः॑ १
 न ते॑ दू॒रे प॑र॒मा चि॒द् रजा॑ स्या तु प्र या॒हि हरि॑वो हरि॒भ्याम् ।
 स्थि॒राय॑ वृ॒ष्णे स॑र्वना कृ॒तेमा॑ यु॒क्ता ग्रा॒वाणः॑ समि॒धाने॑ अ॒ग्नौ २
 इन्द्रः॑ सु॒शिप्रो॑ म॒घवा॑ तरु॒त्रो म॒हावा॑तस्तुविकूर्मिर्ऋ॒घावान् ।
 यदु॒ग्रो धा॑ बा॒धितो॑ म॒र्त्येषु॑ क्वश् त्वा ते॑ वृषभ वी॒र्या॑णि ३
 त्वं हि ष्मा॑ च्या॒वय॑न्नच्यु॒ता न॑येको॒ वृत्रा॑ चर॒सि जिघ्न॑मानः ।
 तव॑ द्यावा॒पृथि॒वी प॑र्व॒तासो॑ ऽनु॒ वृ॒ताय॑ निर्मितेव तस्थुः ४

उ॒ताभये॑ पु॒रुहू॒त श्रवो॑भि॒रेको॑ दृ॒ळह॑र्म॒वदो॑ वृ॒त्रहा॑ सं॒न् ।
 इ॒मे चि॑दिन्द्र॒ रोद॑सी॒ अपा॑रे॒ यत् सं॑गृ॒भ्णा म॑घवन् का॒शिरि॑त्तै ५
 प्र॒ सू तं॑ इन्द्र॒ प्रव॑ता॒ हरि॑भ्यां॒ प्र ते॒ वज्रः॑ प्र॒मृण॑न्नेतु॒ शत्रू॑न् ।
 ज॒हि प्र॑ती॒चो अ॑नू॒चः परा॑चो॒ विश्वं॑ स॒त्यं कृ॑णुहि॒ विष्ट॑र्मस्तु ६
 यस्मै॑ धा॒युरद॑धा॒ मर्त्या॑या॒ भक्तं॑ चिद् भजते॒ गेह्यं॑ सः ।
 भ॒द्रा तं॑ इन्द्र॒ सुम॑ति॒र्घृता॑ची॒ सह॑स्र॒दाना॑ पु॒रुहू॒त रा॑तिः ७
 स॒हदा॑नुं पु॒रुहू॒त क्षि॑यन्त॒ मह॑स्तमिन्द्र॒ सं इ॑प॒णक॑ कु॒णारु॑म् ।
 अ॒भि वृ॒त्रं वर्ध॑मानं॒ पिया॑रु॒ म॒पाद॑मिन्द्र॒ तव॑सा॒ जघ॑नथ ८
 नि॒ समि॑नामि॒षिरा॑मिन्द्र॒ भूमि॑ म॒हीम॑पा॒रां स॑दने॒ सस॑त्थ ।
 अस्त॑भ्नाद् द्यां वृ॒षभो॑ अ॒न्तरि॑क्ष॒ मर्ष॑नत्वाप॒स्त्वये॑ह प्र॒सूताः॑ ९
 अ॒ला॒तृ॒णो व॒ल इ॒न्द्र वृ॒जो गोः॑ पु॒रा ह॑न्तो॒र्भय॑मानो॒ व्या॑र ।
 सु॒गान् प॒थो अ॑कृ॒णोन्निर॑जे॒ गाः प्रा॑वन् वा॒णीः पु॒रुहू॒तं ध॑र्मन्तीः १०
 ए॒को द्वे॑ वसु॒मती॑ समी॒ची इन्द्र॑ आ॒ पप्रौ॑ पृथि॒वीमु॑त द्याम् ।
 उ॒तान्तरि॑क्षाद्भि॒ नः समी॑क॒ इषो॑ र॒थीः स॒युजः॑ शू॒र वा॑जान् ११
 दि॒शः सूर्यो॑ न मि॒नाति॑ प्रदि॒ष्टा दि॒वेदि॑वे॒ हर्य॑श्वप्र॒सूताः॑ ।
 सं यदा॑नु॒ळध्व॑न् आदि॒दश्वै॑र्वि॒मोच॑नं कृ॒णुते॑ तत् त्व॑स्य १२
 दि॒दृक्ष॑न्त उ॒षसो॑ या॒मन्न॑क्तो॒ वि॒वस्व॑त्या॒ महि॑ चि॒त्रम॑नी॒कम् ।
 विश्वे॑ जानन्ति॒ महि॑ना॒ यदा॑गा॒ दिन्द्र॑स्य॒ कर्म॑ सु॒कृता॑ पु॒रुणि॑ १३
 महि॑ ज्योति॒र्निहि॑तं वृ॒क्षणा॑ स्वा॒मा प॒क्वं च॑रति॒ बिभ्र॑ती॒ गौः ।
 विश्वं॑ स्वा॒द्य संभृ॑तमु॒स्त्रिया॑यां॒ यत् सी॑मिन्द्रो॒ अद॑धाद् भो॒र्जना॑य १४
 इन्द्र॑ दृ॒ह्यं या॑मको॒शा अ॑भूवन् य॒ज्ञाय॑ शि॒क्ष गृ॑णते॒ सखि॑भ्यः ।
 दु॒र्मा॑यवो॒ दुरे॑वा॒ मर्त्या॑सो नि॒षङ्गि॑णो॒ रि॒पवो॑ ह॒नत्वा॑सः १५
 सं घो॑षः शृ॒णवे॑ऽव॒मैर॑मि॒त्रैर्ज॑ही नये॒ष्वश॑निं॒ तपि॑ष्ठाम् ।
 वृ॒श्चेम॑धस्ताद् वि॒ रु॒जा स॑ह॒स्व ज॒हि र॑क्षो॒ मघ॑वन् र॒नध॑र्य॒स्व १६
 उद् बृ॑ह॒ रक्षः॑ स॒हमू॑लमिन्द्र॒ वृश्चा॑ म॒ध्यं प्र॑त्यग्रं शृ॒णीहि॑ ।
 आ॒ की॒वतः॑ स॒ल॒लूकं॑ च॒कर्त्त॑ ब्र॒ह्मद्वि॑षे॒ तपु॑षिं हे॒तिम॑स्य १७
 स्व॒स्तये॑ वा॒जिभि॑श्च प्र॒णेतः॑ सं यन्म॒हीरि॑ष आ॒सत्सि॑ पूर्वीः ।
 रा॒यो वृ॑न्तारो॒ बृह॑तः॒ स्या॑मा॒ऽस्मे अ॑स्तु॒ भग॑ इन्द्र॒ प्र॒जावा॑न् १८
 आ॒ नो॑ भ॒र् भ॑र्गमिन्द्र॒ द्युम॑न्तं॒ नि तै॑ दे॒ष्णस्य॑ धीमहि॒ प्रे॒के ।
 ऊ॒र्व इ॑व पप्र॒थे का॑मो॒ अस्मे॑ तमा॒ पृ॒ण व॑सुपते॒ वसू॑नाम् १९

इमं कामं मन्दया गोभिरश्वैश्चन्द्रवता राधसा पप्रथश्च ।
स्वर्यवो मतिभिस्तुभ्यं विप्रा इन्द्राय वाहः कुशिकासो अक्रन् २०
आ नो गोत्रा ददृहि गोपते गाः समस्मभ्यं सनयो यन्तु वाजाः ।
दिवक्षा असि वृषभ सत्यशुष्मो ऽस्मभ्यं सु मघवन् बोधि गोदाः २१
शुनं हुवेम मघवान्मिन्द्रं मस्मिन् भरे नृतमं वाजसातौ ।
शृणवन्तमुग्रमृतये समत्सु घ्नन्तं वृत्राणि संजितं धनानाम् २२

(२५) पञ्चविंशं सूक्तम्

(१-२२) द्वाविंशत्यृचस्यास्य सूक्तस्य गाथिनो विश्वामित्र ऐषीरथिः कुशिको वा

ऋषिः । इन्द्रो देवता । त्रिष्टुप् छन्दः

शासद् वह्निर्दुहितुर्नप्तयं गाद् विद्वाँ ऋतस्य दीधितिं सपर्यन् ।
पिता यत्र दुहितुः सेकमृञ्जन् त्सं शगम्येन मनसा दधन्वे १
न जामये तान्वो रिक्थमरिक् चकार गर्भं सनितुर्निधानम् ।
यदी मातरौ जनयन्त वह्निं मनयः कर्ता सुकृतीरनय ऋनधन् २
अग्निर्जज्ञे जुह्वाइ रेजमानो महस्पुत्राँ अरुषस्यं प्रयक्षे ।
महान् गर्भो मह्या जातमेषां मही प्रवृद्धयश्चस्य यज्ञैः ३
अभि जैत्रीरसचन्त स्पृधानं महि ज्योतिस्तमसो निरजानन् ।
तं जानतीः प्रत्युदायन्नुषासः पतिर्गवामभवदेक इन्द्रः ४
वीळौ सतीरभि धीरा अतृन्दन् प्राचाहिन्वन् मनसा सप्त विप्राः ।
विश्वामविन्दन् पथ्यामृतस्यं प्रजानन्नित्ता नमसा विवेश ५
विदद् यदी सरमा रुग्णमद्रे महि पार्थः पूर्व्यं सध्र्यक्कः ।
अग्रं नयत् सुपद्यक्षराणा मच्छा रवं प्रथमा जानती गात् ६
अगच्छदु विप्रतमः सखीय न्नसूदयत् सुकृते गर्भमद्रिः ।
ससान् मर्यो युवभिर्मखस्य न्नाभाभवदङ्गिराः सद्यो अर्चन् ७
सतःसतः प्रतिमानं पुरो भूर्विश्वा वेद जनिमा हन्ति शुष्णाम् ।
प्र शो दिवः पदवीर्गव्युरर्चन् त्सखा सखीरमुञ्चन्निरवघात् ८
नि गव्यता मनसा सेदुरकैः कृणवानासो अमृतत्वार्यं गातुम् ।
इदं चिन्नु सदंनं भूर्येषां येन मासाँ असिषासन्वृतेन ९
संपश्यमाना अमदन्नभि स्वं पर्यः प्रत्स्य रेतसो दुघानाः ।
वि रोदसी अतपद् घोष एषां जाते निःष्ठामदधुर्गोषु वीरान् १०

स जातेभिर्वृत्रहा सेदु हव्यै रुदुस्त्रिया असृजदिन्द्रो अर्केः ।
उरुच्यस्मै घृतवद् भरन्ती मधु स्वाद्य दुदुहे जेन्या गौः ११
पित्रे चिच्चक्रुः सदनं समस्मै महि त्विषीमत् सुकृतो वि हि ख्यन् ।
विष्कभन्तः स्कम्भनेना जनित्री आसीना ऊर्ध्वं रभुसं वि मिन्वन् १२
मही यदि धिषणा शिशनथे धात् संद्योवृधं विभ्वं रोदस्योः ।
गिरो यस्मिन्ननवद्याः समीची विश्वा इन्द्राय तविषीरनुत्ताः १३
मह्या तै सख्यं वशिम शक्ती रा वृत्रघ्ने नियुतौ यन्ति पूर्वीः ।
महि स्तोत्रमव आगन्म सुरेरस्माकं सु मघवन् बोधि गोपाः १४
महि क्षेत्रं पुरु श्वन्द्रं विविद्वा नादित् सखिभ्यश्चरथं समैरत् ।
इन्द्रो नृभिरजनद् दीद्यानः साकं सूर्यमुषसं गातुमग्निम् १५
अपश्चिदेष विभ्वोर्दमूनाः प्र सधीचीरसृजद् विश्वश्चन्द्राः ।
मध्वः पुनानाः कविभिः पवित्रैर्द्युभिर्हिन्वनत्यक्तुभिर्धनुत्रीः १६
अनु कृष्णे वसुधिती जिहाते उभे सूर्यस्य मंहना यजत्रे ।
परि यत् तै महिमानं वृजध्यै सखाय इन्द्र काम्या ऋजिप्याः १७
पतिर्भव वृत्रहन् त्सूनृतीनां गिरां विश्वायुर्वृषभो वयोधाः ।
आ नो गहि सख्येभिः शिवेभिर्महान् महीभिरूतिभिः सरण्यन् १८
तमङ्गिरस्वन्नमसा सपर्यन् नव्यं कृणोमि सनयसे पुराजाम् ।
द्रुहो वि याहि बहुला अदेवीः स्वश्च नो मघवन् त्सातयै धाः १९
मिहः पावकाः प्रतेता अभूवन् त्स्वस्ति नः पिपृहि पारमासाम् ।
इन्द्र त्वं रथिरः पाहि नो रिषो मद्भूमद्भू कृणुहि गोजितो नः २०
अदेदिष्ट वृत्रहा गोपतिर्गा अन्तः कृष्णां अरुषैर्धामभिर्गात् ।
प्र सूनृतां दिशमान ऋतेन दुरंश्च विश्वा अवृणोदप स्वाः २१
शूनं हुवेम मघवान्मिन्द्रं मस्मिन् भरे नृतमं वाजसातौ ।
शृगवन्तमुग्रमूतयै समत्सु घन्तं वृत्राणि संजितं धनानाम् २२

(२६) षड्विंशं सूक्तम्

(१-१७) सप्तदशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्र सोमं सोमपते पिबेमं माध्यंदिनं सर्वनं चारु यत् तै ।

प्रप्रुथ्या शिप्रे मघवन्नृजीषिन् विमुच्या हरीं इह मादयस्व १

गवाशिरं मन्थिनमिन्द्र शक्रं इंपबा सोमं ररिमा ते मदाय ।
 ब्रह्मकृता मारुतेना गणेन सजोषा रुद्रैस्तृपदा वृषस्व २
 ये ते शुष्मं ये तविषीमवर्धं चर्चन्त इन्द्र मरुतस्त ओजः ।
 माध्यदिने सर्वने वज्रहस्त पिबा रुद्रेभिः सगणः सुशिप्र ३
 त इन्वस्य मधुमद् विविप्र इन्द्रस्य शर्धो मरुतो य आसन् ।
 येभिर्वृत्रस्यैषितो विवेदा मर्मणो मनयमानस्य मर्म ४
 मनुष्वदिन्द्र सर्वनं जुषाणः पिबा सोमं शश्वते वीर्याय ।
 स आ ववृत्स्व हर्यश्च यज्ञैः सरणयुभिरपो अर्णा सिसर्षि ५
 त्वमपो यद्ध वृत्रं जघन्वाँ अत्याँ इव प्रासृजः सर्तवाजौ ।
 शयानमिन्द्र चरता वधेन वव्रिवांसं परि देवीरदेवम् ६
 यजाम् इन्नमसा वृद्धमिन्द्रं बृहन्तमृष्वमजरं युवानम् ।
 यस्य प्रिये ममर्तुर्यज्ञियस्य न रोदसी महिमानं ममातै ७
 इन्द्रस्य कर्म सुकृता पुरुणि वृतानि देवा न मिनन्ति विश्वे ।
 दाधार यः पृथिवीं द्यामुतेमां जजान सूर्यमुषसं सुदंसाः ८
 अद्रौघ सत्यं तव तन्महित्वं सद्यो यज्जातो अपिबो ह सोमम् ।
 न द्यारं इन्द्र तवसस्त ओजो नाहा न मासाः शरदो वरन्त ९
 त्वं सद्यो अपिबो जात इन्द्र मदाय सोमं परमे व्योमन् ।
 यद्ध द्यावापृथिवी आविवेशी रथाभवः पूर्व्यः कारुधायाः १०
 अहन्नहिं परिशयानमर्णं ओजायमानं तुविजात् तव्यान् ।
 न तै महित्वमनु भूदध द्यौर्यदनयया स्फुग्याइ क्षामवस्थाः ११
 यज्ञो हि तं इन्द्र वर्धनो भू दुत प्रियः सुतसौमो मियेधः ।
 यज्ञेन यज्ञमव यज्ञियः सन् यज्ञस्ते वज्रमहिहत्य आवत् १२
 यज्ञेनेन्द्रमवसा चक्रे अर्वा गैर्न सुम्राय नव्यसे ववृत्याम् ।
 यः स्तोमैभिर्वावृधे पूर्व्येभिर्यो मध्यमेभिरुत नूतनेभिः १३
 विवेष यन्मा धिषणा जजान स्तवै पुरा पार्यादिन्द्रमहैः ।
 अंहसो यत्र पीपरद् यथा नो नावेव यान्तमुभयै हवन्ते १४
 आपूर्णो अस्य कलशः स्वाहा सेक्तैव कोशं सिसिचे पिबध्वै ।
 समु प्रिया आववृत्रन् मदाय प्रदक्षिणिदभि सोमांस इन्द्रम् १५
 न त्वा गभीरः पुरुहूत सिनधु नार्द्रयः परि षन्तो वरन्त ।
 इत्था सखिभ्य इषितो यदिन्द्राः ऽऽदृळहं चिदरुजो गव्यमूर्वम् १६

शुनं हुवेम मघवानमिन्द्रं मस्मिन् भरे नृतमं वाजसातौ ।
शृणवन्तमुग्रमूतये समत्सु घ्नन्तं वृत्राणि संजितं धनानाम् १७

(२७) सप्तविंशं सूक्तम्

(१-१३) त्रयोदशर्चस्यास्य सूक्तस्य (१-३, ५, ७, ९, ११-१३) प्रथमादितृचस्य पञ्चमीसप्तमीनवम्युचामेकादश्यादितृचस्य च गाथिनो विश्वामित्र ऋषिः (४, ६, ८, १०) चतुर्थीषष्ठ्यष्टमीदशमीनाञ्च नद्य ऋषिकाः । (१-३, ५, ९, ११-१३) प्रथमादितृचस्य पञ्चमीनवम्योऋचोरेकादश्यादितृचस्य च नद्यः (४, ८, १०) चतुर्थ्यष्टमीदशमीनां विश्वामित्रः (६, ७) षष्ठीसप्तम्योश्चेन्द्रो देवताः । (१-१२) प्रथमादिद्वादशर्चा त्रिष्टुप् (१३) त्रयोदश्याश्चानुष्टुप् छन्दसी

प्र पर्वतानामुशती उपस्था दश्वे इव विषिते हासमाने ।
गावैव शुभ्रे मातरा रिहाणे विपाट्छुतुद्री पर्यसा जवेते १
इन्द्रैषिते प्रसवं इभक्षमाणे अच्छा समुद्रं रथ्यैव याथः ।
समाराणे ऊर्मिभिः पिन्वमाने अनया वामिनयामप्यैति शुभ्रे २
अच्छा सिनधुं मातृतमामयासं विपाशमुर्वी सुभगांमगन्म ।
वत्समिव मातरा संरिहाणे समानं योनिमनु संचरन्ती ३
एन वयं पर्यसा पिन्वमाना अनु योनिं देवकृतं चरन्तीः ।
न वर्तवे प्रसवः सर्गतक्तः कियुर्विप्रौ नद्यौ जोहवीति ४
रमध्वं मे वचसे सोम्याय ऋतावरीरुप मुहूर्तमेवैः ।
प्र सिनधुमच्छा बृहती मनीषा ऽवस्युरहे कुशिकस्य सूनुः ५
इन्द्रो अस्माँ अरदद् वज्रबा हरपाहन् वृत्रं परिधिं नदीनाम् ।
देवोऽनयत् सविता सुपाणि स्तस्य वयं प्रसवे याम उर्वीः ६
प्रवाच्यं शश्वधा वीर्यं त दिन्द्रस्य कर्म यदहिं विवृश्चत् ।
वि वज्रेण परिषदौ जघाना ऽऽयन्नापोऽयनमिच्छमानाः ७
एतद् वचौ जरितुर्मापि मृष्टा आ यत् ते घोषानुत्तरा युगानि ।
उक्थेषु कारो प्रति नो जुषस्व मा नो नि कः पुरुषत्रा नमस्ते ८
ओ षु स्वसारः कारवै शृणोत ययौ वो दूरादनसा रथेन ।
नि षू नमध्वं भवता सुपारा अंधोअक्षाः सिनधवः स्त्रोत्याभिः ९
आ तै कारो शृणवामा वचांसि ययार्थ दूरादनसा रथेन ।
नि तै नसै पीप्यानेव योषा मर्यायेव कनया शश्वचै तै १०

यदङ्ग त्वा भ॒रताः संत॑रैयु॒र्गव्यन्॑ ग्रामं इषित इन्द्र॑जूतः ।
अर्षा॑दहं प्रस॒वः सर्गत॑क्त आ वो॒ वृणे॑ सुम॒तिं यज्ञि॑र्यानाम् ११
अ॒तारि॑षुर्भ॒रता॑ ग॒व्यवः॑ स॒ मर्भ॑क्त॒ विप्रः॑ सुम॒तिं न॒दीना॑म् ।
प्र पि॒न्वध्व॑मिष॒र्यन्तीः॑ सु॒राधा॑ आ वृ॒क्षणाः॑ पृ॒णध्वं॑ या॒त शी॒र्भम् १२
उद् वं ऊ॒र्मिः श॒म्या ह॒ नत्वा॑पो॒ योक्त्रा॑णि मुञ्चत ।
मादु॑ष्कृतौ व्यै॒नसा॑ ऽघ्न॒चौ शू॒नमार॑ताम् १३

(२८) अष्टाविंशं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्रः॑ पू॒र्भिदा॑ति॒रद् दा॑स॒मकै॑ वि॒दद् व॑सु॒र्दय॑मानो॒ वि शत्रू॑न् ।
ब्रह्म॑जूतस्त॒न्वा वा॑वृ॒धानो॑ भूरि॒दात्र॑ आ॒पूणा॑द् रो॒दसी॑ उ॒भे १
म॒खस्य॑ ते त॒विष॑स्य॒ प्र जू॑ति॒ मिय॑र्मि॒ वाच॑म॒मृता॑य॒ भूष॑न् ।
इन्द्र॑ क्षि॒तीना॑म॒सि मा॑नु॒षीणां॑ वि॒शां दै॒वीना॑मु॒त पू॒र्वया॑वा २
इन्द्रो॑ वृ॒त्रम॑वृ॒णोच्छ॑र्धनी॒तिः प्र॑ मा॒यिना॑म॒मिना॑द् व॒र्षणी॑तिः ।
अ॒हन् व्य॑स॒मुश॑ध॒ग्वने॑ ष्वा॒विर्धे॑ना॒ अकृ॑णोद् रा॒म्याणा॑म् ३
इन्द्रः॑ स्व॒र्षा ज॒नय॑न्न॒हानि॑ जि॒गायो॑शि॒ग्भिः पृ॑त॒ना अ॒भिष्टिः॑ ।
प्रा॒रौच॑य॒न्मन॑वे॒ केतु॑म॒ह्ना म॑वि॒न्द्रज॑चो॒र्तिर्बृ॑हते र॒णाय॑ ४
इन्द्र॑स्तु॒जौ ब॒र्हणा॑ आ वि॒वेश॑ नृ॒वद् द॑धानो॒ नर्या॑ पुरु॒णि ।
अ॒चैत॑यद् धि॒र्य इ॒मा ज॑रि॒त्रे प्रे॑मं व॒र्णम॑ति॒रच्छु॑क्र॒मासाम्॑ ४
म॒हो म॒हानि॑ प॒नय॑न॒त्यस्ये॑न्द्र॒स्य क॑र्म॒ सुकृ॑ता॒ पुरु॑णि ।
वृ॒जने॑न॒ वृजि॑नान् त्सं इ॒ंपेष॑ मा॒याभि॑र्द॒स्यूर॑भि॒भूत्यो॑जाः ६
यु॒धेन्द्रो॑ म॒ह्ना वरि॑वश्च॒कार दे॒वेभ्यः॑ स॒त्पति॑श्च॒र्षणि॑प्राः ।
वि॒वस्व॑तः स॒दने॑ अस्य॒ तानि॑ वि॒प्रा उ॒क्थे॑भिः॒ क्वयौ॑ गृ॒णन्ति॑ ७
स॒त्रासा॑हं व॒रेण॑यं स॒होदां॑ स॒सवा॑सं स्व॒रप॑श्च॒ देवीः॑ ।
स॒सान् यः पृ॑थि॒वीं द्या॑मु॒तेमा॑ मि॒न्द्रं म॑द॒नत्य॑नु॒ धीर॑णासः ८
स॒साना॑त्याँ उ॒त सूर्य॑ स॒साने॑न्द्रः॒ ससान॑ पुरु॒भोज॑सं गाम् ।
हि॒रण॑य॒र्यमु॑त भो॒र्गं स॒सान॑ ह॒त्वी द॑स्यु॒न् प्रा॒र्यं व॑र्ण॒मावत्॑ ९
इन्द्र॑ ओ॒र्षधी॑र॒सनो॑द॒हानि॑ व॒नस्प॑ती॒रसनो॑द॒न्तरि॑क्षम् ।
बि॒भेद॑ व॒लं नु॑नु॒दे वि॒वाचो॑ ऽथा॒भवद् द॑मि॒ताभि॑कृ॒तूना॑म् १०

शुनं हुवेम मघवानमिन्द्रं मस्मिन् भरे नृतमं वाजसातौ ।
शृगवन्तमुग्रमूतये समत्सु घ्नन्तं वृत्राणि संजितं धनानाम् ११

(२६) एकोनत्रिंशं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

तिष्ठा हरी रथ आ युज्यमाना याहि वायुर्न नियुतो नो अच्छ ।
पिबास्यनधौ अभिसृष्टो अस्मे इन्द्र स्वाहा ररिमा ते मदाय १
उपाजिरा पुरुहूताय सप्ती हरी रथस्य धूर्वा युनज्मि ।
द्रवद् यथा संभृतं विश्वतश्चि दुपेमं यज्ञमा वहात इन्द्रम् २
उपो नयस्व वृषणा तपुष्पो तेमव त्वं वृषभ स्वधावः ।
ग्रसेतामश्वा वि मुचेह शोणा दिवेदिवे सदृशीरद्धि धानाः ३
ब्रह्मणा ते ब्रह्मयुजा युनज्मि हरी सखाया सधुमाद आशू ।
स्थिरं रथं सुखमिन्द्राधितिष्ठन् प्रजानन् विद्वान् उप याहि सोमम् ४
मा ते हरी वृषणा वीतपृष्ठा नि रीरमन् यजमानासो अनये ।
अत्यायाहि शश्वतो वयं ते ऽरं सुतेभिः कृणवाम सोमैः ५
तवायं सोमस्त्वमेह्यर्वाङ् शश्वत्तमं सुमना अस्य पाहि ।
अस्मिन् यज्ञे बर्हिष्या निषद्या दधिष्वेमं जठर इन्दुमिन्द्र ६
स्तीर्णं ते बर्हिः सुत इन्द्र सोमः कृता धाना अत्तवे ते हरिभ्याम् ।
तदौकसे पुरुशाकाय वृष्णो मरुत्वते तुभ्यं राता हवीषि ७
इमं नरः पर्वतास्तुभ्यमापः समिन्द्र गोभिर्मधुमन्तमक्रन् ।
तस्यागत्या सुमना ऋष्व पाहि प्रजानन् विद्वान् पथ्याङ् अनु स्वाः ८
यां आभजो मरुत इन्द्र सोमे ये त्वामवर्धन्नभवन् गणस्तै ।
तेभिरतं सजोषा वावशानोङ् ऽग्नेः पिब जिहया सोममिन्द्र ९
इन्द्र पिब स्वधया चित् सुतस्या ग्रेवा पाहि जिहया यजत्र ।
अध्वर्योर्वा प्रयतं शक्र हस्ता द्योतुर्वा यज्ञं हविषो जुषस्व १०
शुनं हुवेम मघवानमिन्द्रं मस्मिन् भरे नृतमं वाजसातौ ।
शृगवन्तमुग्रमूतये समत्सु घ्नन्तं वृत्राणि संजितं धनानाम् ११

(३०) त्रिंशं सूक्तम्

(१-११) एकादशर्चस्यास्य सूक्तस्य (१-६, ११) प्रथमादिनवर्चामेकादश्याश्च
गाथिनो विश्वामित्रः (१०) दशम्याश्चाङ्गिरसो घोर ऋषी । इन्द्रो देवता ।

त्रिष्टुप् छन्दः

इमामू षु प्रभृतिं सातयै धाः शश्वच्छश्वदूतिभिर्यादमानः ।
सुतेसुते वावृधे वर्धनेभिर्यः कर्मभिर्महद्भिः सुश्रुतो भूत् १
इन्द्राय सोमाः प्रदिवो विदाना ऋभुर्येभिर्वृषपर्वा विहायाः ।
प्रयम्यमानान् प्रति षू गृभायेन्द्र पिब वृषधूतस्य वृष्णाः २
पिबा वर्धस्व तव घा सुतास इन्द्र सोमासः प्रथमा उतेमे ।
यथापिबः पूर्या इन्द्र सोमा एवा पाहि पनयो अद्या नवीयान् ३
मुहाँ अमत्रो वृजनै विरप्शुश्रुं शर्वः पत्यते धृष्णवोजः ।
नाहं विव्याच पृथिवी चनैनं यत् सोमासो हर्यश्चममन्दन् ४
मुहाँ उग्रो वावृधे वीर्याय समाचक्रे वृषभः काव्येन ।
इन्द्रो भगौ वाजदा अस्य गावः प्र जायन्ते दक्षिणा अस्य पूर्वीः ५
प्र यत् सिनधवः प्रसवं यथायु न्नापः समुद्रं रथ्येव जग्मुः ।
अतश्चिदिन्द्रः सदसो वरीयान् यदीं सोमः पृणति दुग्धो अंशुः ६
समुद्रेण सिनधवो यादमाना इन्द्राय सोमं सुषुतं भरन्तः ।
अंशुं दुहन्ति हस्तिनो भरित्रैर्मध्वः पुनन्ति धारया पवित्रैः ७
हदा इव कुक्षयः सोमधानाः समी विव्याच सर्वना पुरूणि ।
अन्ना यदिन्द्रः प्रथमा व्याश वृत्रं जघन्वाँ अवृणीत् सोमम् ८
आ तू भर माकिरेतत् परिं ष्टाद् विद्या हि त्वा वसुपतिं वसूनाम् ।
इन्द्र यत् ते माहिनं दत्रमस्त्यस्मभ्यं तद्धर्यश्च प्र यन्धि ९
अस्मे प्र यन्धि मघवन्नृजीषि त्रिन्द्र रायो विश्ववारस्य भूरैः ।
अस्मे शतं शरदौ जीवसै धा अस्मे वीराञ्छश्वत इन्द्र शिप्रिन् १०
शनं हुवेम मघवान्मिन्द्र मस्मिन् भरे नृतमं वाजसातौ ।
शृगवन्तमुग्रमूतयै समत्सु घ्नन्त वृत्राणि संजितं धनानाम् ११

(३१) एकत्रिंशं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

(१-१०) प्रथमादिदशर्चा गायत्री (११) एकादश्याश्चानुष्टुप् छन्दसी
 वात्रहत्याय शर्वसे पृतनाषाह्याय च । इन्द्र त्वा वर्तयामसि १
 अर्वाचीनं सु ते मन उत चक्षुः शतक्रतो । इन्द्र कृणवन्तु वाघतः २
 नामानि ते शतक्रतो विश्वाभिर्गीर्भिरीमहे । इन्द्राभिमातिषाह्यै ३
 पुरुष्टतस्य धामभिः शतेन महयामसि । इन्द्रस्य चर्षणीधृतः ४
 इन्द्र वृत्राय हन्तवे पुरुहूतमुप ब्रुवे । भरेषु वाजसातये ५
 वाजेषु सासहिर्भव त्वामीमहे शतक्रतो । इन्द्र वृत्राय हन्तवे ६
 द्युम्नेषु पृतनाज्यै पृत्सुतूर्षु श्रवःसु च । इन्द्र साद्व्वाभिमातिषु ७
 शष्मिन्तमं न ऊतये द्युम्निनं पाहि जागृविम् । इन्द्र सोमं शतक्रतो ८
 इन्द्रियाणि शतक्रतो या ते जनेषु पञ्चसु । इन्द्र तानि त आ वृणे ९
 अगन्निन्द्र श्रवो बृहद् द्युम्नं दधिष्व दुष्टरम् । उते शुष्मं तिरामसि १०
 अर्वावतो न आ गुह्यथो शक्र परावतः ।
 उ लोको यस्तै अद्रिव इन्द्रेह तत आ गृहि ११

(३२) द्वात्रिंशं सूक्तम्

(१-१०) दशर्चस्यास्य सूक्तस्य वैश्वामित्रो वाच्यो वा प्रजापतिः तावुभौ वा गाथिनो
 विश्वामित्रो वा ऋषिः । इन्द्रो देवता । त्रिष्टुप् छन्दः
 अभि तष्टैव दीधया मनीषा मत्यो न वाजी सुधुरो जिहानः ।
 अभि प्रियाणि मर्मशत् पराणि कवीरिच्छामि सदृशै सुमेधाः १
 इनोत पृच्छ जनिमा कवीनां मनोधृतः सुकृतस्तक्षत द्याम् ।
 इमा उ ते प्रणयोर्ध्वर्धमाना मनोवाता अध नु धर्मणि ग्मन् २
 नि षीमिदत्र गुह्या दधाना उत क्षत्राय रोदसी समञ्जन् ।
 सं मात्राभिर्मिरे येमुरुर्वी अन्तर्मही समृते धार्यसे धुः ३
 आतिष्ठन्तं परि विश्वै अभूष ऋरियो वसानश्चरति स्वरोचिः ।
 महत् तद् वृष्णो असुरस्य नामा ऽऽ विश्वरूपो अमृतानि तस्थौ ४
 असूत पूर्वो वृषभो ज्याया निमा अस्य शुरुधः सन्ति पूर्वीः ।
 दिवो नपाता विदथस्य धीभिः क्षत्रं राजाना प्रदिवो दधाथे ५
 त्रीणि राजाना विदथै पुरुणि परि विश्वानि भूषथः सदांसि ।
 अपश्यमत्र मनसा जगन्वान् वृते गन्धर्वा अपि वायुकैशान् ६
 तदिन्वस्य वृषभस्य धेनो रा नामभिर्मिरे सक्म्यं गोः ।

अनयर्दनयदसुर्यं वसाना नि मायिनो ममिरे रूपमस्मिन् ७
तदिन्वस्य सवितुर्नकिर्मे हिरण्ययीममतिं यामशिश्रेत् ।
आ सुष्टुती रोदसी विश्वमिन्वे अपीव योषा जनिमानि ववे ८
युवं प्रत्स्यं साधथो महो यद् दैवी स्वस्तिः परि णः स्यातम् ।
गोपाजिह्वस्य तस्थुषो विरूपा विश्वे पश्यन्ति मायिनः कृतानि ९
शनं हुवेम मघवानमिन्द्र मस्मिन् भरे नृतमं वाजसातौ ।
शृगवन्तमुग्रमूतये समत्सु घन्त वृत्राणि संजितं धनानाम् १०

(३३) त्रयस्त्रिंशं सूक्तम्

(१-९) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्रं मतिर्हृद आ वच्यमाना ऽच्छा पतिं स्तोमं तष्टा जिगाति ।
या जागृविर्विदथे शस्यमानेन्द्र यत्ते जायते विद्धि तस्य १
दिवश्चिदा पूर्वा जायमाना वि जागृविर्विदथे शस्यमाना ।
भद्रा वस्त्राण्यर्जुना वसाना सेयमस्मे संनजा पित्र्या धीः २
यमा चिदत्र यमसूरसूत जिह्वाया अग्रं पतदा ह्यस्थात् ।
वपूषि जाता मिथुना संचेते तमोहना तपुषो बुध एता ३
नकिरेषां निन्दिता मर्त्येषु ये अस्माकं इंपतरो गोषु योधाः ।
इन्द्र एषां दंहिता माहिनावा नुद् गोत्राणि ससृजे दंसनावान् ४
सखा ह यत्र सखिभिर्नवगवै रभिज्ज्वा सत्वभिर्गा अनुगमन् ।
सत्यं तदिन्द्रो दशभिर्दशगवैः सूर्यं विवेद तमसि क्षियन्तम् ५
इन्द्रो मधु संभृतमुस्त्रियायां पद्वद् विवेद शफवन्नमे गोः ।
गुहा हितं गुह्यं गूळहमप्सु हस्तै दधे दक्षिणे दक्षिणावान् ६
ज्योतिर्वृणीत् तमसो विजान न्नारे स्याम दुरितादुभीकै ।
इमा गिरः सोमपाः सोमवृद्ध जुषस्वैन्द्र पुरुतमस्य कारोः ७
ज्योतिर्यज्ञाय रोदसी अनु ष्या दारे स्याम दुरितस्य भूरैः ।
भूरि चिद्धि तुजतो मर्त्यस्य सुपारासो वसवो बर्हणावत् ८
शनं हुवेम मघवानमिन्द्र मस्मिन् भरे नृतमं वाजसातौ ।
शृगवन्तमुग्रमूतये समत्सु घन्त वृत्राणि संजितं धनानाम् ९

तृतीयोऽध्यायः

व० १-३१

(३४) चतुस्त्रिंशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।
गायत्री छन्दः

इन्द्रं त्वा वृषभं वयं सुते सोमं हवामहे । स पाहि मध्वो अनर्धसः १
 इन्द्रं क्रतुविदं सुतं सोमं हर्य पुरुष्टुत । पिबा वृषस्व तातृपिम् २
 इन्द्र प्र णो धितावानं यज्ञं विश्वैर्भिर्देवेभिः । तिर स्तवान विश्पते ३
 इन्द्र सोमाः सुता इमे तव प्र यन्ति सत्पते । क्षयं चन्द्रास इन्द्रवः ४
 दधिष्वा जठरं सुतं सोममिन्द्र वरैरयम् । तव द्युक्षास इन्द्रवः ५
 गिर्वणः पाहि नः सुतं मधोर्धाराभिरज्यसे । इन्द्र त्वादातमिद् यशः ६
 अभि द्युम्नानि वनिनु इन्द्रं सचन्ते अक्षिता । पीत्वी सोमस्य वावृधे ७
 अर्वावतो न आ गहि परावतश्च वृत्रहन् । इमा जुषस्व नो गिरः ८
 यदन्तरा परावतं मर्वावतं च हूयसै । इन्द्रेह तत् आ गहि ९

(३५) पञ्चत्रिंशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।
गायत्री छन्दः

आ तू न इन्द्र मद्रथे गधुवानः सोमपीतये । हरिभ्यां याह्यद्रिवः १
 सत्तो होता न ऋत्वियं स्तिस्तरे बर्हिरानुषक् । अयुजन् प्रातरद्रयः २
 इमा ब्रह्म ब्रह्मवाहः क्रियन्त आ बर्हिः सीद । वीहि शूर पुरोळाशम् ३
 रारन्धि सर्वनेषु ण एषु स्तोमेषु वृत्रहन् । उक्थेष्विन्द्र गिर्वणः ४
 मतरयः सोमपामुरुं रिहन्ति शर्वसस्पतिम् । इन्द्रं वत्सं न मातरः ५
 स मन्दस्वा ह्यनर्धसो राधसे तन्वा महे । न स्तोतारं निदे करः ६
 वयमिन्द्र त्वायवो हविष्मन्तो जरामहे । उत त्वमस्मयुर्वसो ७
 मारे अस्मद् वि मुमुचो हरिप्रियावाड याहि । इन्द्रं स्वधावो मत्स्वेह ८
 अर्वाञ्च त्वा सुखे रथे वहतामिन्द्र केशिना । घृतसू बर्हिरासदै ९

(३६) षट्त्रिंशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

गायत्री छन्दः

उपे नः सुतमा गंहि सोममिन्द्र गवाशिरम् । हरिभ्यां यस्तै अस्मयुः १
तमिन्द्र मदमा गंहि बर्हिष्ठां ग्रावभिः सुतम् । कुविन्वस्य तृष्णवः २
इन्द्रमित्था गिरो ममा च्छागुरिषिता इतः । आवृते सोमपीतये ३
इन्द्रं सोमस्य पीतये स्तोमैरिह हवामहे । उक्थेभिः कुविदागमत् ४
इन्द्र सोमाः सुता इमे तान् दधिष्व शतक्रतो । जठरे वाजिनीवसो ५
विद्या हि त्वा धनजयं वाजेषु दधृषं कवे । अधा ते सुम्रमीमहे ६
इममिन्द्र गवाशिरं यवाशिरं च नः पिब । आगत्या वृषभिः सुतम् ७
तुभ्येदिन्द्र स्व ओक्थेऽ सोमं चोदामि पीतये । एष ररन्तु ते हृदि ८
त्वां सुतस्य पीतये प्रबमिन्द्र हवामहे । कुशिकासो अवस्यवः ९

(३७) सप्तत्रिंशं सूक्तम्

(१-८) अष्टर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

आ याह्यर्वाडुप वनधुरेष्ठा स्तवेदनु प्रदिवः सोमपेयम् ।
प्रिया सखाया वि मुचोप बर्हि स्त्वामिमे हव्यवाहौ हवन्ते १
आ याहि पूर्विरति चर्षणीरां अर्य आशिषु उपे नो हरिभ्याम् ।
इमा हि त्वा मृतयः स्तोमतष्ठा इन्द्र हवन्ते सख्यं जुषाणाः २
आ नो यज्ञं नमोवृधं सजोषा इन्द्र देव हरिभिर्याहि तूर्यम् ।
अहं हि त्वा मतिभिर्जोहवीमि घृतप्रयाः सधमादे मधूनाम् ३
आ च त्वामेता वृषणा वहातो हरी सखाया सुधुरा स्वङ्गा ।
धानावदिन्द्रः सर्वनं जुषाणः सखा सख्युः शृणवद् वन्दनानि ४
कुविन्मा गोपां करसे जनस्य कुविद् राजानं मघवन्नृजीषिन् । विन्म ऋषिं
पपिवांसं सुतस्य कुविन्मे वस्वौ अमृतस्य शिक्ताः ५
आ त्वा बृहन्तो हरयो युजाना अर्वागिन्द्र सधमादो वहन्तु ।
प्र ये द्विता दिव ऋञ्जनत्याताः सुसमृष्टासो वृषभस्य मूराः ६
इन्द्र पिब वृषधूतस्य वृष्ण आ यं तै श्येन उशते जभारं ।
यस्य मदे च्यावयसि प्र कृष्ठी र्यस्य मदे अप गोत्रा ववर्थ ७
शूनं हुवेम मघवान्मिन्द्र मस्मिन् भरे नृतमं वाजसातौ ।
शृणवन्तमुग्रमृतये समत्सु घ्नन्त वृत्राणि संजितं धनानाम् ८

(३८) अष्टात्रिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

बृहती छन्दः

अयं तै अस्तु हर्यतः सोम आ हरिभिः सुतः ।
 जुषाण इन्द्र हरिभिर्न आ गृह्या तिष्ठ हरितं रथम् १
 हर्यन्नुषसमर्चयः सूर्य हर्यन्नरोचयः ।
 विद्वांश्चिकित्वान् हर्यश्च वर्धस इन्द्र विश्वा अभि श्रियः २
 द्यामिन्द्रो हरिधायसं पृथिवीं हरिवर्षसम् ।
 अधारयद्धरितोभूरि भोजनं ययोरन्तर्हश्चरत् ३
 जज्ञानो हरितो वृषा विश्वमा भाति रोचनम् ।
 हर्यश्चो हरितं धत्त आयुध मा वज्रं बाहोर्हरिम् ४
 इन्द्रो हर्यन्तमर्जुनं वज्रं शक्रैरभीवृतम् ।
 अपावृणोद्धरिभिरद्रिभिः सुत मुद् गा हरिभिराजत ५

(३९) एकोनचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

बृहती छन्दः

आ मन्द्रैरिन्द्र हरिभिर्याहि मयूररोमभिः ।
 मा त्वा के चिन्नि यमन्विं ना पाशिनो ऽति धन्वैव ताँ ईहि १
 वृत्रखादो वलंरुजः पुरां दुर्मो अपामजः ।
 स्थाता रथस्य हर्योरभिस्वर इन्द्रो दृळहा चिदारुजः २
 गम्भीराँ उदधीरिव क्रतुं पुष्यसि गा इव ।
 प्र सुगोपा यवसं धेनवौ यथा हृदं कुल्या इवाशत ३
 आ नस्तुजं रयिं भरां शं न प्रतिजानते ।
 वृक्षं पक्वं फलमङ्गीव धूनुही न्द्र संपारणं वसु ४
 स्वयुरिन्द्र स्वराळसि स्मदिष्टिः स्वयंशस्तरः ।
 स वावृधान ओजसा पुरुष्टुत भवा नः सुश्रवस्तमः ५

(४०) चत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

युध्मस्य ते वृषभस्य स्वरज उग्रस्य यूनः स्थविरस्य घृष्वैः ।
 अजूर्यतो वज्रिणो वीर्याङ्गीन्द्र श्रुतस्य महतो महानि १
 महाँ असि महिष वृष्यैभिर्धनुस्पृदुग्र सहमानो अनयान् ।
 एको विश्वस्य भुवनस्य राजा स योधया च क्षयया च जनान् २
 प्र मात्राभी रिरिचे रोचमानः प्र देवेभिर्विश्वतो अप्रतीतः ।
 प्र मज्मना दिव इन्द्रः पृथिव्याः प्रोरोर्महो अन्तरिक्षादृजीषी ३
 उरुं गभीरं जनुषाभ्युर्ग्रं विश्वव्यचसमवृतं मतीनाम् ।
 इन्द्रं सोमाः प्रदिवि सुतासः समुद्रं न स्रवत आ विशन्ति ४
 यं सोममिन्द्र पृथिवीद्यावा गर्भं न माता बिभृतस्त्वाया ।
 तं तै हिन्वन्ति तमु ते मृजनत्यध्वर्यवो वृषभ पातवा उ ५

(४१) एकचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

मरुत्वाँ इन्द्र वृषभो रणाय पिबा सोममनुष्वधं मदाय ।
 आ सिञ्चस्व जठरे मध्वं ऊर्मि त्वं राजासि प्रदिवः सुतानाम् १
 सजोषा इन्द्र सगणो मरुद्भिः सोमं इंपब वृत्रहा शूर विद्वान् ।
 जहि शत्रूँप मृधो नुदस्वाऽथाभयं कृणुहि विश्वतो नः २
 उत ऋतुभिर्ऋतुपाः पाहि सोम मिन्द्र देवेभिः सखिभिः सुतं नः ।
 याँ आर्भजो मरुतो ये त्वा ऽन्वहन् वृत्रमदधुस्तुभ्यमोजः ३
 ये त्वाहिहत्ये मघवन्नवर्धन् ये शाम्बरे हरिवो ये गर्विष्ठौ ।
 ये त्वा नूनमनुमदन्ति विप्राः पिबेन्द्र सोमं सगणो मरुद्भिः ४
 मरुत्वंतं वृषभं वावृधान मकवारिं दिव्यं शासमिन्द्रम् ।
 विश्वासाहमवसे नूतनायो ग्रं सहोदामिह तं हवेम ५

(४२) द्विचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

सद्यो ह जातो वृषभः कनीनः प्रभर्तुमावदनधंसः सुतस्य ।
साधोः पिब प्रतिकामं यथा ते रसाशिरः प्रथमं सोम्यस्य १
यजायथास्तदहरस्य कामे ऽशोः पीयूषमपिबो गिरिष्ठाम् ।
तं तै माता परि योषा जनित्री महः पितुर्दम् आसिञ्चदग्रे २
उपस्थाय मातरमन्नमैदृ त्रिगममपश्यदभि सोममूधः ।
प्रयावयन्नचरद् गृत्सौ अनयान् महानि चक्रे पुरुधप्रतीकः ३
उग्रस्तुराषाळभिभूत्योजा यथावृशं तन्व चक्र एषः ।
त्वष्टारमिन्द्रो जनुषाभिभूया ऽऽमुष्या सोममपिबच्चमूषु ४
शनं हुवेम मघवान्मिन्द्र मस्मिन् भरे नृतमं वाजसातौ ।
शृगवन्तमुग्रमूतये समत्सु घन्त वृत्राणि संजितं धनानाम् ५

(४३) त्रिचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

शंसा महामिन्द्रं यस्मिन् विश्वा आ कृष्टयः सोमपाः काममव्यन् ।
यं सुक्रतुं धिषणै विभवतष्टं घनं वृत्राणां जनयन्त देवाः १
यं नु नकिः पृतनासु स्वरार्ज द्विता तरति नृतमं हरिष्ठाम् ।
इनतमः सत्वभिर्यो ह शूषैः पृथुजया अमिनादायुर्दस्योः २
सहावा पृत्सु तरणिर्नावा व्यानशी रोदसी मेहनवान् ।
भगो न कारे हव्यो मतीनां इंपतेव चारुः सुहवो वयोधाः ३
धर्ता दिवो रजसस्पृष्ट ऊर्ध्वो रथो न वायुर्वसुभिर्नियुत्वान् ।
क्षपां वस्ता जनिता सूर्यस्य विभक्ता भागं धिषणैव वाजम् ४
शनं हुवेम मघवान्मिन्द्र मस्मिन् भरे नृतमं वाजसातौ ।
शृगवन्तमुग्रमूतये समत्सु घन्त वृत्राणि संजितं धनानाम् ५

(४४) चतुश्चत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्रः स्वाहा पिबतु यस्य सोम आगत्या तुम्रौ वृषभो मरुत्वान् ।
ओरुव्यचाः पृणतामेभिरन्नै रास्य हविस्तन्वः काममृध्याः १

आ तै सपर्यु जवसै युनज्मि ययोरनु प्रदिवः श्रुष्टिमावः ।
इह त्वा धेयुर्हरयः सुशिप्र पिबा त्वशस्य सुषुतस्य चारौः २
गोभिर्मिमिद्धुं दधिरे सुपार मिन्द्रं ज्यैष्ठ्याय धार्यसे गृणानाः ।
मन्दानः सोमं पपिवाँ ऋजीषिन् त्समस्मभ्यं पुरुधा गा इषण्य ३
इमं कामं मन्दया गोभिरश्वैश्चन्द्रवता राधसा प्रथञ्च ।
स्वर्यवो मतिभिस्तुभ्यं विप्रा इन्द्राय वाहः कुशिकासो अक्रन् ४
शुनं हुवेम मघवानमिन्द्रं मस्मिन् भरे नृतमं वाजसातौ ।
श्रुवन्तमुग्रमूतये समत्सु घन्तं वृत्राणि संजितं धनानाम् ५

(४५) पञ्चचत्वारिंशं सूक्तम्

(१-१२) द्वादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।
(१-३) प्रथमादितृचस्य जगती (४-६) चतुर्थ्यादितृचद्वयस्य त्रिष्टुप् (१०-१२)

दशम्यादितृचस्य च गायत्री छन्दांसि

चर्षणीधृतं मघवानमुक्थ्यशं मिन्द्रं गिरौ बृहतीरभ्यनूषत ।
वावृधानं पुरुहूतं सुवृक्तिभि रमर्त्यं जरमाणं दिवेदिवे १
शतक्रतुमर्णवं शाकिनं नरं गिरौ म इन्द्रमुप यन्ति विश्वतः ।
वाजसनिं पूर्भिदं तूर्णिमसुरं धामसाचमभिषाचं स्वर्विदम् २
आकरे वसौर्जरिता पनस्यते ऽनेहसः स्तुभ इन्द्रौ दुवस्यति ।
विवस्वतः सदन आ हि पिप्रिये सत्रासाहमभिमातिहनं स्तुहि ३
नृणामु त्वा नृतमं गीर्भिरुक्थै रभि प्र वीरमर्चता सबाधः ।
सं सहसे पुरुमायो जिहीते नमो अस्य प्रदिव एक ईशे ४
पूर्वीरस्य निष्षिधो मर्त्येषु पुरू वसूनि पृथिवी बिभर्ति ।
इन्द्राय द्याव ओषधीरुतापो रयिं रक्षन्ति जीरयो वनानि ५
तुभ्यं ब्रह्माणि गिर इन्द्र तुभ्यं सत्रा दधिरे हरिवो जुषस्व ।
बोध्याश्पिरवसो नूतनस्य सखे वसो जरितृभ्यो वयो धाः ६
इन्द्रं मरुत्व इह पाहि सोमं यथा शायति अपिबः सुतस्य ।
तव प्रणीती तव शूर शर्म न्ना विवासन्ति कवयः सुयज्ञाः ७
स वावशान इह पाहि सोमं मरुद्भिरिन्द्र सखिभिः सुतं नः ।
जातं यत् त्वा परि देवा अभूषन् महे भराय पुरुहूत विश्वे ८
अमूर्ये मरुत आपिरेषो ऽमन्दन्निन्द्रमनु दातिवाराः ।

तेभिः साकं इंषवतु वृत्रखादः सुतं सोमं दाशुषः स्वे सधस्थै ६
 इदं ह्यन्वोजसा सुतं राधानां पते । पिब त्वशस्य गिर्वणः १०
 यस्ते अनु स्वधामसत् सुते नि यच्छ तन्वम् । स त्वा ममत्तु सोम्यम् ११
 प्र ते अश्नोतु कुचयोः प्रेन्द्र ब्रह्मणा शिरः । प्र बाहू शूर राधसे १२

(४६) षट्चत्वारिंशं सूक्तम्

(१-८) अष्टर्चस्यास्य सूक्तस्य गाथिनो विश्वामित्र ऋषिः । इन्द्रो देवता । (१-४)
 प्रथमादिचतुर्त्रिंशं गायत्री (५, ७-८) पञ्चम्याः सप्तम्यष्टम्योश्च त्रिष्टुप् (६)
 षष्ठ्याश्च जगती छन्दांसि

धानावन्तं करम्भिणामपूपवन्तमुक्थिनम् । इन्द्रं प्रातर्जुषस्व नः १
 पुरोळाशं पचत्यं जुषस्वेन्द्रा गुरस्व च । तुभ्यं हव्यानि सिस्रते २
 पुरोळाशं च नो घसौ जोषयासे गिरश्च नः । वधूयुरिव योषणाम् ३
 पुरोळाशं सनश्रुत प्रातःसावे जुषस्व नः । इन्द्र क्रतुर्हि ते बृहन् ४
 माध्यन्दिनस्य सर्वनस्य धानाः पुरोळाशमिन्द्र कृष्वेह चारुम् ।
 प्र यत् स्तोता जरिता तूर्यर्थो वृषायमाण उपे गीर्भिरीष्टे ५
 तृतीयं धानाः सर्वने पुरुष्टुत पुरोळाशमाहुतं मामहस्व नः ।
 अभुमन्तं वाजवन्तं त्वा कवे प्रयस्वन्त उपे शिद्धेम धीतिभिः ६
 पूषणवते ते चक्रुमा करम्भं हरिवते हर्यश्वाय धानाः ।
 अपूपमद्धि सर्गणो मरुद्धिः सोमं पिब वृत्रहा शूर विद्वान् ७
 प्रति धाना भरत तूर्यमस्मै पुरोळाशं वीरतमाय नृणाम् ।
 दिवेदिवे सदृशीरिन्द्र तुभ्यं वर्धन्तु त्वा सोमपेयाय धृष्णो ८

(४७) सप्तचत्वारिंशं सूक्तम्

(१-२४) चतुर्विंशत्यृचस्यास्य सूक्तस्य गाथिनो विश्वामित्र ऋषिः । (१) प्रथमर्च
 इन्द्रापर्वतौ (२-१४) द्वितीयादित्रयोदशानामिन्द्रः (१५-१६) पञ्चदशीषोडश्योः
 ससर्परी वाक् (१७-२०) सप्तदश्यादिचतसृणां रथाङ्गानि (२१-२४)
 एकविंश्यादिचतसृणाञ्चाभिशापो देवताः ।
 (१-६, ११, १४-१५, १७, १६, २१, २३-२४)
 प्रथमादिनवर्चामेकादशीचतुर्दशीपञ्चदशीसप्तदशयेकोनविंशयेकविंशीत्रयोविंशीचतुर्विं
 शीनाञ्च त्रिष्टुप् (१०, १६) दशमीषोडश्योर्जगती (१२, २०, २२)
 द्वादशीविंशीद्वाविंशीनामनुष्टुप् (१३) त्रयोदश्या गायत्री (१८) अष्टादश्याश्च

बृहती छन्दांसि

इन्द्रा॑पर्वता बृहता रथे॑न वा॒मीरिषु॑ आ व॒हतं सु॒वीराः॑ ।
 वी॒तं ह॒व्यानय॑ध्वरेषु दे॒वा व॒र्धेथां गी॒र्भरि॑ळ्या म॒दन्ता १
 तिष्ठा॑ सु कं मघव॑न् मा परा॑ गाः सोम॑स्य नु त्वा सु॒षुतस्य॑ यत्ति ।
 पि॒तुर्न पु॒त्रः सि॒च॒मा र॑भे त इन्द्र॑ स्वादि॒ष्टया गि॒रा श॑चीवः २
 शंसा॑वाध्वर्यो॑ प्रति॒ मे गृणी॑हीन्द्राय॒ वाहः॑ कृणवाव॑ जुष्टम् ।
 एदं ब॒र्हिर्य॑जमानस्य सी॒दा ऽथा॑ च भूदु॒क्थमिन्द्राय॑ श॒स्तम् ३
 जाये॑दस्तं मघव॑न् त्सेदु॒ योनि॑ स्तदित् त्वा यु॒क्ता हर॑यो वहन्तु ।
 यदा क॒दा च सु॑नवाम॒ सोम॑ म॒ग्निष्ठा॑ दूतो ध॒न्वात्य॑च्छ ४
 परा॑ याहि मघव॑न्ना च॒ याही॑न्द्र भ्रातरु॒भयत्रा॑ ते अर्थम् ।
 यत्रा॑ रथस्य बृह॒तो नि॒धानं वि॒मोच॑नं वा॒जिनो॑ रास॒भस्य ५
 अपाः॑ सोम॒मस्तमिन्द्र॑ प्र याहि क॒ल्याणी॑र्जाया सु॒रणं गृ॑हे ते ।
 यत्रा॑ रथस्य बृह॒तो नि॒धानं वि॒मोच॑नं वा॒जिनो॑ दक्षिणावत् ६
 इमे भो॒जा अङ्गि॑रसो वि॒रूपा दि॒वस्पु॒त्रासो॑ असु॒रस्य॑ वीराः ।
 वि॒श्वामि॑त्राय॒ दद॑तो म॒घानि॑ सहस्रसा॒वे प्र ति॑रन्त॒ आयुः॑ ७
 रू॒पंरूपं॑ म॒घवा॑ बोभवीति मा॒याः कृ॑णवा॒नस्तन्व॑ंश॒परि॑ स्वाम् ।
 त्रिर्यद् दि॒वः परि॑ मुहूर्तमागात् स्वै॒र्मन॑त्रैर॒नृतु॑पा ऋ॒तावा॑ ८
 म॒हाँ ऋ॑षिर्दे॒वजा॑ दे॒वजू॒तो ऽस्त॑भ्नात् सिन्धु॒मर्ण॑वं नृ॒चक्षाः॑ ।
 वि॒श्वामि॑त्रो यदव॑हत् सु॒दास॑ म॒प्रिया॑यत कु॒शिके॑भिरिन्द्रः ९
 हंसा॑ इव कृणु॒थ श॒लोक॑मद्रि॒भिर्म॑दन्तो गी॒र्भरि॑ध्वरे सु॒ते सचा॑ ।
 दे॒वेभि॑र्वि॒प्रा ऋ॑षयो नृ॒चक्ष॑सो वि पि॒बध्वं॑ कु॒शिकाः॑ सो॒म्यं मधु॑ १०
 उप॒ प्रेत॑ कु॒शिका॑श्चेतयध्व॒ मश्वं॑ रा॒ये प्र मुञ्च॑ता सु॒दासः॑ ।
 राजा॑ वृ॒त्रं ज॑ङ्घनत् प्रा॒गपा॑गुद् गथा॑ यजाते व॒र आ पृ॑थि॒व्याः ११
 य इमे॑ रोद॑सी उ॒भे अ॒हमिन्द्र॑मतुष्टवम् ।
 वि॒श्वामि॑त्रस्य र॒क्षति॑ ब्रह्मे॒दं भार॑तं ज॒नम् १२
 वि॒श्वामि॑त्रा अ॒रास॑त् ब्रह्मेन्द्राय॒ वृजि॑णै । कर॒दिन्नः॑ सुरा॒धंसः॑ १३
 किं ते॑ कृणवन्ति की॒कटेषु॑ गा॒वो नाशि॑रं दु॒हे न त॑पन्ति घ॒र्मम् ।
 आ नो॑ भ॒र प्र॑म॒गन्द॑स्य वे॒दो नै॒चाशा॑खं म॒घव॑न् र॒नध॑या नः १४
 स॒स॒र्प॒रीर॑मतिं बा॒धमाना॑ बृह॒न्मि॑माय॒ ज॒मद॑ग्नि॒दत्ता॑ ।
 आ सूर्य॑स्य दु॒हिता॑ त॒तान॑ श्र॒वो दे॒वेष्व॑मृ॒तम॑जु॒र्यम् १५

ससर्परीरभरत् तूयमेभ्यो ऽधि श्रवः पाञ्चजनयासु कृष्टिषु ।
 सा पद्भ्याइ नव्यमायुर्दधाना यां मे पलस्तिजमदग्रयो ददुः १६
 स्थिरौ गावौ भवतां वीळरन्नो मेषा वि वर्हि मा युगं वि शारि ।
 इन्द्रः पातुल्यै ददतां शरीतो ररिष्टनेमे अभि नः सचस्व १७
 बलं धेहि तनूषु नो बलमिन्द्रानुळत्सु नः ।
 बलं तोकाय तनयाय जीवसे त्वं हि बलदा असि १८
 अभि व्ययस्व खदिरस्य सार मोजौ धेहि स्पन्दने शिंशपायाम् ।
 अक्ष वीळो वीळित वीळर्यस्व मा यामादस्मादर्व जीहिपो नः १९
 अयमस्मान् वनस्पति मा च हा मा च रीरिषत् ।
 स्वस्त्या गृहेभ्य आवसा आ विमोचनात् २०
 इन्द्रोतिभिर्बहुलाभिर्नो अद्य याच्छेष्टाभिर्मघवञ्छूर जिन्व ।
 यो नो द्वेष्ट्यधरः सस्पदीष्ट यमु द्विष्मस्तमु प्राणो जहातु २१
 पूरशुं चिद् वि तपति शिम्बलं चिद् वि वृश्चति ।
 उखा चिदिन्द्र येषन्ती प्रयस्ता फेनमस्यति २२
 न सार्यकस्य चिकिते जनासो लोधं नयन्ति पश मनयमानाः ।
 नावाजिनं वाजिनां हासयन्ति न गर्दभं पुरो अश्वान्नयन्ति २३
 इम इन्द्र भरतस्य पुत्रा अपपित्वं चिकितुर्न प्रपित्वम् ।
 हिन्वनत्यश्चमरणं न नित्यं ज्यावाजं परि णयनत्याजौ २४

(४८) अष्टचत्वारिंशं सूक्तम्

(१-२२) द्वाविंशत्यृचस्यास्य सूक्तस्य वैश्वामित्रो वाच्यो वा प्रजापतिर्ऋषिः । विश्वे
देवा देवताः । त्रिष्टुप् छन्दः

इमं महे विदथ्याय शूषं शश्वत् कृत्व ईड्याय प्र जभ्रुः ।
 शृणोतु नो दम्यैभिरनीकैः शृणोत्वग्निर्दिव्यैरजस्रः १
 महि महे दिवे अर्चा पृथिव्यै कामौ म इच्छञ्चरति प्रजानन् ।
 ययौर्ह स्तोमै विदथेषु देवाः सपर्यवो मादयन्ते सचायोः २
 युवोर्ऋतं रोदसी सत्यमस्तु महे षु णः सुविताय प्र भूतम् ।
 इदं दिवे नमो अग्ने पृथिव्यै सपर्यामि प्रयसा यामि रत्नम् ३
 उतो हि वां पूर्या आविविद्र ऋतावरी रोदसी सत्यवाचः ।
 नरश्चिद् वां समिथे शूरसातौ ववन्दिरे पृथिवि वेविदानाः ४

को अद्भ्या वेद क इह प्र वोचद् देवाँ अच्छा पथ्याइ का समैति ।
 ददृश्र एषामवमा सदांसि परेषु या गुह्येषु व्रतेषु ५
 क्विर्नृचक्षा अभि षीमचष्ट ऋतस्य योना विघृते मदन्ती ।
 नाना चक्राते सदनुं यथा वेः समानेन क्रतुना संविदाने ६
 समानया वियुते दूरेअन्ते ध्रुवे पदे तस्थतुर्जागरूके ।
 उत स्वसारा युवती भवन्ती आदु ब्रुवाते मिथुनानि नाम ७
 विश्वेदेते जनिमा सं विविक्तो महो देवान् बिभ्रती न व्यथेते ।
 एजद् ध्रुवं पत्यते विश्वमेकं चरत् पतत्रि विषुणं वि जातम् ८
 सना पुराणमध्यैम्यारा न्महः पितुर्जनितुर्जामि तन्नः ।
 देवासो यत्र पनितार एवै रुरौ पथि व्युते तस्थुरन्तः ९
 इमं स्तोमं रोदसी प्र ब्रवीम यदूदराः शृणवन्नग्निजिह्वाः ।
 मित्रः सम्राजो वरुणो युवान आदित्यासः कवयः पप्रथानाः १०
 हिरण्यपाणिः सविता सुजिह्व स्त्रिरा दिवो विदथे पत्यमानः ।
 देवेषु च सवितः श्लोकमश्ने रादस्मभ्यमा सुव सर्वतातिम् ११
 सुकृत् सुपाणिः स्ववाँ ऋतावा देवस्त्वष्टार्वसे तानि नो धात् ।
 पूषणवन्त ऋभवो मादयध्वमूर्ध्वग्रावाणो अध्वरमतष्ट १२
 विद्युद्रथा मरुत ऋष्टिमन्तौ दिवो मर्या ऋतजाता अयासः ।
 सरस्वती शृणवन् यज्ञियासो धाता रयिं सहवीरं तुरासः १३
 विष्णुं स्तोमासः पुरुदस्ममर्का भगस्येव कारिणो यामनि ग्मन् ।
 उरुक्रमः ककुहो यस्य पूर्वीर्न मर्धन्ति युवतयो जनित्रीः १४
 इन्द्रो विश्वैर्वीरैः पत्यमान उभे आ पप्रौ रोदसी महित्वा ।
 पुरंदरो वृत्रहा धृष्णुषैणः संगृभ्या न आ भरा भूरि पश्वः १५
 नासत्या मे पितरा बनधुपृच्छा सजात्यमश्विनोश्चारु नाम ।
 युवं हि स्थो रयिदौ नो रयीणां दात्रं रक्षेथे अकवैरदब्धा १६
 महत् तद् वः कवयश्चारु नाम यद्ध देवा भवथ विश्व इन्द्रै ।
 सखं ऋभुभिः पुरुहूत प्रियेभि रिमां धियं सातयै तक्षता नः १७
 अर्यमा णो अदितिर्यज्ञियासो ऽदब्धानि वरुणस्य व्रतानि ।
 युयोत नो अनपत्यानि गन्तौः प्रजावान् नः पशमाँ अस्तु गातुः १८
 देवानां दूतः पुरुध प्रसूतो ऽनागान् नो वोचतु सर्वताता ।
 शृणोतु नः पृथिवी द्यौरुतापः सूर्यो नक्षत्रैरुर्वशन्तरिक्षम् १९

शृण्वन्तु नो वृषणः पर्वतासो ध्रुवक्षैमास इळ्या मदन्तः ।
 आदित्यैर्नो अदितिः शृणोतु यच्छन्तु नो मरुतः शर्म भद्रम् २०
 सदा सुगः पितुमाँ अस्तु पनथा मध्वा देवा ओषधीः सं पिपृक्त ।
 भगौ मे अग्ने सख्ये न मृध्या उद् रायो अश्यां सदनं पुरुक्षोः २१
 स्वदस्व हव्या समिषो दिदी ह्यस्मद्रयश्क सं मिमीहि श्रवांसि ।
 विश्वाँ अग्ने पृत्सु ताञ्जेषि शत्रूँ नहा विश्वाँ सुमना दीदिही नः २२

(४६) एकोनपञ्चाशं सूक्तम्

(१-२२) द्वाविंशत्यृचस्यास्य सूक्तस्य वैश्वामित्रो वाच्यो वा प्रजापतिर्ऋषिः । विश्वे
 देवा देवताः । त्रिष्टुप् छन्दः

उषसः पूर्वा अध यद् व्यूषुर्महद् वि जज्ञे अक्षरं पदे गौः ।
 वृता देवानामुप नु प्रभूर्षन् महद् देवानामसुरत्वमेकम् १
 मो षू णो अत्र जुहुरन्त देवा मा पूर्वे अग्ने पितरः पदज्ञाः ।
 पुराणयोः सद्यनोः केतुरन्त महद् देवानामसुरत्वमेकम् २
 वि मे पुरुत्रा पंतयन्ति कामाः शम्यच्छा दीद्ये पूर्व्याणि ।
 समिद्धे अग्रावृतमिद् वदेम महद् देवानामसुरत्वमेकम् ३
 समानो राजा विभृतः पुरुत्रा शयै शयासु प्रयुतो वनानु ।
 अनया वृत्सं भरति क्षेति माता महद् देवानामसुरत्वमेकम् ४
 आक्षित् पूर्वास्वपरा अनूरुत् सद्यो जातासु तरुणीष्वन्तः ।
 अन्तर्वतीः सुवते अप्रवीता महद् देवानामसुरत्वमेकम् ५
 शयुः परस्तादध नु द्विमाता ऽर्बनधनश्चरति वृत्स एकः ।
 मित्रस्य ता वरुणस्य वृतानि महद् देवानामसुरत्वमेकम् ६
 द्विमाता होता विदथेषु सम्रा ळन्वग्रं चरति क्षेति बुध्नः ।
 प्र रणयानि रणयवाचो भरन्ते महद् देवानामसुरत्वमेकम् ७
 शूरस्येव युध्यतो अन्तमस्य प्रतीचीनं ददृशे विश्वमायत् ।
 अन्तर्मतिश्चरति निष्विधं गो महद् देवानामसुरत्वमेकम् ८
 नि वैवेति पलितो दूत आ स्वन्तर्महांश्चरति रोचनेन ।
 वर्षेषु बिभ्रदभि नो वि चष्टे महद् देवानामसुरत्वमेकम् ९
 विष्णागोपाः परमं पाति पार्थः प्रिया धामानयमृता दधानः ।
 अग्निष्ठा विश्वा भुर्वनानि वेद महद् देवानामसुरत्वमेकम् १०

नानां चक्राते यम्याः३ वपूषि तयोरनयद् रोचते कृष्णमनयत् ।
 श्यावीं च यदरुषी च स्वसारौ महद् देवानामसुरत्वमेकम् ११
 माता च यत्र दुहिता च धेनू संबर्दुधै धापयैते समीची ।
 ऋतस्य ते सदसीळे अन्तर्मुहद् देवानामसुरत्वमेकम् १२
 अनयस्यां वृत्सं रिहती मिमाय कया भुवा नि दधे धेनुरूधः ।
 ऋतस्य सा पर्यसापिन्वतेळां महद् देवानामसुरत्वमेकम् १३
 पद्यां वस्ते पुरुरूपा वपूष्यूर्ध्वा तस्थौ त्र्यविं रेरिहाणा ।
 ऋतस्य सद्य वि चरामि विद्वान् महद् देवानामसुरत्वमेकम् १४
 पदे ईव निहिते दुस्मे अन्तस्तयोरनयद् गुह्यमाविरनयत् ।
 सध्रीचीना पथ्याः३ सा विषूची महद् देवानामसुरत्वमेकम् १५
 आ धेनवो धुनयन्तामशिक्षीः सबर्दुधाः शशया अप्रदुग्धाः ।
 नव्यान्व्या युवतयो भवन्ती महद् देवानामसुरत्वमेकम् १६
 यदनयासु वृषभो रोरवीति सो अनयस्मिन् यूथे नि दधाति रेतः ।
 स हि क्षपावान् त्स भगः स राजा महद् देवानामसुरत्वमेकम् १७
 वीरस्य नु स्वश्वयं जनासुः प्र नु वौचाम विदुरस्य देवाः ।
 षोळ्हा युक्ताः पञ्चपञ्चा वहन्ति महद् देवानामसुरत्वमेकम् १८
 देवस्त्वष्टा सविता विश्वरूपः पुपोष प्रजाः पुरुधा जजान ।
 इमा च विश्वा भुवनानयस्य महद् देवानामसुरत्वमेकम् १९
 मही समैरञ्चमवा समीची उभे ते अस्य वसुना नयृष्टे ।
 शृगवे वीरो विन्दमानो वसूनि महद् देवानामसुरत्वमेकम् २०
 इमां च नः पृथिवीं विश्वधाया उपं क्षेति हितमित्रो न राजा ।
 पुरःसदः शर्मसदो न वीरा महद् देवानामसुरत्वमेकम् २१
 निष्विध्वरीस्त ओषधीरुतापो रयिं त इन्द्र पृथिवी बिभर्ति ।
 सखायस्ते वामभाजः स्याम महद् देवानामसुरत्वमेकम् २२

चतुर्थोऽध्यायः

व० १-२५

(५०) पञ्चाशं सूक्तम्

(१-८) अष्टर्चस्यास्य सूक्तस्य वैश्वामित्रो वाच्यो वा प्रजापतिर्ऋषिः । विश्वे देवा
देवताः । त्रिष्टुप् छन्दः

न ता मिनन्ति मायिनो न धीरा वृता देवानां प्रथमा ध्रुवाणि ।
 न रोदसी अद्रुहा वेद्याभिर्न पर्वता निनमै तस्थिवांसः १
 षड् भारां एको अचरन् बिभर्त्यृतं वर्षिष्ठमुप गाव् आगुः ।
 तिस्रो महीरुपरास्तस्थुरत्या गुहा द्वे निहिते दश्येका २
 त्रिपाजस्यो वृषभो विश्वरूप उत त्र्युधा पुरुध प्रजावान् ।
 त्र्यनीकः पत्यते माहिनावान् त्स रेतोधा वृषभः शश्वतीनाम् ३
 अभीक आसां पदवीरबो ध्यादित्यानामहे चारु नाम ।
 आपश्चिदस्मा अरमन्त देवीः पृथग् व्रजन्तीः परि षीमवृञ्जन् ४
 त्री षधस्थां सिनधवस्त्रिः कवीना मुत त्रिमाता विदथेषु सम्राट् ।
 ऋतावरीर्योषणास्तिस्त्रो अप्या स्त्रिरा दिवो विदथे पत्यमानाः ५
 त्रिरा दिवः सवितुर्वार्याणि दिवेदिव् आ सुव त्रिनो अहः ।
 त्रिधातु राय आ सुवा वसूनि भर्ग त्रातर्धिषणे सातये धाः ६
 त्रिरा दिवः सविता सौषवीति राजाना मित्रावरुणा सुपाणी ।
 आपश्चिदस्य रोदसी चिदुर्वी रत्नं भिदन्त सवितुः सवार्य ७
 त्रिरुत्तमा दूणशा रोचनानि त्रयो राजनत्यसुरस्य वीराः ।
 ऋतावान इषिरा दूळभास स्त्रिरा दिवो विदथे सन्तु देवाः ८

(५१) एकपञ्चाशं सूक्तम्

(१-६) षड्चस्यास्य सूक्तस्य गाथिनो विश्वामित्र ऋषिः । विश्वे देवा देवताः ।

त्रिष्टुप् छन्दः

प्र मै विविक्वाँ अविदन्मनीषां धेनुं चरन्तीं प्रयुतामगौपाम् ।
 सद्यश्चिद् या दुदुहे भूरि धासे रिन्द्रस्तदग्निः पनितारौ अस्याः १
 इन्द्रः सु पूषा वृषणा सुहस्ता दिवो न प्रीताः शशयं दुदुहे ।
 विश्वे यदस्यां रणयन्त देवाः प्र वोऽत्र वसवः सुम्रमश्याम् २
 या जामयो वृष्णा इच्छन्ति शक्तिं नमस्यन्तीर्जानिते गर्भमस्मिन् ।
 अच्छा पुत्रं धेनवो वावशाना महश्चरन्ति बिभ्रतं वपूषि ३
 अच्छा विवक्मि रोदसी सुमेके ग्राव्णो युजानो अर्ध्वरे मनीषा ।
 इमा उ ते मनवे भूरिवारा ऊर्ध्वा भवन्ति दर्शता यजत्राः ४
 या ते जिह्वा मधुमती सुमेधा अग्रे देवेषूच्यत उरूची ।
 तयेह विश्वाँ अर्वसे यजत्राना सादय पायया चा मधूनि ५

या तै अग्ने पर्वतस्येव धारा संश्चन्ती पीपयद् देव चित्रा ।
तामस्मभ्यं प्रमतिं जातवेदो वसो रास्व सुमतिं विश्वजनयाम् ६

(५२) द्विपञ्चाशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । अश्विनौ देवते ।

त्रिष्टुप् छन्दः

धेनुः प्रत्स्य काम्यं दुहान्ताऽन्तः पुत्रश्चरति दक्षिणायाः ।
आ द्यौतनिं वहति शभ्रयामो षसः स्तोमौ अश्विनावजीगः १
सुयुग् वहन्ति प्रति वामृतेनोर्ध्वा भवन्ति पितरैव मेधाः ।
जरैथामस्मद् वि पुरेर्मनीषां युवोरवश्चकृमा यातमर्वाक् २
सुयुग्भिरश्वैः सुवृता रथेन दस्त्राविमं शृणुतं श्लोकमद्रैः ।
किमङ्ग वां प्रत्यवर्तिं गमिष्ठाऽऽहर्विप्रासो अश्विना पुराजाः ३
आ मनयेथामा गतं कच्चिदेवैर्विश्वे जनासो अश्विना हवन्ते ।
इमा हि वां गोऋजीका मधूनि प्र मित्रासो न ददुरुस्त्रो अग्ने ४
तिरः पुरु चिदश्विना रजा स्याद्भूषो वां मघवाना जनेषु ।
एह यातं पृथिभिर्देवयानैर्दस्त्राविमे वां निधयो मधूनाम् ५
पुराणमोकः सख्यं शिवं वां युवोनरा द्रविणं जह्वाव्याम् ।
पुनः कृणवानाः सख्या शिवानि मध्वा मदेम सह नू समानाः ६
अश्विना वायुना युवं सुदक्षा नियुद्धिश्च सजोषसा युवाना ।
नासत्या तिरोऽह्यं जुषाणा सोमं पिबतमस्त्रिधा सुदानू ७
अश्विना परि वामिषः पुरुची रीयुर्गीर्भिर्यतमाना अमृधाः ।
रथौ ह वामृतजा अद्रिजुतः परि द्यावापृथिवी याति सद्यः ८
अश्विना मधुषुत्तमो युवाकुः सोमस्तं पातुमा गतं दुरोणे ।
रथौ ह वां भूरि वर्षः करिक्रत् सुतावतो निष्कृतमार्गमिष्ठः ९

(५३) त्रिपञ्चाशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । मित्रो देवता । (१-५)

प्रथमादिपञ्चर्चा त्रिष्टुप् (६-६) षष्ठ्यादिचतसृणाञ्च गायत्री छन्दसी

मित्रो जनान् यातयति ब्रुवाणो मित्रो दाधार पृथिवीमुत द्याम् ।
मित्रः कृष्टीरनिमिषाभि चष्टे मित्राय हव्यं घृतवजुहोत १

प्र स मित्रं मर्तो अस्तु प्रयस्वान् यस्तं आदित्यं शिञ्जति वृतेन ।
 न हनयते न जीयते त्वोतो नैनमंहो अश्नोत्यन्तितो न दूरात् २
 अनमीवास इळ्या मदन्तो मितज्ञवो वरिमन्ना पृथिव्याः ।
 आदित्यस्य वृतमुपक्षियन्तो वयं मित्रस्य सुमतौ स्याम ३
 अयं मित्रो नमस्यः सुशेवो राजा सुक्षत्रो अजनिष्ट वेधाः ।
 तस्य वयं सुमतौ यज्ञियस्याऽपि भद्रे सौमनुसे स्याम ४
 महां आदित्यो नमसोपसद्यो यातयज्ञनो गृणते सुशेवः ।
 तस्मा एतत् पनयतमाय जुष्टं मग्नौ मित्राय हविरा जुहोत ५
 मित्रस्य चर्षणीधृतो ऽवो देवस्य सानसि । द्युम्रं चित्रश्रवस्तमम् ६
 अभि यो महिना दिवं मित्रो बभूव सप्रथाः । अभि श्रवोभिः पृथिवीम् ७
 मित्राय पञ्च येमिरे जना अभिष्टिशवसे । स देवान् विश्वान् बिभर्ति ८
 मित्रो देवेष्वायुषु जनाय वृक्तबर्हिषे । इष इष्टवता अकः ९

(५४) चतुःपञ्चाशं सूक्तम्

(१-७) सप्तर्चस्यास्य सूक्तस्य गाथिनो विश्वामित्र ऋषिः । (१-४)

प्रथमादिचतुर्ऋचामृभवः (५-७) पञ्चम्यादितृचस्य च ऋभव इन्द्रश्च देवताः ।

जगती छन्दः

इहेह वो मनसा ब्रनधुता नर उशिजो जग्मुरभि तानि वेदसा ।
 याभिर्मायाभिः प्रतिजुतिवर्षसः सौधन्वना यज्ञियं भागमानुश १
 याभिः शचीभिश्चमसाँ अपिशत यया धिया गामरिणीतु चर्मणः ।
 येन हरी मनसा निरतक्षत तेन देवत्वमृभवः समानश २
 इन्द्रस्य सख्यमृभवः समानश मर्नोर्नपातो अपसो दधन्विरे ।
 सौधन्वनासौ अमृतत्वमेरिरे विष्टी शमीभिः सुकृतः सुकृत्यया ३
 इन्द्रेण याथ सरथं सुते सचाँ अथो वशानां भवथा सह श्रिया ।
 न वः प्रतिमै सुकृतानि वाघतः सौधन्वना ऋभवो वीर्याणि च ४
 इन्द्रं ऋभुभिर्वाजवद्भिः समुक्षितं सुतं सोममा वृषस्वा गभस्त्योः ।
 धियेषितो मघवन् दाशुषो गृहे सौधन्वनेभिः सह मत्स्वा नृभिः ५
 इन्द्रं ऋभुमान् वाजवान् मत्स्वेह नो ऽस्मिन् त्सर्वने शच्या पुरुष्टुत ।
 इमानि तुभ्यं स्वसराणि येमिरे वृता देवानां मनुषश्च धर्मभिः ६
 इन्द्रं ऋभुभिर्वाजिभिर्वाजयन्निह स्तोमं जरितुरुपं याहि यज्ञियम् ।

शतं केतैभिरिषिरेभिरायवे सहस्रणीथो अध्वरस्य होमनि ७

(५५) पञ्चपञ्चाशं सूक्तम्

(१-७) सप्तर्चस्यास्य सूक्तस्य गाथिनो विश्वामित्र ऋषिः । उषा देवता ।

त्रिष्टुप् छन्दः

उषो वाजेन वाजिनि प्रचैताः स्तोमं जुषस्व गृणतो मघोनि ।
पुराणी देवि युवतिः पुरंधि रनु वृतं चरसि विश्ववारे १
उषो देव्यमर्त्या वि भाहि चन्द्ररथा सूनृता ईरयन्ती ।
आ त्वा वहन्तु सुयमांसो अश्वा हिरण्यवर्णा पृथुपार्जसो ये २
उषः प्रतीची भुव्नानि विश्वोर्वा तिष्ठस्यमृतस्य केतुः ।
समानमर्थं चरणीयमाना चक्रमिव नव्यस्या ववृत्स्व ३
अव स्यूमेव चिन्वती मघोन युषा याति स्वसरस्य पत्नी ।
स्वर्जनन्ती सुभगा सुदंसा आन्ताद् दिवः पप्रथ आ पृथिव्याः ४
अच्छा वो देवीमुषसं विभातीं प्र वो भरध्वं नमसा सुवृक्तिम् ।
ऊर्ध्वं मधुधा दिवि पाजौ अश्रेत् प्र रौचना रुरुचे रणवसंदृक् ५
ऋतावरी दिवो अकैरबो ध्या रेवती रोदसी चित्रमस्थात् ।
आयतीमग्न उषसं विभातीं वाममेषि द्रविणं भिक्षमाणः ६
ऋतस्य बुध्न उषसामिषण्यन् वृषा मही रोदसी आ विवेश ।
मही मित्रस्य वरुणस्य माया चन्द्रेव भानुं वि दधे पुरुत्रा ७

(५६) षट्पञ्चाशं सूक्तम्

(१-१८) अष्टादशर्चस्यास्य सूक्तस्य गाथिनो विश्वामित्रः (१६-१८)

षोडश्यादितृचस्य च जमदग्निर्वा ऋषिः । (१-३) प्रथमादितृचस्येन्द्रावरुणौ (४-

६) चतुर्थ्यादितृचस्य बृहस्पतिः (७-९) सप्तम्यादितृचस्य पूषा (१०-१२)

दशम्यादितृचस्य सविता (१३-१५) त्रयोदश्यादितृचस्य सोमः (१६-१८)

षोडश्यादितृचस्य च मित्रावरुणौ देवताः । (१-३) प्रथमादितृचस्य त्रिष्टुप् (४-१८)

चतुर्थ्यादिपञ्चदशर्चाञ्च गायत्री छन्दसी

इमा उ वां भूमयो मनयमाना युवावते न तुज्या अभूवन् ।
क्वर्त्यदिन्द्रावरुणा यशौ वां येन स्मा सिनं भरथः सखिभ्यः १
अयमु वां पुरुतमौ रयीय ञ्छ्वत्तममवसे जोहवीति ।

सजोषाविन्द्रावरुणा मरुद्धिर्दिवा पृथिव्या शृणुतं हव मे २
 अस्मे तदिन्द्रावरुणा वसु ष्या दस्मे रयिर्मरुतः सर्ववीरः ।
 अस्मान् वरूत्रीः शरशैरव नत्वस्मान् होत्रा भारती दक्षिणाभिः ३
 बृहस्पते जुषस्व नो हव्यानि विश्वदेव्य । रास्व रत्नानि दाशुषे ४
 शुचिमकैर्बृहस्पति मध्वरेषु नमस्यत । अनाम्योज आ चके ५
 वृषभं चर्षणीनां विश्वरूपमदाभ्यम् । बृहस्पतिं वरैशयम् ६
 इयं तै पूषन्नाघृणे सुष्टुतिर्देव नव्यसी । अस्माभिस्तुभ्यं शस्यते ७
 तां जुषस्व गिरं मर्म वाजयन्तीमवा धियम् । वधूयुरिव योषणाम् ८
 यो विश्वाभि विपश्यति भुवना सं च पश्यति । स नः पूषाविता भुवत् ९
 तत् सवितुर्वरैशयं भर्गो देवस्य धीमहि । धियो यो नः प्रचोदयात् १०
 देवस्य सवितुर्वयं वाजयन्तः पुरंध्या । भर्गस्य रातिमीमहे ११
 देवं नरः सवितारं विप्रा यज्ञैः सुवृक्तिभिः । नमस्यन्ति धियेषिताः १२
 सोमो जिगाति गातुविद् देवानामेति निष्कृतम् । ऋतस्य योनिमासदम् १३
 सोमो अस्मभ्यं द्विपदे चतुष्पदे च पशवै । अनमीवा इषस्करत् १४
 अस्माकमार्युर्वर्धयन्नभिमातीः सहमानः । सोमः सधस्थमासदत् १५
 आ नो मित्रावरुणा घृतैर्गव्यूतिमुक्षतम् । मध्वा रजांसि सुक्रतू १६
 उरुशंसा नमोवृधा म्हा दक्षस्य राजथः । द्राघिष्ठाभिः शुचिव्रता १७
 गृणाना जमदग्निना योनावृतस्य सीदतम् । पातं सोममृतावृधा १८

(५७) सप्तपञ्चाशं सूक्तम्

(१-२०) विंशत्यृचस्यास्य सूक्तस्य गौतमो वामदेव ऋषिः । (१, ६-२०)
 प्रथमर्चः षष्ठ्यादिपञ्चदशानाञ्चाग्निः (२-५) द्वितीयादिचतसृणाञ्चाग्निर्वरुणो वा
 देवता । (१) प्रथमर्च अष्टिः (२) द्वितीयाया अतिजगती (३) तृतीयाया धृतिः
 (४-२०) चतुर्थ्यादिसप्तदशानाञ्च त्रिष्टुप् छन्दांसि
 त्वां ह्यग्ने सदमित् समन्यवो देवासो देवमरति न्येरि इति क्रत्वा न्येरिरे ।
 अमर्त्यं यजत् मर्त्येष्व देवमादैवं जनत् प्रचैतसं विश्वमादैवं जनत् प्रचैतसम्
 १
 स भ्रातरं वरुणमग्र आ ववृत्स्व देवाँ अच्छा सुमती यज्ञवनसं ज्येष्ठं
 यज्ञवनसम् । ऋतावानमादित्यं चर्षणीधृतं राजानं चर्षणीधृतम् २
 सखे सखायम्भ्या ववृत्स्वाशं न चक्रं रथ्यैव रंह्यास्मभ्यं दस्म रंह्या ।

अग्ने मृळीकं वरुणे सचा विदो मरुत्सु विश्वभानुषु ।
 तोकार्यं तुजे शशुचान् शं कृध्यस्मभ्यं दस्म शं कृधि ३
 त्वं नो अग्ने वरुणस्य विद्वान् देवस्य हेळोऽव यासिसीष्ठाः ।
 यजिष्ठो वह्नितमः शोशुचानो विश्वा द्वेषांसि प्र मुमुग्ध्यस्मत् ४
 स त्वं नो अग्नेऽवमो भवोती नेदिष्ठो अस्या उषसो व्युष्टौ ।
 अव यद्व नो वरुणं रराणो वीहि मृळीकं सुहवो न एधि ५
 अस्य श्रेष्ठा सुभगस्य संदृग् देवस्य चित्रतमा मर्त्येषु ।
 शुचिं घृतं न तप्तमघ्नयायाः स्पार्हा देवस्य मंहनैव धेनोः ६
 त्रिरस्य ता परमा सन्ति सत्या स्पार्हा देवस्य जनिमान्यग्नेः ।
 अनन्ते अन्तः परिवीत आगा च्छुचिः शक्रो अर्यो रोरुचानः ७
 स दूतो विश्वेदभि वष्टि सद्या होता हिरण्यरथो रंसुजिह्वः ।
 रोहिदंशो वपुष्यो विभावा सदा रगवः पितुमतीव संसत् ८
 स चैतयन्मनुषो यज्ञबन्धुः प्र तं मृह्या रशनया नयन्ति ।
 स चैत्यस्य दुर्यासु सार्धेन् देवो मर्तस्य सधनित्वमाप ९
 स तू नो अग्निर्नयतु प्रजान् न च्छा रत्नं देवभक्तं यदस्य ।
 धिया यद् विश्वे अमृता अकृगवन् द्यौष्पिता जनिता सत्यमुक्षन् १०
 स जायत प्रथमः पुस्त्यासु महो बुधे रजसो अस्य योनौ ।
 अपादशीर्षा गुहमानो अन्ता ऽऽयोयुवानो वृषभस्य नीळे ११
 प्र शर्ध आर्त प्रथमं विपुन्याँ ऋतस्य योना वृषभस्य नीळे ।
 स्पार्हो युवा वपुष्यो विभावा सप्त प्रियासोऽजनयन्त वृष्णौ १२
 अस्माकमत्र पितरौ मनुष्या अभि प्र सैदुर्ऋतमाशुषाणाः ।
 अश्मव्रजाः सुदुधा वव्रे अन्त रुदुस्त्रा आजन्नुषसौ हुवानाः १३
 ते मर्मजत ददृवांसो अद्रिं तदैषामन्ये अभितो वि वौचन् ।
 पश्वयन्त्रासो अभि कारमर्चन् विदन्त ज्योतिश्चकृपन्त धीभिः १४
 ते गव्यता मर्नसा दृध्रमुब्धं गा यैमानं परि षन्तमद्रिम् ।
 दृळ्हं नरो वचसा दैव्यै न वृजं गोमन्तमुशिजो वि वव्रुः १५
 ते मन्वत प्रथमं नाम धेनो स्त्रिः सप्त मातुः परमाणि विन्दन् ।
 तज्जानतीरभ्यनूषत् वा आविर्भुवदरुणीर्यशसा गोः १६
 नेशत् तमो दुधितं रोचत् द्यौ रुद् देव्या उषसौ भानुरर्त ।
 आ सूर्यो बृहतस्तिष्ठदजाँ ऋजु मर्तेषु वृजिना च पश्यन् १७

आदित् पश्चा बुबुधाना व्यख्यन्नादिद् रत्नं धारयन्त द्युभक्तम् ।
 विश्वे विश्वांसु दुर्यासु देवा मित्रं धिये वरुण सत्यमस्तु १८
 अच्छा वोचेय शुशुचानमग्निं होतारं विश्वभरसं यजिष्ठम् ।
 शुच्यूधौ अतृणन्न गवा मन्धो न पूतं परिषिक्तमंशोः १९
 विश्वेषामदितिर्यज्ञियानां विश्वेषामतिथिर्मानुषाणाम् ।
 अग्निर्देवानामव आवृणानः समृच्छीको भवतु जातवेदाः २०

(५८) अष्टपञ्चाशं सूक्तम्

(१-२०) विंशत्यृचस्यास्य सूक्तस्य गौतमो वामदेव ऋषिः । अग्निर्देवता ।

त्रिष्टुप् छन्दः

यो मर्त्येष्वमृतं ऋतावा देवो देवेष्वरतिर्निधायि ।
 होता यजिष्ठो महा शचध्यै हव्यैरग्निर्मनुष ईर्यध्यै १
 इह त्वं सूनो सहसो नो अद्य जातो जातां उभयां अन्तरंगे ।
 दूत ईयसे युयुजान ऋष्व ऋजुमुष्कान् वर्षणः शक्रांश्च २
 अत्या वृधसू रोहिता घृतसू ऋतस्य मन्ये मनसा जविष्ठा ।
 अन्तरीयसे अरुषा युजानो युष्मांश्च देवान् विश आ च मर्तान् ३
 अर्यमणं वरुणं मित्रमेषा मिन्द्राविष्णु मरुतौ अश्विनोत ।
 स्वश्वौ अग्ने सुरथः सुराधा एदु वह सुहविषे जनाय ४
 गोमाँ अग्नेऽविमाँ अश्वी यज्ञो नृवत्सखा सदमिदप्रमृष्यः ।
 इळावाँ एषो असुर प्रजावान् दीर्घो रयिः पृथुबुधः सभावान् ५
 यस्त इध्मं जभरत् सिष्विदानो मूर्धानं वा ततपते त्वाया ।
 भुवस्तस्य स्वतवाँ पायुरंग्रे विश्वस्मात् सीमघायत उरुष्य ६
 यस्ते भरादन्नियते चिदन्नं निशिषन्मन्द्रमतिथिमुदीरत् ।
 आ देव्युरिनधते दुरोणे तस्मिन् रयिर्ध्रुवो अस्तु दास्वान् ७
 यस्त्वा दोषा य उषसि प्रशंसात् प्रियं वा त्वा कृणवते हविष्मान् ।
 अश्वो न स्वे दम् आ हेम्यावान् तमंहसः पीपरो दाश्वांसम् ८
 यस्तुभ्यमग्ने अमृताय दाशद् दुवस्त्वे कृणवते यतस्तुक ।
 न स राया शशमानो वि यौष न्नैनमंहः परि वरदघायोः ९
 यस्य त्वमग्ने अध्वरं जुजौषो देवो मर्तस्य सुधितं रराणः ।
 प्रीतेदसद्भोत्रा सा यविष्ठाऽसाम् यस्य विधतो वृधासः १०

चित्तिमचित्तिं चिनवद् वि विद्वान् पृष्ठेव वीता वृजिना च मर्तान् ।
 राये च नः स्वपत्याय देव दितिं च रास्वादितिमुरुष्य ११
 क्विं शशासुः क्वयोऽदब्धा निधारयन्तो दुर्यास्वायोः ।
 अतस्त्वं दृश्याँ अग्र एतान् पडिभः पश्येरद्धताँ अर्य एवैः १२
 त्वमग्ने वाघते सुप्रर्णातिः सुतसौमाय विधते यविष्ठ ।
 रत्नं भर शशमानाय घृष्वे पृथुश्चन्द्रमवसे चर्षणिप्राः १३
 अधा ह यद् वयमग्ने त्वाया पडिभर्हस्तेभिश्चक्रमा तनूभिः ।
 रथं न क्रन्तो अपसा भुरिजोँ ऋतं येमुः सुर्ध्व आशुषाणाः १४
 अधा मातुरुषसः सप्त विप्रा जायेमहि प्रथमा वेधसो नृचफद्वन् ।
 दिवस्पुत्रा अङ्गिरसो भवेमाऽद्रिं रुजेम धनिर्न श्चन्तः १५
 अधा यथा नः पितरः परासः प्रत्वासौ अग्र ऋतमाशुषाणाः ।
 शुचीदयन् दीर्घितिमुक्थशासः क्षामा भिन्दन्तो अरुणीरप वन् १६
 सुकर्माणः सुरुचो देवयन्तो ऽयो न देवा जनिमा धमन्तः ।
 श्चन्तो अग्निं ववृधन्त इन्द्रं मूर्ध्वं गव्यं परिषदन्तो अगमन् १७
 आ यूथेव क्षुमर्ति पश्वो अख्यद् देवानां यजनिमान्त्युग्र ।
 मर्तानां चिदुर्वशीरकृप्रन् वृधे चिदर्य उपरस्यायोः १८
 अकर्म ते स्वपसो अभूम ऋतमवस्त्रनुषसो विभातीः ।
 अनूनमग्निं पुरुधा सुश्चन्द्रं देवस्य मर्मृजतश्चारु चक्षुः १९
 एता ते अग्र उचथानि वेधो ऽवौचाम क्वये ता जुषस्व ।
 उच्छौचस्व कृणुहि वस्यसो नो महो रायः पुरुवार प्र यन्धि २०

(५६) एकोनषष्टितमं सूक्तम्

(१-१६) षोडशर्चस्यास्य सूक्तस्य गौतमो वामदेव ऋषिः । (१) प्रथमर्चोऽग्नी रुद्रो
 वा (२-१६) द्वितीयादिपञ्चदशानाञ्चाग्निर्देवता । त्रिष्टुप् छन्दः

आ वो राजानमध्वरस्य रुद्रं होतारं सत्ययजं रोदस्योः ।
 अग्निं पुरा तेनयित्वोरचित्ता द्विरंगयरूपमवसे कृणुध्वम् १
 अयं योनिश्चक्रमा यं वयं ते जायेव पत्यं उशती सुवासाः ।
 अर्वाचीनः परिवीतो नि षीदेमा उँ ते स्वपाक प्रतीचीः २
 आशृण्वते अदृपिताय मन्मं नृचक्षसे सुमृळीकार्य वेधः ।
 देवाय शस्तिमृताय शंसं ग्रावैव सोता मधुषुद् यमीळे ३

त्वं चिन्नः शम्या अग्ने अस्या ऋतस्य बोध्यतचित् स्वाधीः ।
 कदा त उक्था सधमाद्यानि कदा भवन्ति सख्या गृहे तै ४
 कथा ह तद् वरुणाय त्वमग्ने कथा दिवे गर्हसे कन्न आर्गः ।
 कथा मित्राय मीळ्हषे पृथिव्यै ब्रवः कदर्यम्णे कद् भगाय ५
 कद् धिष्ण्यासु वृधसानो अग्ने कद् वाताय प्रतवसे शुभये ।
 परिज्मने नासत्याय क्षे ब्रवः कदग्ने रुद्राय नृघ्ने ६
 कथा महे पुष्टिभराय पूष्णे कद् रुद्राय सुमखाय हविर्दे ।
 कद् विष्णव उरुगायाय रेतो ब्रवः कदग्ने शरवे बृहत्यै ७
 कथा शर्धाय मरुतामृताय कथा सूरे बृहते पृच्छयमानः ।
 प्रति ब्रवोऽदितये तुराय साधा दिवो जातवेदश्चिकित्वान् ८
 ऋतेन ऋतं नियतमीळ आ गो रामा सचा मधुमत् पक्वमग्ने ।
 कृष्णा सती रुशता धासिनैषा जामर्येण पर्यसा पीपाय ९
 ऋतेन हि ष्मा वृषभश्चिदक्तः पुमाँ अग्निः पर्यसा पृष्ठयेन ।
 अस्पन्दमानो अचरद् वयोधा वृषा शक्रं दुदुहे पृश्नरूधः १०
 ऋतेनाद्रिं व्यसन् भिदन्तः समङ्गिरसो नवन्त गोभिः ।
 शूनं नरः परि षदनुषास माविः स्वरभवजाते अग्रौ ११
 ऋतेन देवीरमृता अमृक्ता अर्णोभिरापो मधुमद्भिरग्ने ।
 वाजी न सर्गेषु प्रस्तुभानः प्र सदमित् स्रवितवे दधन्युः १२
 मा कस्य यक्षं सदमिद्धरो गा मा वेशस्य प्रमिनतो मापेः ।
 मा भ्रातुरग्ने अनृजोऽर्णं वे मा सख्युर्दक्ष रिपोर्भुजेम १३
 रक्षा णो अग्ने तव रक्षणेभी रारक्षाणः सुमख प्रीणानः ।
 प्रति ष्फुर वि रुज वीड्वंहौ जहि रक्षो महि चिद् वावृधानम् १४
 एभिर्भव सुमना अग्ने अर्के रिमान् त्स्पृश मन्मभिः शूर वाजान् ।
 उत ब्रह्माण्यङ्गिरो जुषस्व सं तै श्स्तिर्देववाता जरेत १५
 एता विश्वा विदुषे तुभ्यं वेधो नीथान्यग्ने निशया वचांसि ।
 निवर्चना कवये काव्या न्यशांसिषं मतिभिर्विप्र उक्थैः १६

(६०) षष्ठितमं सूक्तम्

(१-१५) पञ्चदशर्चस्यास्य सूक्तस्य गौतमो वामदेव ऋषिः । रक्षोहाग्निर्देवता ।

त्रिष्टुप् छन्दः

कृणुष्व पाजः प्रसितिं न पृथ्वीं याहि राजेवामवाँ इभेन ।
 तृष्वीमनु प्रसितिं दूणानो ऽस्तासि विध्यं रक्षसस्तपिष्ठैः १
 तव भ्रमास आशया पतन्त्यनु स्पृश धृषता शोशुचानः ।
 तपूष्यग्रे जुह्वा पतङ्गा नसदितो वि सृज विष्वगुल्काः २
 प्रति स्पशो वि सृज तूर्णितमो भवा पायुर्विशो अस्या अदब्धः ।
 यो नो दूरे अघशंसो यो अन्त्यग्रे माकिष्टे व्यथिरा दधर्षीत् ३
 उदग्रे तिष्ठ प्रत्या तनुष्व न्यश्मित्राँ ओषतात् तिग्महेते ।
 यो नो अरातिं समिधान चक्रे नीचा तं धृद्यतसं न शुष्कम् ४
 ऊर्ध्वो भव प्रति विध्याध्यस्म दाविष्कृणुष्व दैव्यान्यग्रे ।
 अवं स्थिरा तनुहि यातुजूनां जामिमजामिं प्र मृणीहि शत्रून् ५
 स ते जानाति सुमतिं यविष्ठ य ईवते ब्रह्मणे गातुमैरत् ।
 विश्वान्यस्मै सुदिनानि रायो द्युम्नान्यर्यो वि दुरो अभि द्यौत् ६
 सेदग्रे अस्तु सुभगः सुदानु र्यस्त्वा नित्येन हविषा य उक्थैः ।
 पिप्रीषति स्व आयुषि दुरोगे विश्वेदस्मै सुदिना सासदिष्टिः ७
 अर्चामि ते सुमतिं घोष्यर्वाक् सं ते वावाता जरतामियं गीः ।
 स्वश्वास्त्वा सुरथा मर्जयेमा ऽस्मे क्षत्राणि धारयेरनु द्यून् ८
 इह त्वा भूर्या चरेदुप त्मन् दोषावस्तर्दीदिवांसमनु द्यून् ।
 क्रीळन्तस्त्वा सुमनसः सपेमा ऽभि द्युम्ना तस्थिवांसो जनानाम् ९
 यस्त्वा स्वश्वः सुहिरण्यो अग्न उपयाति वसुमता रथेन ।
 तस्य त्राता भवसि तस्य सखा यस्त आतिथ्यमानुषग् जुजौषत् १०
 महो रुजामि बन्धुता वचोभि स्तन्मा पितुर्गोतमादन्वियाय ।
 त्वं नो अस्य वचसश्चिकिद्धि होतर्यविष्ठ सुक्रतो दमूनाः ११
 अस्वंप्रजस्तरणयः सुशेवा अतन्द्रासो ऽवृका अश्रमिष्ठाः ।
 ते पायवः सध्र्यञ्चो निषद्या ऽग्रे तव नः पान्त्वमूर १२
 ये पायवो मामतेयं ते अग्रे पश्यन्तो अन्धं दुरितादरक्षन् ।
 ररक्ष तान् त्सुकृतौ विश्ववेदा दिप्सन्त इद् रिपवो नाहं देभुः १३
 त्वर्या वयं सध्न्यश्स्वोता स्तव प्रणीत्यश्याम् वाजान् ।
 उभा शंसा सूदय सत्यताते ऽनुष्ठया कृणुह्यहयाण १४
 अया ते अग्रे समिधा विधेम प्रति स्तोर्म शस्यमानं गृभाय ।
 दहाशसो रक्षसः पाह्यश्स्मान् द्रुहो निदो मित्रमहो अवघात् १५

पञ्चमोऽध्यायः

व० १ । २६

(६१) एकषष्टितमं सूक्तम्

(१-१५) पञ्चदशर्चस्यास्य सूक्तस्य गौतमो वामदेव ऋषिः । वैश्वानरोऽग्निर्देवता ।

त्रिष्टुप् छन्दः

वैश्वानुराय मीळ्हषै सजोषाः कथा दाशेमाग्रये बृहद् भाः ।
 अनूनेन बृहता वृक्षथेनो प स्तभायदुपमिन्न रोधः १
 मा निन्दतु य इमां मह्यं रातिं देवो ददौ मर्त्याय स्वधावान् ।
 पाकाय गृत्सो अमृतो विचेता वैश्वानुरो नृतमो य्हो अग्निः २
 सामं द्विबर्हा महिं तिग्मभृष्टिः सहस्त्रेता वृषभस्तुविष्मान् ।
 पदं न गोरपंगूळ्हं विविद्वा नग्निर्मह्यं प्रेदु वोचन्मनीषाम् ३
 प्र ताँ अग्निर्बभसत् तिग्मजम्भ स्तर्पिष्ठेन शोचिषा यः सुराधाः ।
 प्र ये मिनन्ति वरुणस्य धामं प्रिया मित्रस्य चेततो ध्रुवाणि ४
 अभ्रातरो न योषणो व्यन्तः पतिरिपो न जनयो दुरेवाः ।
 पापासः सन्तौ अनृता असत्या इदं पदमजनता गभीरम् ५
 इदं मै अग्ने किर्यते पावका ऽमिनते गुरुं भारं न मन्म ।
 बृहद् दधाथ धृषता गभीरं य्हं पृष्ठं प्रयसा सप्तधातु ६
 तमिन्वेइव समना समान मभि क्रत्वा पुनती धीतिरश्याः ।
 ससस्य चर्मन्नधि चारु पृश्ने रग्रे रूप आरुपितं जबारु ७
 प्रवाच्यं वचसः किं मै अस्य गुहा हितमुपे निशिग्वदन्ति ।
 यदुस्त्रियाणामप वारिव व्रन् पाति प्रियं रूपो अग्रं पदं वेः ८
 इदमु त्यन्महिं महामनीकं यदुस्त्रिया सचत पूर्व्यं गौः ।
 अतस्य पदे अधि दीद्यानं गुहा रघुष्यद् रघुयद् विवेद ९
 अर्धं द्युतानः पित्रोः सचासा ऽमनुत गुह्यं चारु पृश्नैः ।
 मातुष्पदे परमे अन्ति षद् गो वृष्णाः शोचिषः प्रयतस्य जिह्वा १०
 अतं वौचे नमसा पृच्छयमानं स्तवाशसा जातवेदो यदीदम् ।
 त्वमस्य क्षयसि यद्ध विश्वं दिवि यदु द्रविणं यत् पृथिव्याम् ११
 किं नो अस्य द्रविणं कद्ध रत्नं वि नो वोचो जातवेदश्चिकित्वान् ।
 गुहाध्वनः परमं यन्नो अस्य रेकु पदं न निदाना अगन्म १२
 का मर्यादा वयुना कद्ध वाम मच्छा गमेम रघवो न वाजम् ।

कदा नो देवीरमृतस्य पत्नीः सूरौ वर्णेन ततननुषासः १३
 अनिरेण वचसा फल्ग्वेन प्रतीत्येन कृधुनातृपासः ।
 अधा ते अग्ने किमिहा वेदन्त्यनायुधास आसता सचन्ताम् १४
 अस्य श्रिये समिधानस्य वृष्णो वसोरनीकं दम् आ रुरोच ।
 रुशद् वसानः सुदृशीकरूपः क्षितिर्न राया पुरुवारौ अद्यौत् १५

(६२) द्विषष्टितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । अग्निर्देवता ।

त्रिष्टुप् छन्दः

ऊर्ध्व ऊ षु शौ अध्वरस्य होतृ ग्रे तिष्ठ देवताता यजीयान् ।
 त्वं हि विश्वमभ्यसि मन्म प्र वेधसश्चित् तिरसि मनीषाम् १
 अमूरो होता न्यसादि विद्ववश् अग्निर्मन्द्रो विदथेषु प्रचेताः ।
 ऊर्ध्व भानुं सवितेवाश्रे न्मेतेव धूमं स्तभायदुप घाम् २
 यता सुजूर्णी रातिनी घृताची प्रदक्षिणिद् देवतातिमुराणः ।
 उदु स्वरुर्नवजा नाक्रः पश्वो अनत्ति सुधितः सुमेकः ३
 स्तीर्णे बर्हिषि समिधाने अग्रा ऊर्ध्वो अध्वर्युजुषाणो अस्थात् ।
 पर्यग्निः पशपा न होता त्रिविष्टयेति प्रदिव उराणः ४
 परि त्मना मितद्वुरेति होता अग्निर्मन्द्रो मधुवचा ऋतावा ।
 द्रवन्त्यस्य वाजिनो न शोका भयन्ते विश्वा भुवना यदभ्राट् ५
 भद्रा ते अग्ने स्वनीक सदृग् घोरस्य सतो विषुणस्य चारुः ।
 न यत् ते शोचिस्तमसा वरन्त न ध्वस्मानस्तन्वीरेप आ धुः ६
 न यस्य सातुर्जनितोरवारि न मातरापितरा नू चिदिष्टौ ।
 अधा मित्रो न सुधितः पावकोरे ऽग्निर्दीदाय मानुषीषु विक्षु ७
 द्विर्य पञ्च जीजनन् त्संवसानाः स्वसारो अग्निं मानुषीषु विक्षु ।
 उषर्बुधमथर्योरे न दन्तं शुकं स्वासं परशुं न तिग्मम् ८
 तव त्पे अग्ने हरितौ घृतस्त्रा रोहितास ऋज्वञ्चः स्वञ्चः ।
 अरुषासो वृषण ऋजुमुष्का आ देवतातिमहन्त दस्माः ९
 ये ह त्पे ते सहमाना अयास स्त्वेषासौ अग्ने अर्चयश्चरन्ति ।
 श्येनासो न दुवसनासो अर्थं तुविष्वणसो मारुतं न शर्धः १०
 अकारि ब्रह्म समिधान तुभ्यं शंसात्युक्थं यजते व्यू धाः ।

होतारमग्निं मनुषो नि षैदुर्नमस्यन्त उशिजः शंसमायोः ११

(६३) त्रिषष्टितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । अग्निर्देवता । (१)

प्रथमर्चो जगती (२-६) द्वितीयादिपञ्चानामनुष्टुप् (७-११) सप्तम्यादिपञ्चानाञ्च

त्रिष्टुप् छन्दांसि

अयमिह प्रथमो धायि धातृभिर्होता यजिष्ठो अध्वरेष्वीडयः ।

यमप्रवानो भृगवो विरुरुचुर्वनेषु चित्रं विभ्वं विशेर्विशे १

अग्रै कदा तं आनुषग् भुवद् देवस्य चेतनम् ।

अधा हि त्वां जगृध्रिरे मर्तासो विद्वीडयम् २

ऋतावानं विचेतसं पश्यन्तो घामिव स्तृभिः ।

विश्वेषामध्वराणां हस्कृत्तारं दमैदमे ३

आशुं दूतं विवस्वतो विश्वा यश्चर्षणीरभि ।

आ जभ्रुः केतुमायवो भृगवाणं विशेर्विशे ४

तमीं होतारमानुषकं चिकित्वांसं नि षैदिरे ।

रणं पावकशौचिषं यजिष्ठं सप्त धामभिः ५

तं शश्वतीषु मातृषु वन आ वीतमश्रितम् ।

चित्रं सन्तं गुहां हितं सुवेदं कूचिदर्थिनम् ६

ससस्य यद् वियुता सस्मिन्नूर्ध्वं नृतस्य धामन् रणयन्त देवाः ।

महाँ अग्निर्मसा रातहव्यो वेरध्वराय सदमिदृतावा ७

वेरध्वरस्य दूत्यानि विद्वा नुभे अन्ता रोदसी संचिकित्वान् ।

दूत ईयसे प्रदिव उराणो विदुष्टरो दिव आरोधनानि ८

कृष्णं त एम् रुशतः पुरो भाश्चरिष्वावर्चिर्वपुषामिदेकम् ।

यदप्रवीता दधते ह गभं सद्यश्चिजातो भवसीदु दूतः ९

सद्यो जातस्य ददृशानमोजो यदस्य वार्तो अनुवार्ति शोचिः ।

वृणक्ति तिग्मामतसेषु जिह्वां स्थिरा चिदन्ना दयते वि जम्भैः १०

तृषु यदन्ना तृषुणा ववक्ष तृषु दूतं कृणुते यहो अग्निः ।

वार्तस्य मेळिं संचते निजूर्व न्नाशुं न वाजयते हिन्वे अर्वा ११

(६४) चतुःषष्टितमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । अग्निर्देवता ।

गायत्री छन्दः

दू॒तं वो॑ वि॒श्ववै॑दसं ह॒व्यवा॑हम॒मर्त्य॑म् । यजि॑ष्ठमृ॒ञ्जसे॑ गिरा १
स हि वे॒दा वसु॑धितिं म॒हां आ॑रोधनं दि॒वः । स दे॒वाँ ए॒ह व॑क्षति २
स वे॒द दे॒व आ॑नमं दे॒वाँ ऋ॑ताय॒ते द॑मै । दाति॑ प्रि॒याणि॑ चि॒द् वसु॑ ३
स हो॒ता से॒दु दू॒त्यं चि॑कित्वाँ अ॒न्तरी॑यते । वि॒द्वाँ आ॑रोधनं दि॒वः ४
ते स्या॑म॒ ये अ॒ग्र्ये द॑दाशु॒र्हव्य॑दातिभिः । य ईं पु॒ष्यन्त॑ इ॒न्धते॑ ५
ते रा॒या ते सु॑वीर्यैः स॒स॒वांसो॑ वि शृ॒णिव॑रे । ये अ॒ग्रा द॑धिरे दुर्वः ६
अ॒स्मे रा॒यो दि॒वेदि॑वे सं च॑रन्तु पु॒रुस्पृ॑हः । अ॒स्मे वा॒जास॑ ईरताम् ७
स वि॒प्रश्च॑र्षणीनां शर्व॑सा॒ मानु॑षाणाम् । अ॒ति क्षि॑प्रेव॑ वि॒ध्यति॑ ८

(६५) पञ्चषष्टितमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । अग्निर्देवता ।

गायत्री छन्दः

अ॒ग्रे मृ॒ळ म॒हां अ॒सि॒ य ई॒मा दे॒वयु॑ जनम् । इ॒येथ॑ ब॒र्हिरा॑सदम् १
स मा॒नु॒षीषु॑ दू॒ळभो॑ वि॒क्षु प्रा॑वीर॒मर्त्यः॑ । दू॒तो वि॒श्वेषां॑ भुवत् २
स स॒द्य परि॑ गी॒यते॑ हो॒ता म॒न्द्रो दि॒र्विष्टि॑षु । उ॒त पो॒ता नि॑ षीदति ३
उ॒त ग्रा॑ अ॒ग्निर॑ध्व॒र उ॒तो गृ॑हप॒तिर्द॑मै । उ॒त ब्र॒ह्मा नि॑ षीदति ४
वे॒षि ह्य॑ध्वरी॒यता॑ मु॒पव॑क्ता॒ जना॑नाम् । ह॒व्या च॒ मानु॑षाणाम् ५
वे॒षीद्व॑स्य दू॒त्यं॑ य॒स्य जु॑जौषो अ॒ध्वर॑म् । ह॒व्यं म॑र्त॒स्य वो॑ळ॒हवे॑ ६
अ॒स्माकं॑ जोष्य॒ध्वर॑ म॒स्माकं॑ य॒ज्ञम॑ङ्गिरः । अ॒स्माकं॑ शृ॒णु॒धी ह॑र्वम् ७
परि॑ ते दू॒ळभो॑ रथो॒ ऽस्माँ॑ अ॒श्नोतु॑ वि॒श्वतः॑ । ये॒न र॑क्ष॒सि दा॑शुषः ८

(६६) षट्षष्टितमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । अग्निर्देवता । (१-३)
प्रथमतृचस्य पदपङ्क्तिः (४, ६, ७) चतुर्थीषष्ठीसप्तमीनामृचां पदपङ्क्तिरुष्णिग्वा (५)

पञ्चम्या महापदपङ्क्तिः (८) अष्टम्याश्चोष्णिक छन्दांसि

अ॒ग्रे त॑म॒द्या ऽश्वं॑ न स्तो॒मैः क्र॑तुं न भ॒द्रं ह॑दि॒स्पृश॑म् । अ॒ध्यामा॑ त॒ ओहैः॑ १
अ॒धा ह्य॑ग्रे क्र॒तोर्भ॑द्रस्य॒ दक्ष॑स्य सा॒धोः । र॒थीर्ऋ॑तस्य॒ बृ॒हतो॑ ब॒भूथ॑ २

एभिर्नो अर्केर्भवा नो अर्वाङ् स्वर्णं ज्योतिः । अग्ने विश्वैभिः सुमना
अनीकैः ३

आभिष्टै अद्य गीर्भिर्गृणन्तो ऽग्ने दाशैम । प्र ते दिवो न स्तनयन्ति शुष्माः ४
तव स्वादिष्टा ऽग्ने संदृष्टि रिदा चिदहं इदा चिदुक्तोः । श्रिये रुक्मो न रौचत
उपाके ५

घृतं न पूतं तनूरैपाः शुचि हिरण्यम् । तत् ते रुक्मो न रौचत स्वधावः ६
कृतं चिद्धि ष्मा सनेमि द्वेषो ऽग्रं इनोषि मर्तात् । इत्था यजमानादृतावः ७
शिवा नः सख्या सन्तु भ्रात्रा ऽग्रै देवेषु युष्मे । सा नो नाभिः सदर्ने
सस्मिन्नूधन् ८

(६७) सप्तषष्ठितमं सूक्तम्

(१-६) षडृचस्यास्य सूक्तस्य गौतमो वामदेव ऋषिः । अग्निर्देवता । त्रिष्टुप् छन्दः
भद्रं ते अग्ने सहसिन्ननीकमुपाक आ रौचते सूर्यस्य ।
रुशद् दृशे ददृशे नक्तया चिदरूक्षितं दृश आ रूपे अन्नम् १
वि षाह्यग्ने गृणते मनीषां खं वेपसा तुविजातु स्तवानः ।
विश्वैभिर्यद् वावनः शुक्र देवैस्तन्नौ रास्व सुमहो भूरि मन्म २
त्वदग्ने काव्या त्वन्मनीषा स्त्वदुक्था जायन्ते राध्यानि ।
त्वदैति द्रविणं वीरपेशा इत्थाधिषे दाशुषे मर्त्याय ३
त्वद् वाजी वाजंभरो विहाया अभिष्टिकृज्जायते सत्यशुष्मः ।
त्वद् रयिर्देवजूतो मयो भुस्त्वदाशुर्जूजुवाँ अग्ने अर्वा ४
त्वामग्ने प्रथमं देवयन्तौ देवं मर्ता अमृत मन्द्रजिह्वम् ।
द्वेषोयुतमा विवासन्ति धीभिर्दमूनसं गृहपतिममूरम् ५
आरे अस्मदमतिमारे अंह आरे विश्वाँ दुर्मतिं यन्निपासि ।
दोषा शिवः सहसः सूनो अग्ने यं देव आ चित् सचसे स्वस्ति ६

(६८) अष्टषष्ठितमं सूक्तम्

(१-६) षडृचस्यास्य सूक्तस्य गौतमो वामदेव ऋषिः । अग्निर्देवता । त्रिष्टुप् छन्दः
यस्त्वामग्रं इनधते यतस्त्रुक् त्रिस्ते अन्नं कृणवत् सस्मिन्नहन् ।
स सु द्युमैरभ्यस्तु प्रसन्नत् तव क्रत्वा जातवेदश्चिकित्वान् १
इध्मं यस्तै जभरच्छ्रमाणो महो अग्ने अनीकमा संपर्यन् ।

स इधानः प्रति दोषामुषासं पुष्यन् रयिं सचते घ्नन्मित्रान् २
अग्निरीशे बृहतः क्षत्रियस्याग्निर्वाजस्य परमस्य रायः ।
दधाति रत्नं विधते यविष्ठो व्यानुषङ्घत्याय स्वधावान् ३
यच्चिद्धि तै पुरुषत्रा यविष्ठाऽचित्तिभिश्चकृमा कच्चिदागः ।
कृधी ष्वशस्माँ अदितेरनागान् व्येनासि शिश्रथो विष्वगग्रे ४
महश्चिदग्र एनसो अभीक ऊर्वाद् देवानामुत मत्यानाम् ।
मा ते सखायः सदमिद् रिषाम् यच्छां तोकाय तनयाय शं योः ५
यथा ह त्यद् वसवो गौर्यं चित् पदि षिताममुञ्चता यजत्राः ।
एवो ष्वशस्मन्मुञ्चता व्यंहः प्र तार्यग्रे प्रतरं न आयुः ६

(६६) एकोनसप्ततितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । अग्निर्लिङ्गोक्ता वा देवताः
। त्रिष्टुप् छन्दः

प्रत्यग्निरुषसामग्रमख्यद् विभातीनां सुमना रत्नधेयम् ।
यातमश्विना सुकृतौ दुरोणमुत् सूर्यो ज्योतिषा देव एति १
ऊर्ध्वं भानुं सविता देवो अश्रेद् द्रप्सं दविध्वद् गविषो न सत्वा ।
अनु वृतं वरुणो यन्ति मित्रो यत् सूर्यं दिव्यारोहयन्ति २
यं सीमकृणवन् तमसे विपृचै ध्रुवक्षेमा अनवस्यन्तो अर्थम् ।
तं सूर्यं हरितः सप्त यहीः स्पशं विश्वस्य जगतो वहन्ति ३
वहिष्ठेभिर्विहरन्यासि तन्तु मवव्ययन्नसितं देव वस्म ।
दविध्वतो रश्मयः सूर्यस्य चर्मेवावाधुस्तमो अप्स्वशन्तः ४
अनायतो अनिबद्धः कथायं न्यङ्ङुत्तानोऽव पद्यते न ।
कया याति स्वधया को ददर्श दिव स्कम्भः समृतः पाति नाकम् ५

(७०) सप्ततितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । अग्निर्लिङ्गोक्ता वा देवताः ।
त्रिष्टुप् छन्दः

प्रत्यग्निरुषसौ जातवैदा अख्यद् देवो रोचमाना महौभिः ।
आ नासत्योरुगाया रथेने मं यज्ञमुप नो यातमच्छ १
ऊर्ध्वं केतुं सविता देवो अश्रे ज्योतिर्विश्वस्मै भुवनाय कृणवन् ।

आप्रा द्यावापृथिवी अन्तरिक्षं वि सूर्यो रश्मिभिश्चेकितानः २
 आवहन्त्यरुणीज्योतिषागां न्मही चित्रा रश्मिभिश्चेकिताना ।
 प्रबोधयन्ती सुविताय देव्युष्णा इयते सुयुजा रथेन ३
 आ वां वहिष्ठा इह ते वहन्तु रथा अश्वास उषसो व्युष्टौ ।
 इमे हि वां मधुपेयाय सोमा अस्मिन् यज्ञे वृषणा मादयेथाम् ४
 अनायतो अनिबद्धः कथायं न्यङ्ङुत्तानोऽव पद्यते न ।
 कया याति स्वधया को ददर्श दिवः स्कम्भः समृतः पाति नाकम् ५

(७१) एकसप्ततितमं सूक्तम्

(१-१०) दशर्चस्यास्य सूक्तस्य गौतमो वामदेव ऋषिः । (१-६)
 प्रथमादिषड्चामग्निः (७-८) सप्तम्यष्टम्योः साहदेव्यः सोमकः (९-१०)
 नवमीदशम्योश्चाश्विनौ देवताः । गायत्री छन्दः
 अग्निर्होता नो अध्वरे वाजी सन् परि गीयते । देवो देवेषु यज्ञियः १
 परि त्रिविष्टयध्वरं यात्यग्नी रथीरिव । आ देवेषु प्रयो दधत् २
 परि वार्जपतिः कवि रग्निर्व्यान्यक्रमीत् । दधद् रत्नानि दाशुषे ३
 अयं यः सृञ्जये पुरो दैववाते समिध्यते । द्युमाँ अमित्रदम्भनः ४
 अस्य घा वीर ईवतो ऽग्नेरीशीतु मर्त्यः । तिग्मजम्भस्य मीळुषः ५
 तमर्वन्तं न सानसि मरुषं न दिवः शिशुम् । मर्मृज्यन्ते दिवेदिवे ६
 बोधद्यन्मा हरिभ्यां कुमारः साहदेव्यः । अच्छा न हूत उदरम् ७
 उत त्या यजता हरीं कुमारात् साहदेव्यात् । प्रयता सद्य आ ददे ८
 एष वां देवावश्विना कुमारः साहदेव्यः । दीर्घायुरस्तु सोमकः ९
 तं युवं दैवावश्विना कुमारं साहदेव्यम् । दीर्घायुषं कृणोतन १०

(७२) द्विसप्ततितमं सूक्तम्

(१-२१) एकविंशत्यृचस्यास्य सूक्तस्य गौतमो वामदेव ऋषिः । इन्द्रो देवता ।
 त्रिष्टुप् छन्दः
 आ सत्यो यातु मघवाँ ऋजीषी द्रवन्त्वस्य हरयु उपे नः ।
 तस्मा इदन्धः सुषुमा सुदक्ष मिहाभिपित्वं करते गृणानः १
 अर्वं स्य शूराध्वनो नान्ते ऽस्मिन् नौ अद्य सर्वने मन्दध्यै ।

शंसात्युक्थमुशनैव वेधाश्चिकितुषै असुर्याय मन्म २
 कविर्न निरयं विदथानि साधन् वृषा यत् सेकं विविपानो अर्चात् ।
 दिव इत्था जीजनत् सप्त कारू नह्ना चिच्चक्रुर्वयुना गृणन्तः ३
 स्वर्श्येद् वेदि सुदृशीकमर्के मर्हि ज्योती रुरुचुर्यद्ध वस्तोः ।
 अन्धा तमासि दुधिता विचक्षे नृभ्यश्चकार नृत्तमो अभिष्टौ ४
 ववृक्ष इन्द्रो अमितमृजी ष्युश्र्भे आ पप्रौ रोदसी महित्वा ।
 अर्तश्चिदस्य महिमा वि रे च्यभि यो विश्वा भुवना बभूव ५
 विश्वानि शक्रो नर्याणि विद्वा नपो रिरिच सखिभिर्निकामैः ।
 अश्मानं चिद् ये बिभिदुर्वचौभि र्वजं गोमन्तमुशिजो वि ववृः ६
 अपो वृत्रं वव्रिवांसं पराहन् प्रावत् ते वज्रं पृथिवी सचेताः ।
 प्राणांसि समुद्रियाण्यैनोः पतिर्भवञ्छवसा शूर धृष्णो ७
 अपो यदद्रिं पुरुहूत दर्द राविर्भुवत् सरमा पूर्व्यं तै ।
 स नो नेता वाजमा दर्षि भूरि गोत्रा रुजन्नङ्गिरोभिर्गृणानः ८
 अच्छा कविं नृमणो गा अभिष्टौ स्वर्षाता मघवन्नाधमानम् ।
 ऊतिभिस्तमिषणो द्युम्रहृतौ नि मायावानब्रह्मा दस्युरर्त ९
 आ दस्युघ्ना मनसा याह्यस्तं भुवत् ते कुत्सः सख्ये निकामः ।
 स्वे योनौ नि षदत् सरूपा वि वां चिकित्सदृत्चिद्ध नारी १०
 यासि कुत्सेन सरथमवस्यु स्तोदो वातस्य हर्योरीशानः ।
 ऋजा वाजं न गध्यं युयूषन् कविर्यदहन् पार्याय भूषात् ११
 कुत्साय शुष्णामशुषं नि बर्हीः प्रपित्वे अहः कुर्यवं सहस्त्रा ।
 सद्यो दस्युन् प्र मृण कुत्स्येन् प्र सूरश्चक्रं वृहतादभीके १२
 त्वं इंप्रुं मृगयं शूशवांसं मृजिश्चने वैदथिनाय रन्धीः ।
 पञ्चाशत् कृष्णा नि वपः सहस्त्रा ऽत्कं न पुरौ जरिमा वि दर्दः १३
 सूर उपाके तन्वंशं दधानो वि यत् ते चेत्यमृतस्य वर्षः ।
 मृगो न हस्ती तविषीमुषाणः सिंहो न भीम आर्युधानि बिभ्रत् १४
 इन्द्रं कामा वसूयन्तौ अग्मन् त्स्वर्मीळहे न सर्वने चकानाः ।
 श्रवस्यवः शशमानास उक्थै रोको न रगवा सुदृशीव पुष्टिः १५
 तमिद् व इन्द्रं सुहवं हुवेम यस्ता चकार नर्या पुरूणि ।
 यो मावते जरित्रे गध्यं चि न्मन्नु वाजं भरति स्पार्हराधाः १६
 तिग्मा यदन्तरशनिः पताति कस्मिञ्चिच्छूर मुहुके जनानाम् ।

घोरा यदर्यं समृतिर्भवा त्यध स्मा नस्तन्वो बोधि गोपाः १७
 भुवोऽविता वामदेवस्य धीनां भुवः सखावृको वाजसातौ ।
 त्वामनु प्रमतिमा जगन्मो रुशंसौ जरित्रे विश्वध स्याः १८
 एभिर्नृभिरिन्द्र त्वायुभिष्ठा मघवद्भिर्मघवन् विश्व आजौ ।
 द्यावो न द्युमैरभि सन्तो अर्यः क्षपो मदेम शरदश्च पूर्वीः १९
 एवेदिन्द्राय वृषभाय वृष्णे ब्रह्माकर्म भृगवो न रथम् ।
 नू चिद् यथा नः सख्या वियोषदसन्न उग्रोऽविता तनूपाः २०
 नू ष्टत इन्द्र नू गृणान इषं जरित्रे नद्योर् न पीपेः ।
 अकारि ते हरिवो ब्रह्म नव्यं धिया स्याम रथ्यः सदासाः २१

(७३) त्रिसप्ततितमं सूक्तम्

(१-२१) एकविंशत्यृचस्यास्य सूक्तस्य गौतमो वामदेव ऋषिः । इन्द्रो देवता ।

(१-१४, १६-२१) प्रथमादिचतुर्दशर्चा षोडश्यादिषण्णाञ्च त्रिष्टुप् (१५)

पञ्चदश्याश्चैकपदा विराट् छन्दसी

त्वं महां इन्द्र तुभ्यं हृ क्षा अनु क्षत्रं मंहना मन्यत द्यौः ।
 त्वं वृत्रं शर्वसा जघन्वान् त्सृजः सिन्धूरहिना जग्रसानान् १
 तव त्विषो जनिमन् रेजत द्यौ रेजद् भूमिर्भियसा स्वस्य मन्योः ।
 ऋघायन्त सुभ्वर्षः पर्वतासु आर्दन् धन्वानि सरयन्त आपः २
 भिनद् गिरिं शर्वसा वज्रमिष्णात्राविष्कृणवानः सहसान ओजः ।
 वधीद् वृत्रं वज्रेण मन्दसानः सर न्नापो जर्वसा हतवृष्णीः ३
 सुवीरस्ते जनिता मन्यत द्यौ रिन्द्रस्य कर्ता स्वपस्तमो भूत् ।
 य ई जजान स्वयं सुवज्र मनपच्युतं सदसो न भूम ४
 य एक इच्चयावर्यति प्र भूमा राजा कृष्टीनां पुरुहूत इन्द्रः ।
 सत्यमैनमनु विश्वे मदन्ति रातिं देवस्य गृणतो मघोनः ५
 सत्रा सोमा अभवन्नस्य विश्वे सत्रा मदासो बृहतो मदिष्ठाः ।
 सत्राभवो वसुपतिर्वसूनां दत्रे विश्वा अधिथा इन्द्र कृष्टीः ६
 त्वमधं प्रथमं जायमानो ऽमे विश्वा अधिथा इन्द्र कृष्टीः ।
 त्वं प्रति प्रवत आशयानुमहिं वज्रेण मघवन् वि वृश्चः ७
 सत्राहणं दार्धृषिं तुम्रमिन्द्रं महामपारं वृषभं सुवज्रम् ।
 हन्ता यो वृत्रं सनितोत वाजं दाता मघानि मघवा सुराधाः ८

अयं वृत्तश्चातयते समीचीर्य आजिषु मघवा शृणव एकः ।
 अयं वाजं भरति यं सनोत्यस्य प्रियासः सख्ये स्याम ६
 अयं शृणवे अध जयन्नुत घ्नन्नयमुत प्र कृणुते युधा गाः ।
 यदा सत्यं कृणुते मन्युमिन्द्रो विश्वं दृळ्हं भयत एजदस्मात् १०
 समिन्द्रो गा अजयत् सं हिरण्या समश्चिया मघवा यो हं पूर्वीः ।
 एभिर्नृभिर्नृतमो अस्य शाकै रायो विभक्ता सभरश्च वस्वः ११
 कियत् स्वदिन्द्रो अध्येति मातुः कियत् पितुर्जनितुर्यो जजान ।
 यो अस्य शुष्मं मुहुकैरियति वातो न जूतः स्तनयद्भिरभैः १२
 क्षियन्तं त्वमक्षियन्तं कृणोती यति रेणुं मघवा समोहम् ।
 विभञ्जनुरशनिमां इव द्यौ रूत स्तोतारं मघवा वसौ धात् १३
 अयं चक्रमिषणत् सूर्यस्य न्येतशं रीरमत् ससृमाणम् ।
 आ कृष्ण ई जुहुराणो जिघर्ति त्वचो बुधे रजसो अस्य योनौ १४
 असिक्न्यां यजमानो न होता १५
 गव्यन्त इन्द्रं सख्याय विप्रां अश्वायन्तो वृषणं वाजयन्तः ।
 जनीयन्तौ जनिदामक्षितोति मा च्यावयामोऽवृते न कोशम् १६
 त्राता नो बोधि ददृशान आपि रभिरख्याता मर्दिता सोम्यानाम् ।
 सखा पिता पितृतमः पितृणां कर्तुमु लोकमुशते वयोधाः १७
 सखीयतामविता बोधि सखा गृणान इन्द्र स्तुवृते वयो धाः ।
 वयं ह्या ते चकृमा सबाध आभिः शमीभिर्महयन्त इन्द्र १८
 स्तुत इन्द्रो मघवा यद्ध वृत्रा भूरीण्येको अप्रतीनि हन्ति ।
 अस्य प्रियो जरिता यस्य शर्म न्नकिर्देवा वारयन्ते न मर्ताः १९
 एवा न इन्द्रो मघवा विरप्शी करत् सत्या चर्षणीधृदनुर्वा ।
 त्वं राजा जनुषां धेह्यस्मे अधि श्रवो माहिनुं यज्रिरे २०
 नू ष्टुत इन्द्र नू गृणान इषं जरिरे नद्योर् न पीपेः ।
 अकारि ते हरिवो ब्रह्म नव्यं धिया स्याम रथ्यः सदासाः २१

(७४) चतुःसप्ततितमं सूक्तम्

(१-१३) त्रयोदशर्चस्यास्य सूक्तस्य (१) प्रथमर्च इन्द्रः (२-३, ४, ८-१३)
 द्वितीयातृतीययोर्धृतुर्थ्याः पूर्वार्धस्याष्टम्यादिषण्णाञ्च गौतमो वामदेव ऋषी (४, ५-
 ७) चतुर्थ्या उत्तरार्धस्य पञ्चम्यादितृचस्य चादितिर्ऋषिका । (१, ४, ५-७)

प्रथमर्चश्चतुर्थ्या उत्तरार्धस्य पञ्चम्यादितृचस्य च वामदेवः (२-३, ४, ८-१३)
 द्वितीयातृतीययोश्चतुर्थ्याः पूर्वार्धस्याष्टम्यादिषण्णाञ्चेन्द्रो देवते । त्रिष्टुप् छन्दः
 अयं पन्था अनुवित्तः पुराणो यतो देवा उदजायन्त विश्वे ।
 अतश्चिदा जनिषीष्ट प्रवृद्धो मा मातरममुया पत्तवे कः १
 नाहमतो निरया दुर्गहितत् तिरश्चता पार्श्वान्निर्गमाणि ।
 बहूनि मे अकृता कर्त्वानि युध्यै त्वेन सं त्वेन पृच्छै २
 परायतीं मातरमन्वचष्ट न नानु गान्यनु नू गमानि ।
 त्वष्टृगृहे अपिबत् सोममिन्द्रः शतधन्यं चम्बोः सुतस्य ३
 किं स ऋधक कृणवद् यं सहस्रं मासो जभारं शरदश्च पूर्वीः ।
 नही न्वस्य प्रतिमानमस्त्यन्तजतिषूत ये जनित्वाः ४
 अवद्यमिव मन्यमाना गुहाक रिन्द्रं माता वीर्येणा न्यृष्टम् ।
 अथोदस्थात् स्वयमत्कं वसान् आ रोदसी अपृणाज्जायमानः ५
 एता अर्षन्त्यललाभवन्ती ऋतावरीरिव संक्रोशमानाः ।
 एता वि पृच्छ किमिदं भनन्ति कमापो अद्रिं परिधिं रुजन्ति ६
 किमु श्विदस्मै निविदो भनन्ते न्द्रस्यावृद्यं दिधिषन्त आपः ।
 ममैतान् पुत्रो महता वधेन वृत्रं जघन्वाँ असृजद् वि सिन्धून् ७
 ममञ्चन त्वा युवतिः पुरासु ममञ्चन त्वा कुषवा जगारं ।
 ममञ्चिदापुः शिशवे ममृड्यु ममञ्चिदिन्द्रः सहस्रोदतिष्ठत् ८
 ममञ्चन ते मघवन् व्यसो निविविध्वाँ अप हनू जघानं ।
 अधा निविद्ध उत्तरो बभूवा जिह्रौ दासस्य सं इंपणगवधेन ९
 गृष्टिः संसूव स्थविरं तवागा मनाधृष्यं वृषभं तुम्रमिन्द्रम् ।
 अरीळहं वत्सं चरथाय माता स्वयं गातुं तन्व इच्छमानम् १०
 उत माता महिषमन्ववेन दमी त्वा जहति पुत्र देवाः ।
 अथाब्रवीद् वृत्रमिन्द्रो हनिष्यन् त्सखै विष्णो वितरं वि क्रमस्व ११
 कस्तै मातरं विधवामचक्र च्छयुं कस्त्वामजिघांसञ्चरन्तम् ।
 कस्तै देवो अधि माडीक आसीद् यत् प्राक्षिणाः पितरं पादगृह्यं १२
 अर्वत्या शुनं आन्त्राणि पेचे न देवेषु विविदे मर्दितारम् ।
 अपश्यं जायाममहीयमाना मर्धा मे श्येनो मध्वा जभार १३

षष्ठोऽध्यायः

व० १-३०

(७५) पञ्चसप्ततितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

एवा त्वामिन्द्र वज्रिन्नत्र विश्वे देवासः सुहवास ऊमाः ।
महामुभे रोदसी वृद्धमृष्वं निरेकमिद् वृणते वृत्रहत्ये १
अवासृजन्त जिव्रयो न देवा भुवः सम्राळिन्द्र सत्ययौनिः ।
अहन्नहिं परिशयानमर्णः प्र वर्तनीररदो विश्वधेनाः २
अतृप्णवन्तं वियतमबुध्यमबुध्यमानं सुषुपाणमिन्द्र ।
सप्त प्रति प्रवत आशयानमहिं वज्रेण वि रिणा अपर्वन् ३
अक्षौदयच्छवसा क्षाम बुध्नं वारण वातस्तविषीभिरिन्द्रः ।
दृळहान्यौभ्नादुशमान ओजो ऽवाभिनत् ककुभः पर्वतानाम् ४
अभि प्र दद्गुर्जनेयो न गर्भं रथा इव प्र ययुः साकमद्रयः ।
अतर्पयो विसृत उब्ज ऊर्मीन् त्वं वृताँ अरिणा इन्द्र सिन्धून् ५
त्वं महीमवनिं विश्वधेनां तुर्वीतये वय्याय चरन्तीम् ।
अरमयो नमसैजदर्णः सुतरणाँ अकृणोरिन्द्र सिन्धून् ६
प्रागुवो नभन्वोर्इ न वक्वा ध्वस्त्रा अपिन्वद् युवतीर्ऋतज्ञाः ।
धन्वान्यज्राँ अपृणक् तृषाणाँ अधोगिन्द्रः स्तर्योर्इ दंसुपतीः ७
पूर्वीरुषसः शरदश्च गूर्ता वृत्रं जघन्वाँ असृजद् वि सिन्धून् ।
परिष्ठिता अतृणद् बद्धधानाः सीरा इन्द्रः स्रवितवे पृथिव्या ८
वम्रीभिः पुत्रमगुवो अदानं निवेशनाद्धरिव आ जभर्थ ।
व्यशन्धो अख्यदहिमाददानो निर्भूदुखच्छित् समरन्त पर्व ९
प्र ते पूर्वाणि करणानि विप्रा ऽऽविद्वाँ आह विदुषे करांसि ।
यथायथा वृषयानि स्वगूर्ता ऽपांसि राजन् नर्याविवेषीः १०
नू ष्टत इन्द्र नू गृणान इषं जरित्रे नद्योर्इ न पीपेः ।
अकारि ते हरिवो ब्रह्म नव्यं धिया स्याम रथ्यः सदासाः ११

(७६) षट्सप्ततितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

आ न॒ इन्द्रो॑ दू॒रादा न॑ आ॒सा द॑भिष्टि॒कृद॑वसे यासदु॒ग्रः ।
 ओजि॑ष्ठेभिर्नु॒पति॑र्वज्र॒बाहुः स॒ंगे स॒मत्सु॑ तु॒र्वशिः॑ पृ॒तन्यून॑ १
 आ न॒ इन्द्रो॑ हरि॒भिर्या॑त्वच्छा॒ ऽर्वाची॑नोऽवसे राधसे च ।
 तिष्ठा॑ति व॒ज्री म॒घवा॑ वि॒रप्शी॑ मं य॒ज्ञमनु॑ नो वाजसातौ २
 इ॒मं य॒ज्ञं त्वम॒स्माक॑मिन्द्र॒ पुरो॑ दधत् स॒निष्य॑सि॒ क्रतुं॑ नः ।
 श्व॒घ्नीव॑ वज्रिन् त्स॒नये॑ ध॒र्नानां॑ त्वया॒ व॒यम॒र्य आ॒जिं ज॑येम ३
 उ॒शन्नु॑ षु॒ गः सु॒मना॑ उ॒पाके॑ सोमस्य॒ नु सु॑षु॒तस्य॑ स्वधावः ।
 पा इन्द्र॑ प्रतिभृतस्य॒ मध्वः॑ स॒मन्ध॑सा म॒मदः॑ पृ॒ष्ठयै॑न ४
 वि॒ यो र॑र॒प्श ऋ॑षिभिर्नवैभि॒र्वृ॒क्षो न॑ प॒क्वः सृ॑ग॒यो न॑ जेता ।
 म॒र्यो न॑ योषाम॒भि म॒न्यमा॑नो ऽच्छा॒ वि॒वक्मि॑ पुरु॒हूत॑मिन्द्रम् ५
 गि॒रिर्न॑ यः स्व॒तवाँ॑ ऋ॒ष्व इन्द्रः॑ स॒नादे॑व स॒हसे॑ जा॒त उ॒ग्रः ।
 आ॒द॒र्ता व॒ज्रं स्थ॑वि॒रं न॑ भीम उ॒दने॑व॒ कोशं॑ वसु॒ना न्यृ॑ष्टम् ६
 न॒ यस्य॑ व॒र्ता ज॒नुषा॑ न्वस्ति॒ न रा॑धस॒ आम॑री॒ता म॒घस्य॑ ।
 उ॒द्वावृ॑षाणस्त॒विषी॑व उ॒ग्रा स्म॒भ्यं द॒द्धि॑ पुरु॒हूत॑ रा॒यः ७
 ई॒क्षै रा॒यः क्ष॑यस्य च॒र्षणी॑ना॒ मुत॑ व॒ज्रम॑पव॒र्तासि॑ गो॒नाम् ।
 शि॒क्षान॑रः स॒मि॒थेषु॑ प्र॒हावा॑न् वस्वो॒ रा॒शिर्मा॑भिने॒तासि॑ भूरि॒म् ८
 क॒या तच्छृ॑ण्वे श॒च्या श॑चि॒ष्ठो यया॑ कृ॒णोति॑ मु॒हु का चि॑दृ॒ष्वः ।
 पुरु॑ दा॒शुषे॑ वि॒चयि॑ष्ठो अ॒हो ऽथा॑ दधा॒ति द्र॑वि॒णं ज॑रि॒त्रे ९
 मा नो॑ म॒र्धीरा॑ भ॒रा द॒द्धि तन्नः॑ प्र॒ दा॒शुषे॑ दा॒तवे॑ भूरि॒ यत् तै॑ ।
 नव्ये॑ दे॒ष्णे श॒स्ते अ॒स्मिन् त॑ उ॒क्थे॑ प्र॒ ब्र॑वाम॒ व॒यमिन्द्र॑ स्तुवन्तः १०
 नू॒ष्टुत॑ इन्द्र॒ नू॒ गृ॑णान॒ इषं॑ ज॒रि॒त्रे न॒द्योऽं॑ न पी॒पेः ।
 अ॒कारि॑ ते हरि॒वो ब्र॑ह्म॒ नव्यं॑ धि॒या स्या॑म॒ रथ्यः॑ सदा॒साः ११

(७७) सप्तसप्ततितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

आ या॒त्विन्द्रो॑ऽवस॒ उप॑ न इ॒ह स्तु॑तः स॒ध॒माद॑स्तु॒ शूरः॑ ।
 वा॒वृ॒धा॒नस्त॑वि॒षी॒र्यस्य॑ पू॒र्वी॒द्यौर्न॑ क्ष॒त्रम॑भिभूति॒ पुष्या॑त् १

तस्येदिह स्तवथ वृष्यानि तुविद्युमस्य तुविरार्धसो नृन् ।
यस्य क्रतुर्विदथ्योर् न सम्राट् साहान् तरुत्रो अभ्यस्ति कृष्टीः २
आ यात्विन्द्रो दिव आ पृथिव्या मन्नु समुद्रादुत वा पुरीषात् ।
स्वर्गरादवसे नो मरुत्वान् परावतो वा सदर्नादृतस्य ३
स्थूरस्य रायो बृहतो य ईशे तमु ष्टवाम विदथेष्विन्द्रम् ।
यो वायुना जयति गोमतीषु प्र धृष्ण्या नयति वस्यो अच्छ ४
उप यो नमो नमसि स्तभाय त्रियर्ति वाचं जनयन् यजध्वै ।
ऋञ्जसानः पुरुवारं उक्थै रेन्द्रं कृणवीतु सदर्नेषु होता ५
धिषा यदि धिषणयन्तः सरणयान् त्सदर्न्तो अद्रिमौशिजस्य गोहे ।
आ दुरोषाः पास्त्यस्य होता यो नो महान् त्संवरणेषु वह्निः ६
सत्रा यदी भार्वरस्य वृष्णः सिषक्ति शुष्मः स्तुवते भराय ।
गुहा यदीमौशिजस्य गोहे प्र यद् धिये प्रायसे मदाय ७
वि यद् वरांसि पर्वतस्य वृणवे पर्योभिर्जिन्वे अपां जवासि ।
विदद् गौरस्य गवयस्य गोहे यदी वाजाय सुध्योर् वहन्ति ८
भद्रा ते हस्ता सुकृतोत प्राणी प्रयन्तारां स्तुवते रार्ध इन्द्र ।
का ते निषक्तिः किमु नो ममत्सि किं नोदुदु हर्षसे दातुवा उ ९
एवा वस्व इन्द्रः सत्यः सम्रा इन्ता वृत्रं वरिवः पूरवे कः ।
पुरुष्टुत् क्रत्वा नः शग्धि रायो भन्नीय तेऽवसो दैव्यस्य १०
नू ष्टुत इन्द्र नू गृणान इषं जरित्रे नद्योर् न पीपेः ।
अकारि ते हरिवो ब्रह्म नव्यं धिया स्याम रथ्यः सदासाः ११

(७८) अष्टसप्ततितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

यन्न इन्द्रो जुजुषे यच्च वष्टि तन्नो महान् करति शष्म्या चित् ।
ब्रह्म स्तोमं मघवा सोममुक्था यो अश्मानं शर्वसा बिभ्रदेति १
वृषा वृषन्धिं चतुरश्रिमस्य नृग्रो बाहुभ्यां नृतमः शचीवान् ।
श्रिये परुष्णीमुषमाण ऊर्णा यस्याः पर्वाणि सख्यार्य विव्ये २
यो देवो देवर्तमो जायमानो महो वाजेभिर्महद्भिश्च शुष्मैः ।
दधानो वज्रं बाहोरुशन्तं द्याममेन रेजयत् प्र भूर्म ३

विश्वा रोधांसि प्रवतश्च पूर्वी द्यौर्ऋष्वाज्जनिमन् रेजत् क्षाः ।
 आ मातरा भरति शष्म्या गो नृवत् परिज्मन् नोनुवन्त वाताः ४
 ता तू तै इन्द्र महतो महानि विश्वेष्वित् सर्वनेषु प्रवाच्या ।
 यच्छूर धृष्णो धृषता दधृष्वा नहिं वज्रेण शवसाविवेषीः ५
 ता तू तै सत्या तुविनृम्ण विश्वा प्र धेनवः सिस्त्रते वृष्ण ऊर्ध्वः ।
 अर्धा ह त्वद् वृषमणो भियानाः प्र सिन्धवो जवसा चक्रमन्त ६
 अत्राह ते हरिवस्ता उ देवी रवोभिरिन्द्र स्तवन्त स्वसारः ।
 यत् सीमनु प्र मुचो बद्धधाना दीर्घामनु प्रसितिं स्यन्दयध्वै ७
 पिपीळे अंशुर्मद्यो न सिन्धु रा त्वा शमी शशमानस्य शक्तिः ।
 अस्मद्रथेक शुशुचानस्य यम्या आशुर्न रश्मिं तुव्योजसं गोः ८
 अस्मे वर्षिष्ठा कृणुहि ज्येष्ठा नृम्णानि सत्रा सहरे सहांसि ।
 अस्मभ्यं वृत्रा सुहनानि रन्धि जहि वर्धर्वनुषो मर्त्यस्य ९
 अस्माकमित् सु शृणुहि त्वमिन्द्राऽस्मभ्यं चित्राँ उप माहि वाजान् ।
 अस्मभ्यं विश्वा इषणः पुरंधी रस्माकं सु मघवन् बोधि गोदाः १०
 नू ष्टत इन्द्र नू गृणान इषं जरित्रे नद्योर् न पीपेः ।
 अकारि ते हरिवो ब्रह्म नव्यं धिया स्याम रथ्यः सदासाः ११

(७९) एकोनाशीतितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । (१-७, ११)
 प्रथमादिसप्तर्चामिकादश्याश्चेन्द्रः (८-१०) अष्टम्यादितृचस्येन्द्र ऋतं वा देवता ।

त्रिष्टुप् छन्दः

कथा महामवृधत् कस्य होतु र्यज्ञं जुषाणो अभि सोममूर्धः ।
 पिबन्नुशानो जुषमाणो अन्धो ववक्ष ऋष्वः शुचते धनाय १
 को अस्य वीरः सधमादमाप समानंश सुमतिभिः को अस्य ।
 कदस्य चित्रं चिकिते कदूती वृधे भुवच्छशमानस्य यज्योः २
 कथा शृणोति हूयमानमिन्द्रः कथा शृणवन्नवसामस्य वेद ।
 का अस्य पूर्वीरुपमातयो ह कथैर्नमाहुः पपुंरिं जरित्रे ३
 कथा सबाधः शशमानो अस्य नशदभि द्रविणं दीध्यानः ।
 देवो भुवन्नवेदा म ऋतानां नमो जगृभ्वाँ अभि यज्जुजौषत् ४
 कथा कदस्या उषसो व्युष्टौ देवो मर्तस्य सख्यं जुजोष ।

कथा कदस्य सख्यं सखिभ्यो ये अस्मिन् कामं सुयुजं तत्स्रे ५
 किमादमंत्रं सख्यं सखिभ्यः कदा नु तै भ्रात्रं प्र ब्रवाम ।
 श्रिये सुदृशो वपुरस्य सर्गाः स्वर्णं चित्रतममिषु आ गोः ६
 द्रुहं जिघांसन् ध्वरसमनिन्द्रां तेतिक्ते तिग्मा तुजसे अनीका ।
 ऋणा चिद् यत्र ऋणया न उग्रो दूरे अज्ञाता उषसौ बबाधे ७
 ऋतस्य हि शरुधः सन्ति पूर्वा ऋतस्य धीतिर्वृजिनानि हन्ति ।
 ऋतस्य श्लोको बधिरा ततर्द कर्णा बुधानः शचमान आयोः ८
 ऋतस्य दृळहा धरुणानि सन्ति पुरूणि चन्द्रा वपुषे वपुषि ।
 ऋतेन दीर्घमिषणन्त पृक्षं ऋतेन गावं ऋतमा विवेशुः ९
 ऋतं येमान ऋतमिद् वनोत्यु तस्य शुष्मस्तुरया उ गव्युः ।
 ऋताय पृथ्वी बहूले गभीरे ऋताय धेनू परमे दुहाते १०
 नू ष्टुत इन्द्र नू गृणान इषं जरित्रे नद्योर्इ न पीपेः ।
 अकारि ते हरिवो ब्रह्म नव्यं धिया स्याम रथ्यः सदासाः ११

(८०) अशीतितमं सूक्तम्

(१-११) एकादशर्वस्यास्य सूक्तस्य गौतमो वामदेव ऋषिः । इन्द्रो देवता । (१-
 ६, ११) प्रथमादिनवर्चामेकादश्याश्च त्रिष्टुप् (१०) दशम्याश्चानुष्टुप् छन्दसी
 का सुष्टुतिः शर्वसः सूनुमिन्द्रं मर्वाचीनं राधस आ ववर्तत् ।
 ददिर्हि वीरो गृणते वसूनि स गोपतिर्निषिधां नो जनासः १
 स वृत्रहत्ये हव्यः स ईड्यः स सुष्टुत इन्द्रः सत्यराधाः ।
 स यामन्ना मघवा मर्त्याय ब्रह्मण्यते सुष्वये वरिवो धात् २
 तमिन्नरो वि ह्वयन्ते समीके रिक्वांसस्तन्वः कृणवत् त्राम् ।
 मिथो यत् त्यागमुभयासो अग्नन् नरस्तोकस्य तनयस्य सातौ ३
 क्रतूयन्ति क्षितयो योग उग्रा ऽऽशुषाणासौ मिथो अर्णसातौ ।
 सं यद् विशोऽववृत्रन्त युध्मा आदिन्नेम इन्द्रयन्ते अभीके ४
 आदिद्ध नेम इन्द्रियं यजन्त आदित् पक्तिः पुरोळाशं रिरिच्यात् ।
 आदित् सोमो वि पपृच्यादसुष्वी नादिज्जुजोष वृषभं यजध्वै ५
 कृणोत्यस्मै वरिवो य इत्थेन्द्राय सोममुशते सुनोति ।
 सध्रीचीनेन मनसाविवेनन् तमित् सखायं कृणुते समत्सु ६
 य इन्द्राय सुनवत् सोममद्य पचात् पत्कीरुत भृजाति धानाः ।

प्रति मनायोरुचथानि हर्यन् तस्मिन् दधद् वृषणं शुष्ममिन्द्रः ७
 यदा समर्य व्यचेदृघावा दीर्घ यदाजिमभ्यख्यदर्यः ।
 अचिक्रदद् वृषणं पत्त्रच्छा दुरोण आ निशितं सोमसुद्धिः ८
 भूर्यसा वस्त्रमचरत् कनीयो ऽविक्रीतो अकानिषं पुनर्यन् ।
 स भूर्यसा कनीयो नारिरीचीद् दीना दक्षा वि दुहन्ति प्र वाणम् ९
 क इमं दशभिर्ममेन्द्रं क्रीणाति धेनुभिः ।
 यदा वृत्राणि जङ्घन दथैनं मे पुनर्ददत् १०
 नू ष्टत इन्द्र नू गृणान इषं जरित्रे नद्योर्ज्ञे न पीपेः ।
 अकारि ते हरिवो ब्रह्म नव्यं धिया स्याम रथ्यः सदासाः ११

(८१) एकाशीतितमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

को अद्य नर्यो देवकाम उशन्निन्द्रस्य सख्यं जुजोष ।
 को वा महेऽवसे पार्याय समिद्धे अग्रौ सुतसौम ईद्रे १
 को नानाम् वचसा सोम्याय मनायुर्वा भवति वस्त उस्त्राः ।
 क इन्द्रस्य युज्यं कः सखित्वं को भ्रात्रं वष्टि कवये क ऊती २
 को देवानामवो अद्या वृणीते क आदित्याँ अदितिं ज्योतिरीद्रे ।
 कस्याश्विनाविन्द्रो अग्निः सुतस्यां ऽशोः पिबन्ति मनसाविवेनम् ३
 तस्मा अग्निर्भरितः शर्म यंस जचोक पश्यात् सूर्यमुच्चरन्तम् ।
 य इन्द्राय सुनवामेत्याह नरे नर्याय नृतमाय नृणाम् ४
 न तं जिनन्ति ब्रहवो न दध्रा उर्वस्मा अदितिः शर्म यंसत् ।
 प्रियः सुकृत् प्रिय इन्द्रै मनायुः प्रियः सुप्रावीः प्रियो अस्य सोमी ५
 सुप्राव्यः प्राशषाळेष वीरः सुष्वैः पक्तिं कृणुते केवलेन्द्रः ।
 नासुष्वेरापिर्न सखा न जामि दुष्प्राव्योऽवहन्तेदवाचः ६
 न रेवता पणिना सख्यमिन्द्रो ऽसुन्वता सुतपाः सं गृणीते ।
 आस्य वेदः खिदति हन्ति नग्रं वि सुष्वये पक्तये केवलो भूत् ७
 इन्द्रं परेऽवरे मध्यमास इन्द्रं यान्तो ऽवसितास इन्द्रम् ।
 इन्द्रं क्षियन्त उत युध्यमाना इन्द्रं नरो वाजयन्तौ हवन्ते ८

(८२) द्व्यशीतितमं सूक्तम्

(१-७) सप्तर्चस्यास्य सूक्तस्य (१-३) प्रथमादितृचस्य गौतमो वामदेव इन्द्रो वा
(४-७) चतुर्थ्यादिचतसृणाञ्च गौतमो वामदेव ऋषिः । (१-३) प्रथमादितृचस्येन्द्र
आत्मा वा (४-७) चतुर्थ्यादिचतसृणाञ्च श्येनो देवते । त्रिष्टुप् छन्दः
अहं मनुर्भवं सूर्यश्चाऽहं कक्षीवाँ ऋषिरस्मि विप्रः ।
अहं कुत्समार्जुनेयं न्यूञ्जेऽहं कविरुशना पश्यता मा १
अहं भूमिमददामार्यायाऽहं वृष्टिं दाशुषे मर्त्याय ।
अहमपो अनयं वावशाना मर्म देवासो अनु केतमायन् २
अहं पुरौ मन्दसानो व्यैरं नव साकं नवतीः शम्बरस्य ।
शततमं वेश्यं सर्वताता दिवोदासमतिथिग्वं यदावम् ३
प्र सु ष विभ्यौ मरुतो विरस्तु प्र श्येनः श्येनेभ्य आशपत्वा ।
अचक्रया यत् स्वधया सुपर्णो हव्यं भरन्मनवे देवजुष्टम् ४
भरद् यदि विरतो वेविजानः पथोरुणा मनोजवा असर्जि ।
तूर्यं ययौ मधुना सोम्येनो त श्रवो विविदे श्येनो अत्र ५
ऋजीपी श्येनो ददमानो अंशं परावतः शकुनो मन्द्रं मदम् ।
सोमं भरद् दादृहाणो देवानान् दिवो अमुष्मादुत्तरादादाय ६
आदाय श्येनो अभरत् सोमं सहस्रं सर्वाँ अयुतं च साकम् ।
अत्रा पुरंधिरजहादराती मदे सोमस्य मूरा अमूरः ७

(८३) त्र्यशीतितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । (१-४) प्रथमादिचतुर्भृचां
श्येनः (५) पञ्चम्याश्च श्येन इन्द्रो वा देवता । (१-४) प्रथमादिचतुर्भृचां त्रिष्टुप्
(५) पञ्चम्याश्च शक्वरी छन्दसी
गर्भे नु सन्नन्वैषामवेद महं देवानां जनिमानि विश्वा ।
शतं मा पुर आर्यसीररक्षन्नर्धं श्येनो जवसा निरदीयम् १
न घा स मामप जोषं जभाराऽभीमास त्वक्षसा वीर्येण ।
ईर्मा पुरंधिरजहादराती रूत वार्ताँ अतरच्छूशुवानः २
अव यच्छयेनो अस्वनीदध द्यो वि यद् यदि वार्त ऊहः पुरंधिम् ।
सृजद् यदस्मा अव ह क्षिपज्यां कृशानुरस्ता मनसा भुरणयन् ३
ऋजिप्य ईमिन्द्रावतो न भुज्युं श्येनो जभार बृहतो अधि ष्णोः ।

अन्तः पतत् पतत्र्यस्य पूर्णं मधु यामनि प्रसितस्य तद् वेः ४
 अर्धं श्वेतं कलशं गोभिरक्तं मापिप्यानं मघवा शक्रमन्धः ।
 अध्वर्युभिः प्रयत्तं मध्वो अग्रमिन्द्रो मदायु प्रति धत् पिबध्यै शूरो मदायु
 प्रति धत् पिबध्यै ५

(८४) चतुरशीतितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । इन्द्र इन्द्रासोमौ वा देवते ।
 त्रिष्टुप् छन्दः

त्वा युजा तव तत् सोम सख्य इन्द्रो अपो मनवे सस्रुतस्क्रः ।
 अहन्नहिमरिणात् सप्त सिन्धु नपावृणोदपिहितेव खानि १
 त्वा युजा नि खिदत् सूर्यस्येन्द्रश्चक्रं सहसा सद्य इन्दो ।
 अधिष्णुना बृहता वर्तमानं महो द्रुहो अप विश्वायु धायि २
 अहन्निन्द्रो अदहदग्निरिन्दो पुरा दस्यून् मध्यंदिनादभीके ।
 दुर्गे दुरोगे क्रत्वा न यातां पुरू सहस्रा शर्वा नि बर्हीत् ३
 विश्वस्मात् सीमधमाँ इन्द्र दस्यून् विशो दासीरकृणोरप्रशस्ताः ।
 अबाधेथाममृणत्तं नि शत्रू नविन्देथामपचितिं वधत्रैः ४
 एवा सत्यं मघवाना युवं त दिन्द्रश्च सोमोर्वमश्चयं गोः ।
 आददृत्तमपिहितान्यश्नां रिरिचथुः चाश्चित् ततृदाना ५

(८५) पञ्चाशीतितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । इन्द्रो देवता ।
 त्रिष्टुप् छन्दः

आ नः स्तुत उप वाजैभिरूती इन्द्र याहि हरिभिर्मन्दसानः ।
 तिरश्चिदर्यः सर्वना पुरूशयां द्रुषेभिर्गृणानः सत्यराधाः १
 आ हि ष्मा याति नर्यश्चिकित्वान् हूयमानः सोतृभिरुप यज्ञम् ।
 स्वश्चो यो अभीरुर्मन्यमानः सुष्वाणेभिर्मदति सं ह वीरैः २
 श्रावयेदस्य कर्णा वाजयध्यै जुष्टामनु प्र दिशं मन्दयध्यै ।
 उद्वावृषाणो राधसे तुविष्मान् करन्न इन्द्रः सुतीर्थाभयं च ३
 अच्छा यो गन्ता नाधमानमूती इत्था विप्रं हवमानं गृणन्तम् ।
 उप त्मनि दधानो धुर्यांशून् त्सहस्राणि शतानि वज्रबाहुः ४

त्वोतासो मघवन्निन्द्र विप्रा वयं तै स्याम सूरयो गृणन्तः ।
भेजानासो बृहद्विवस्य राय आकाय्यस्य दावने पुरुक्षोः ५

(८६) षडशीतितमं सूक्तम्

(१-२४) चतुर्विंशत्यृचस्यास्य सूक्तस्य गौतमो वामदेव ऋषिः । (१-८, १२-२४)
प्रथमाद्यष्टर्चा द्वादश्यादित्रयोदशानाञ्चेन्द्रः (९-११) नवम्यादितृचस्य चेन्द्रोषसौ देवते
। (१-७, ९-२३) प्रथमादिसप्तर्चा नवम्यादिपञ्चदशानाञ्च गायत्री (८, २४)

अष्टमीचतुर्विंशयोश्चानुष्टुप् छन्दसी

नकिरिन्द्र त्वदुत्तरो न ज्यायाँ अस्ति वृत्रहन् । नकिरेवा यथा त्वम् १
सत्रा ते अनु कृष्टयो विश्वा चक्रेव वावृतुः । सत्रा म्हाँ असि श्रुतः २
विश्वे चनेदना त्वा देवास इन्द्र युयुधुः । यदहा नक्तमातिरः ३
यत्रोत बाधितेभ्यश्चक्रं कुत्साय युध्यते । मुषाय इन्द्र सूर्यम् ४
यत्र देवाँ ऋषायतो विश्वाँ अयुध्य एक इत् । त्वमिन्द्र वनूरहन् ५
यत्रोत मर्त्याय क मरिणा इन्द्र सूर्यम् । प्रावः शचीभिरेतशम् ६
किमादुतासि वृत्रहन् मघवन् मन्युमत्तमः । अत्राह दानुमातिरः ७
एतद् घेदुत वीर्यश्मिन्द्र चकर्थ पौंस्यम् । स्त्रियं यद् दुर्हणायुवं वधीर्दुहितरं
दिवः ८

दिवश्चिद् घा दुहितरं महान् महीयमानाम् । उषासमिन्द्र सं इंपणक् ९
अपोषा अनसः सरत् संइंपष्टादहं बिभ्युषी । नि यत् सीं शिश्नथद् वृषा १०
एतदस्या अनसः शये सुसंइंपष्टं विपाश्या । ससारं सीं परावतः ११
उत सिन्धुं विबाल्यं वितस्थानामधि क्षमि । परिं ष्टा इन्द्र मायया १२
उत शुष्णास्य धृष्णुया प्र मृक्षो अभि वेदनम् । पुरो यदस्य सं इंपणक् १३
उत दासं कौलितरं बृहतः पर्वतादधि । अवाहनिन्द्र शम्बरम् १४
उत दासस्य वर्चिनः सहस्राणि शतावधीः । अधि पञ्च प्रधीरिव १५
उत त्यं पुत्रमगुवः परावृक्तं शतक्रतुः । उक्थेष्विन्द्र आर्भजत् १६
उत त्या तुर्वशायद् अस्नातारा शचीपतिः । इन्द्रो विद्राँ अपारयत् १७
उत त्या सद्य आर्या सरयोरिन्द्र पारतः । अर्णाचित्ररथावधीः १८
अनु द्वा जहिता नयो ऽन्धं श्रोणं च वृत्रहन् । न तत् तै सुम्रमष्टवे १९
शतमश्मन्मयीनां पुरामिन्द्रो व्यास्यत् । दिवोदासाय दाशुषे २०
अस्वापयद् दभीतये सहस्रा त्रिंशतं हथैः । दासानामिन्द्रो मायया २१

स घेदुतासि वृत्रहन् त्समान इन्द्र गोपतिः । यस्ता विश्वानि चिच्युषे २२
उत नूनं यदिन्द्रियं करिष्या इन्द्र पौंस्यम् । अद्या नकिष्टदा मिनत् २३
वामं वामं त आदुरे देवो ददात्वयमा । वामं पूषा वामं भगौ वामं देवः
करूळती २४

(८७) सप्ताशीतितमं सूक्तम्

(१-१५) पञ्चदशर्चस्यास्य सूक्तस्य गौतमो वामदेव ऋषिः । इन्द्रो देवता । (१-
२, ४-१५) प्रथमाद्वितीययोर्ऋचोश्चतुर्थ्यादिद्वादशानाञ्च गायत्री (३) तृतीयायाश्च
पादनिचृच्छन्दसी

कया नश्चित्र आ भुव दूती सदावृधः सर्वा । कया शचिष्ठया वृता १
कस्त्वा सत्यो मदानां मंहिष्ठो मत्सदन्धसः । दृळहा चिदारुजे वसु २
अभी षु णः सर्वाणा मविता जरितृणाम् । शतं भवास्युतिभिः ३
अभी न आ ववृत्स्व चक्रं न वृत्तमवतः । नियुद्धिश्चर्षणीनाम् ४
प्रवता हि क्रतूना मा हा पदेव गच्छसि । अभन्ति सूर्ये सचा ५
सं यत् ते इन्द्र मन्यवः सं चक्राणि दधन्विरे । अध त्वे अध सूर्ये ६
उत स्मा हि त्वामाहुरिन्मघवानं शचीपते । दातारमविदीधयुम् ७
उत स्मा सद्य इत् परि शशमानाय सुन्वते । पुरु चिन्महसे वसु ८
नहि ष्मा ते शतं चन राधो वरन्त आमुरः । न च्यौत्नानि करिष्यतः ९
अस्माँ अवन्तु ते शत मस्मान् त्सहस्रमूतयः । अस्मान् विश्वा अभिष्टयः १०
अस्माँ इहा वृणीष्व सख्याय स्वस्तये । महो राये दिवित्मते ११
अस्माँ अविद्धि विश्वहेन्द्र राया परीणसा । अस्मान् विश्वाभिरूतिभिः १२
अस्मभ्यं ताँ अपा वृधि ब्रजाँ अस्तैव गोमतः । नवाभिरिन्द्रोतिभिः १३
अस्माकं धृष्णुया रथौ द्युमाँ इन्द्रानपच्युतः । गव्युरश्वयुरीयते १४
अस्माकमुत्तमं कृधि श्रवो देवेषु सूर्य । वर्षिष्ठं द्यामिवोपरि १५

(८८) अष्टाशीतितमं सूक्तम्

(१-२४) चतुर्विंशत्यृचस्यास्य सूक्तस्य गौतमो वामदेव ऋषिः । (१-२२)
प्रथमादिद्वाविंशत्यृचामिन्द्रः (२३-२४) त्रयोविंशीचतुर्विंशयोश्चेन्द्रस्याश्वौ देवताः ।
गायत्री छन्दः

आ तू न इन्द्र वृत्रह न्नास्माकमूर्धमा गहि । महान् महीभिरूतिभिः १

भूमिश्चिद् घासि तूतुजि रा चित्र चित्रिणीष्वा । चित्रं कृणोष्युतये २
दध्रेभिश्चिच्छशीयांसं हंसि ब्राधन्तमोजसा । सखिभिर्ये त्वे सचा ३
वयमिन्द्र त्वे सचा वयं त्वाभि नौनुमः । अस्माँअस्माँ इदुदव ४
स नश्चित्राभिरद्विवो ऽनवृद्याभिरूतिभिः । अनाधृष्टाभिरा गहि ५
भूयामो षु त्वावतः सखाय इन्द्र गोमतः । युजो वाजायु घृष्वये ६
त्वं ह्येक ईशिष इन्द्र वाजस्य गोमतः । स नो यन्धि महीमिषम् ७
न त्वा वरन्ते अन्यथा यद् दित्ससि स्तुतो मघम् । स्तोतृभ्य इन्द्र गिर्वणः ८
अभि त्वा गोतमा गिरा ऽनूषत प्र दावने । इन्द्र वाजायु घृष्वये ९
प्र ते वोचाम वीर्याइ या मन्दसान आरुजः । पुरो दासीरभीत्य १०
ता ते गृणन्ति वेधसो यानि चकथ पौस्या । सुतेष्विन्द्र गिर्वणः ११
अवीवृधन्त गोतमा इन्द्र त्वे स्तोमवाहसः । ऐषु धा वीरवद् यशः १२
यच्चिद्धि शश्वतामसीन्द्र साधारणस्त्वम् । तं त्वा वयं हवामहे १३
अर्वाचीनो वसो भवा ऽस्मे सु मत्स्वान्धसः । सोमानामिन्द्र सोमपाः १४
अस्माकं त्वा मतीना मा स्तोम इन्द्र यच्छतु । अर्वागा वर्तया हरी १५
पुरोळाशं च नो घसो जोषयासे गिरश्च नः । वधूयुरिव योषणाम् १६
सहस्रं व्यतीनां युक्तानामिन्द्रमीमहे । शतं सोमस्य खार्यः १७
सहस्रां ते शता वयं गवामा च्यावयामसि । अस्मत्रा राध एतु ते १८
दशं ते कलशानां हिरणयानामधीमहि । भूरिदा असि वृत्रहन् १९
भूरिदा भूरि देहि नो मा दध्नं भूर्या भर । भूरि घेदिन्द्र दित्ससि २०
भूरिदा ह्यसि श्रुतः पुरुत्रा शूर वृत्रहन् । आ नो भजस्व राधसि २१
प्र ते बभू विचक्षणं शंसामि गोषणो नपात् । माभ्यां गा अनु शिश्रथः २२
कनीनकेव विद्रुधे नवे द्रुपदे अर्भके । बभू यामेषु शोभेते २३
अरं म उस्त्रयाम्णे ऽरमनुस्त्रयाम्णे । बभू यामेष्वस्त्रिधा २४

(८६) एकोननवतितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । ऋभवो देवताः ।

त्रिष्टुप् छन्दः

प्र ऋभुभ्यो दूतमिव वाचमिष्य उपस्तिरे श्वैतरीं धेनुमीळे ।
ये वार्तजूतास्तरणिभिरेवैः परि द्यां सद्यो अपसौ बभूवुः १

यदा॒रम॒क्र॒भृ॒भ॒वः॑ पि॒तृ॒भ्यां॑ परि॒विष्टी॑ वेष॒णां॑ दुं॒सना॑भिः ।
 आदि॒द् दे॒वाना॑मुप॒ सख्य॑मा॒यन् धी॑रा॒सः पु॒ष्टि॒मव॑हन् म॒नायै॑ २
 पु॒नर्यै॑ च॒क्रुः पि॒तरा॑ यु॒वाना॑ स॒ना यू॒पैव॑ ज॒रणा॑ श॒या॒ना ।
 ते वा॒जो वि॒भ्वाँ ऋ॒भुरि॒न्द्र॒वन्तो॑ मधु॒प्सर॑सो नोऽव॒न्तु य॒ज्ञम् ३
 यत् सं॒वत्स॑मृ॒भवो॑ गा॒मरं॑ ज्ञान् यत् सं॒वत्स॑मृ॒भवो॑ मा अपि॑शन् ।
 यत् सं॒वत्स॑म॒भर॑न् भा॒सो अ॒स्या स्ता॑भिः श॒मी॒भिर॑मृ॒तत्व॑मा॒शुः ४
 ज्येष्ठ॑ आ॒ह च॒मसा॑ द्वा क॒रेति॑ क॒नीया॑न् त्रीन् कृ॒णवा॑मेत्या॒ह ।
 क॒निष्ठ॑ आ॒ह च॒तुर॑स्करेति॒ त्वष्ट॑ ऋ॒भव॑स्तत् प॒नय॑द् वचो॑ वः ५
 स॒त्यमू॑चु॒ररं॑ ए॒वा हि च॒क्रु र॑नु॒ स्व॒धामृ॑भवो॒ जग्मु॑रेताम् ।
 वि॒भ्राज॑मानांश्च॒मसाँ॑ अ॒हेवा॑ ऽवै॒न्त् त्वष्टा॑ च॒तुरो॑ ददृ॒श्वान् ६
 द्वाद॑श॒ द्यून् यद॑गौ॒ह्यस्या॑ ऽऽति॒थ्ये र॑ण॒भृभ॑वः स॒सन्तः॑ ।
 सु॒क्षेत्रा॑कृ॒णव॑न्न॒यन्त॑ सि॒न्धून् ध॒न्वाति॑ष्ठ॒न्नोष॑धी॒र्निघ्न॑मा॒पः ७
 रथं॑ ये च॒क्रुः सु॒वृत् न॑रे॒ष्ठां ये धे॑नुं वि॒श्वजु॑र्व॒ विश्व॑रूपाम् ।
 त आ॑ त॒क्षन्त्वृ॑भवो॒ रयि॑न् नः स्व॒वसः॑ स्व॒पसः॑ सु॒हस्ताः॑ ८
 अपो॑ ह्यै॒षाम॑जु॒षन्त॑ दे॒वा अ॒भि क्र॑त्वा॒ मन॑सा॒ दी॒ध्या॒नाः ।
 वा॒जो दे॒वाना॑म॒भवत् सु॑कर्मे॒न्द्रस्य॑ ऋ॒भुक्षा॑ वरु॒णस्य॑ वि॒भ्वा ९
 ये हरी॑ मे॒धयो॑वथा म॒दन्त॑ इन्द्रा॒य च॒क्रुः सु॒युजा॑ ये अ॒श्वा ।
 ते रा॒यस्पोषं॑ द्रवि॒णान्य॑स्मे ध॒त्त ऋ॑भवः क्षे॒मय॑न्तो न मि॒त्रम् १०
 इदा॑हः पी॒तिमु॑त् वो म॒दं धु॑र्न ऋ॒ते श्रान्त॑स्य॒ सख्या॑य॒ देवाः॑ ।
 ते नून॑म॒स्मे ऋ॑भवो॒ वसू॑नि तृती॒र्यै अ॒स्मिन् त्स॑र्व॒ने द॑धात् ११

(६०) नवतितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । ऋभवो देवताः ।

त्रिष्टुप् छन्दः

ऋ॒भुर्वि॒भ्वा वा॒ज इन्द्रो॑ नो अ॒च्छे मं॑ य॒ज्ञं र॑त्न॒धेयो॑प॒ यात् ।
 इ॒दा हि॑ वो धि॒षणा॑ दे॒व्यहा॑ म॒धात् पी॑तिं सं म॒दा अ॒ग्मता॑ वः १
 वि॒दाना॑सो जन्म॒नो वा॒जर॑त्वा उ॒त ऋ॒तुभि॑र्ऋ॒भवो॑ मा॒दय॑ध्वम् ।
 सं वो॑ म॒दा अ॒ग्मत् सं॑ पु॒रंधिः॑ सु॒वीरा॑म॒स्मे र॒यिमे॑र॒यध्वम् २
 अ॒यं वो॑ य॒ज्ञ ऋ॑भवोऽका॒रि॒ यमा॑ म॒नुष्व॑त् प्र॒दिवो॑ दधि॒ध्वे ।
 प्र वो॑च्छा॒ जुजु॑षा॒णासो॑ अ॒स्थु र॑भू॒त विश्वे॑ अ॒ग्रियो॑त् वा॒जाः ३

अभूदु वो विधते रत्नधेयं मिदा नरो दाशुषे मर्त्याय ।
 पिबत वाजा ऋभवो ददे वो महि तृतीयं सर्वनं मदाय ४
 आ वाजा यातोपे न ऋभुक्षा महो नरो द्रविणसो गृणानाः ।
 आ वः पीतयोऽभिपित्वे अह्ना मिमा अस्तं नवस्व इव गमन् ५
 आ नपातः शवसो यातनोपे मं यज्ञं नमसा हूयमानाः ।
 सजोषसः सूरयो यस्य च स्थ मध्वः पात रत्नधा इन्द्रवन्तः ६
 सजोषा इन्द्र वरुणेन सोमं सजोषाः पाहि गिर्वणो मरुद्भिः ।
 अग्रेपाभिर्ऋतुपाभिः सजोषा ग्रास्पतीभी रत्नधाभिः सजोषाः ७
 सजोषस आदित्यैर्मादयध्वं सजोषस ऋभवः पर्वतेभिः ।
 सजोषसो दैव्यैना सवित्रा सजोषसः सिन्धुभी रत्नधेभिः ८
 ये अश्विना ये पितरा य ऊती धेनुं ततद्भुर्ऋभवो ये अश्वी ।
 ये असत्रा य ऋधग्रोदसी ये विभवो नरः स्वपत्यानि चक्रुः ९
 ये गोमन्तं वाजवन्तं सुवीरं रयिं धत्थ वसुमन्तं पुरुक्षुम् ।
 ते अग्रेपा ऋभवो मन्दसाना अस्मे धत्त ये च रातिं गृणन्ति १०
 नापाभूत् न वोऽतीतृषामाऽनिःशस्ता ऋभवो यज्ञे अस्मिन् ।
 समिन्द्रेण मदथ सं मरुद्भिः सं राजभी रत्नधेयाय देवाः ११

(६१) एकनवतितमं सूक्तम्

(१-६) नवर्चस्यास्य सूक्तस्य गौतमो वामदेव ऋषिः । ऋभवो देवताः ।

त्रिष्टुप् छन्दः

इहोप यात शवसो नपातः सौधन्वना ऋभवो माप भूत ।
 अस्मिन् हि वः सर्वने रत्नधेयं गमन्त्विन्द्रमनु वो मदासः १
 आगन्नुभूणामिह रत्नधेयमभूत् सोमस्य सुषुतस्य पीतिः ।
 सुकृत्या यत् स्वपस्यया चँ एकं विचक्र चमसं चतुर्धा २
 व्यकृणोत् चमसं चतुर्धा सखे वि शिद्धेत्यब्रवीत् ।
 अथैत वाजा अमृतस्य पन्थां गृणं देवानामृभवः सुहस्ताः ३
 किंमयः स्विच्चमस एष आस यं काव्येन चतुरौ विचक्र ।
 अथा सुनुध्वं सर्वनं मदाय पात ऋभवो मधुनः सोम्यस्य ४
 शच्याकर्त पितरा युवाना शच्याकर्त चमसं देवपानम् ।
 शच्या हरी धनुतरावतष्टे न्द्रवाहावृभवो वाजरत्नाः ५

यो वः सुनोत्यभिपित्वे अर्ह्वा तीव्रं वाजासः सर्वान् मदाय ।
 तस्मै रयिमृभवः सर्ववीरमा तक्षत वृषणो मन्दसानाः ६
 प्रातः सुतमपिबो हर्यश्च माध्यदिनं सर्वान् केवलं ते ।
 समृभुभिः पिबस्व रत्नधेभिः सर्वायाँ इन्द्र चकृषे सुकृत्या ७
 ये देवासो अभवता सुकृत्या श्येना इवेदधि दिवि निषेद ।
 ते रत्नं धात शवसो नपातः सौधन्वना अभवतामृतासः ८
 यत् तृतीयं सर्वानं रत्नधेयु मकृणुध्वं स्वपस्या सुहस्ताः ।
 तदृभवः परिषिक्तं व एतत् सं मदैभिरिन्द्रियेभिः पिबध्वम् ९

(६२) द्विनवतितमं सूक्तम्

(१-६) नवर्चस्यास्य सूक्तस्य गौतमो वामदेव ऋषिः । ऋभवो देवताः । (१-८)

प्रथमाद्यष्टर्चा जगती (६) नवम्याश्च त्रिष्टुप् छन्दसी

अनश्चो जातो अनभीशुरुक्थ्योऽ रथस्त्रिचक्रः परि वर्तते रजः ।
 महत् तद् वो देव्यस्य प्रवाचनं द्यामृभवः पृथिवीं यच्च पुष्यथ १
 रथं ये चक्रुः सुवृतं सुचेतसो ऽविह्वरन्तं मनसस्परि ध्यया ।
 ताँ ऊ न्वशस्य सर्वानस्य पीतय आ वो वाजा ऋभवो वेदयामसि २
 तद् वो वाजा ऋभवः सुप्रवाचनं देवेषु विभवो अभवन्महित्वनम् ।
 जिब्री यत् सन्ता पितरा सनाजुरा पुनर्युवाना चरथाय तक्षथ ३
 एकं वि चक्र चमसं चतुर्वयं निश्चर्मणो गामरिणीत धीतिभिः ।
 अथा देवेष्वमृतत्वमानश श्रुष्टी वाजा ऋभवस्तद् व उक्थ्यम् ४
 ऋभुतो रयिः प्रथमश्रवस्तमो वाजश्रुतासो यमजीजनन् नरः ।
 विभ्वतष्टो विदथेषु प्रवाच्यो यं देवासोऽवथा स विचर्षणिः ५
 स वाज्यर्वा स ऋषिर्वचस्यया स शूरो अस्ता पृतनासु दुष्टरः ।
 स रायस्पोषं स सुवीर्यं दधे यं वाजो विभ्वाँ ऋभवो यमाविषुः ६
 श्रेष्ठं वः पेशो अधि धायि दर्शतं स्तोमो वाजा ऋभवस्तं जुजुष्टन ।
 धीरासो हि ष्ठा क्वयौ विपश्चित्स्तान् व एना ब्रह्मणा वेदयामसि ७
 यूयमस्मभ्यं धिषणाभ्यस्परि विद्वांसो विश्वा नर्याणि भोजना ।
 द्युमन्तं वाजं वृषशुष्ममुत्तममा नो रयिमृभवस्तक्षता वयः ८
 इह प्रजामिह रयिं रराणा इह श्रवो वीरवत् तक्षता नः ।
 येन वयं चितयेमात्यन्यान् तं वाजं चित्रमृभवो ददा नः ९

(६३) त्रिनवतितमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । ऋभवो देवताः । (१-४)

प्रथमादिचतुर्ऋचां त्रिष्टुप् (५-८) पञ्चम्यादिचतसृणाञ्चानुष्टुप् छन्दसी
उप नो वाजा अध्वरमृभुक्षा देवा यात पृथिभिर्देवयानैः ।
यथा यज्ञं मनुषो विद्वान्सु दधिध्वे रणवाः सुदिनेष्वहाम् १
ते वो हृदे मनसे सन्तु यज्ञा जुष्टासो अद्य घृतनिर्णिजो गुः ।
प्र वः सुतासौ हरयन्त पूर्णाः क्रत्वे दक्षाय हर्षयन्त पीताः २
त्र्युदायं देवहितं यथा वः स्तोमो वाजा ऋभुक्षणो ददे वः ।
जुह्वे मनुष्वदुपरासु विद्वु युष्मे सचा बृहद्विवेषु सोमम् ३
पीवोअश्वाः शुचद्रथा हि भूता ऽयःशिप्रा वाजिनः सुनिष्काः ।
इन्द्रस्य सूनो शवसो नपातो ऽनु वञ्चेत्यग्रियं मदाय ४
ऋभुमृभुक्षणो रयिं वाजै वाजिन्तमं युजम् ।
इन्द्रस्वन्तं हवामहे सदासातममश्विनम् ५
सेदृभवो यमवथ यूयमिन्द्रश्च मर्त्यम् ।
स धीभिरस्तु सनिता मेधसाता सो अर्वता ६
वि नो वाजा ऋभुक्षणः पृथश्चितनु यष्टवे ।
अस्मभ्यं सूरयः स्तुता विश्वा आशास्तरिषणि ७
तं नो वाजा ऋभुक्षण इन्द्र नासत्या रयिम् ।
समश्वं चर्षणिभ्य आ पुरु शस्त मघत्तये ८

(६४) चतुर्नवतितमं सूक्तम्

(१-१०) दशर्चस्यास्य सूक्तस्य गौतमो वामदेव ऋषिः । (१) प्रथमर्चो
द्यावापृथिव्यौ (२-१०) द्वितीयादिनवानाञ्च दधिक्रा देवताः । त्रिष्टुप् छन्दः
उतो हि वां दात्रा सन्ति पूर्वा या पूरुभ्यस्त्रसदस्युर्नितोशे ।
क्षेत्रासां ददथुरुर्वरासां घनं दस्युभ्यो अभिभूतिमुग्रम् १
उत वाजिनं पुरुनिष्विध्वानं दधिक्रामुं ददथुर्विश्वकृष्टिम् ।
ऋजिप्यं श्येनं प्रुषितप्सुमाशुं चर्कृत्यमर्यो नृपतिं न शूरम् २
यं सीमनु प्रवतैव द्रवन्तं विश्वः पूरुर्मदति हर्षमाणः ।
पडिभर्गृध्यन्तं मेधयुं न शूरं रथतुरं वार्तमिव ध्रजन्तम् ३
यः स्मारुन्धानो गध्यां समत्सु सनुतरश्चरति गोषु गच्छन् ।

आविर्ऋजीको विदथा निचिक्यत् तिरो अरतिं पर्यापं आयोः ४
 उत स्मैनं वस्त्रमथिं न तायु मनु क्रोशन्ति क्षितयो भरेषु ।
 नीचार्यमानं जसुरिं न श्येनं श्रवश्चाच्छा पशमच्च यूथम् ५
 उत स्मासु प्रथमः सरिष्यन् नि वैवेति श्रेणिभी रथानाम् ।
 स्रजं कृशवानो जन्यो न शुभ्वा रेणुं रेरिहत् किरणं ददश्वान् ६
 उत स्य वाजी सहुरिर्ऋतावा शुश्रूषमाणस्तन्वा समर्ये ।
 तुरं यतीषु तुरयन्नृजिप्यो ऽधि भ्रुवोः किरते रेणुमृञ्जन् ७
 उत स्मास्य तन्यतोरिव द्यो ऋघायतो अभियुजौ भयन्ते ।
 यदा सहस्रमभि षीमयोधीद् दुर्वतुः स्मा भवति भीम ऋञ्जन् ८
 उत स्मास्य पनयन्ति जना जूतिं कृष्टिप्रो अभिभूतिमाशोः ।
 उतैनमाहुः समिथे वियन्तः परा दधिक्रा असरत् सहस्रैः ९
 आ दधिक्राः शवसा पञ्च कृष्टीः सूर्य इव ज्योतिषापस्ततान् ।
 सहस्रसाः शतसा वाज्यर्वा पृणक्तु मध्वा समिमा वर्चासि १०

(६५) पञ्चनवतितमं सूक्तम्

(१-६) षडृचस्यास्य सूक्तस्य गौतमो वामदेव ऋषिः । दधिक्रा देवता । (१-५)

प्रथमादिपञ्चर्चा त्रिष्टुप् (६) षष्ठ्याश्चानुष्टुप् छन्दसी

आशुं दधिक्रां तमु नु ष्टवाम दिवस्पृथिव्या उत चर्किराम ।
 उच्छन्तीर्माषुषसः सूदयन्त्वति विश्वानि दुरितानि पर्षन् १
 महश्चर्कर्म्यवतः क्रतुप्रा दधिक्राव्णाः पुरुवारस्य वृष्णाः ।
 यं पूरुभ्यो दीदिवासं नाग्निं ददथुर्मित्रावरुणा ततुरिम् २
 यो अश्वस्य दधिक्राव्णो अकारिर्त् समिद्धे अग्रा उषसो व्युष्टौ ।
 अनागसं तमदितिः कृणोतु स मित्रेण वरुणेना सजोषाः ३
 दधिक्राव्णा इष ऊर्जो महो य दमन्महि मरुतां नाम भद्रम् ।
 स्वस्तये वरुणं इमत्रमग्निं हवामह इन्द्रं वज्रबाहुम् ४
 इन्द्रमिवेदुभये वि ह्वयन्त उदीराणा यज्ञमुपप्रयन्तः ।
 दधिक्रामु सूदनं मर्त्याय ददथुर्मित्रावरुणा नो अश्वम् ५
 दधिक्राव्णो अकारिषं जिष्णोरश्वस्य वाजिनः ।
 सुरभि नो मुखार्त् करत् प्र ण आयूषि तारिषत् ६

(६६) षण्णवतितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । (१-४) प्रथमादिचतुर्भृचां
दधिक्राः (५) पञ्चम्याश्च सूर्यो देवते । (१) प्रथमर्चस्त्रिष्टुप् (२-५)

द्वितीयादिचतसृणाञ्च जगती छन्दसी

दुधिक्राव्ण इदु नु चर्किराम विश्वा इन्मामुषसः सूदयन्तु ।
अपामग्रेरुषसः सूर्यस्य बृहस्पतैराङ्गिरसस्य जिष्णोः १
सत्वा भरिषो गविषो दुवन्यस च्छृचफद्धवस्यादिष उषसस्तुरगयसत् ।
सत्यो द्रवो द्रवरः पतङ्गरो दधिक्रावेषमूर्ज स्वर्जनत् २
उत स्मास्य द्रवतस्तुरगयतः पर्णं न वेरनु वाति प्रगर्धिनः ।
श्येनस्यैव धर्जतो अङ्कसं परि दधिक्राव्णः सहोर्जा तरित्रतः ३
उत स्य वाजी क्षिपणिं तुरगयति ग्रीवायां बद्धो अपिकक्ष आसनि ।
क्रतुं दधिक्रा अनु संतवीत्वत् पथामङ्कांस्यन्वापनीफणत् ४
हंसः श्चिषद् वसुरन्तरिक्षस द्योता वेदिषदतिथिर्दुरोणसत् ।
नृषद् वरसदृतसद् व्योमस दब्जा गोजा ऋतजा अद्रिजा ऋतम् ५

(६७) सप्तनवतितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रावरुणौ देवते ।

त्रिष्टुप् छन्दः

इन्द्रा को वां वरुणा सुम्रमापु स्तोमो हविष्माँ अमृतो न होता ।
यो वां हृदि क्रतुमाँ अस्मदुक्तः पस्पर्शदिन्द्रावरुणा नमस्वान् १
इन्द्रा हृ यो वरुणा चक्र आपी देवो मर्तः सख्याय प्रयस्वान् ।
स हन्ति वृत्रा समिथेषु शत्रू नवोभिर्वा महद्भिः स प्र शृणवे २
इन्द्रा हृ रत्नं वरुणा धेष्टे तथा नृभ्यः शशमानेभ्यस्ता ।
यदी सखाया सख्याय सोमैः सुतेभिः सुप्रयसां मादयैते ३
इन्द्रा युवं वरुणा दिद्युमस्मिन्नोजिष्ठमुग्रा नि वधिष्टं वज्रम् ।
यो नो दुरेवो वृकतिर्दभीति स्तस्मिन् मिमाथामभिभूत्योजः ४
इन्द्रा युवं वरुणा भूतमस्या धियः प्रेतारा वृषभेव धेनोः ।
सा नो दुहीयद् यवसेव गृत्वी सहस्रधारा पर्यसा मही गौः ५
तोके हिते तनय उर्वरासु सूरौ दृशीके वृषणश्च पौस्यै ।
इन्द्रा नो अत्र वरुणा स्यातामवोभिर्दस्मा परितक्म्यायाम् ६

युवामिद्धयवसे पूर्व्याय परि प्रभूती गविषः स्वापी ।
 वृणीमहे सख्याय प्रियाय शूरा मंहिष्ठा पितरैव शंभू ७
 ता वां धियोऽवसे वाजयन्ती राजिं न जग्मुर्यवयूः सुदानू ।
 श्रिये न गाव उपु सोममस्थु रिन्द्रं गिरो वरुणं मे मनीषाः ८
 इमा इन्द्रं वरुणं मे मनीषा अगमन्नुप द्रविणमिच्छमानाः ।
 उपैमस्थुर्जोष्टार इव वस्वो रध्वीरिव श्रवसो भिन्नमाणाः ९
 अश्वयस्य तमना रथ्यस्य पुष्टे नित्यस्य रायः पतयः स्याम ।
 ता चक्राणा ऊतिभिर्नर्व्यसीभि रस्मत्रा रायौ नियुतः सचन्ताम् १०
 आ नो बृहन्ता बृहतीभिरूती इन्द्रं यातं वरुण वाजसातौ ।
 यद् दिद्यवः पृतनासु प्रक्रीळान् तस्य वां स्याम सनितारं आज्ञेः ११

(६८) अष्टनवतितमं सूक्तम्

(१-१०) दशर्चस्यास्य सूक्तस्य पौरुकुत्स्यस्त्रसदस्युर्ऋषिः । (१-६)
 प्रथमादिषड्चामात्मा (७-१०) सप्तम्यादिचतसृणाञ्चेन्द्रावरुणौ देवताः ।

त्रिष्टुप् छन्दः

मम द्विता राष्ट्रं क्षत्रियस्य विश्वायोर्विश्वे अमृता यथा नः ।
 क्रतुं सचन्ते वरुणस्य देवा राजामि कृष्टेरुपमस्य वृत्रेः १
 अहं राजा वरुणो मह्यं ता न्यसुर्याणि प्रथमा धारयन्त ।
 क्रतुं सचन्ते वरुणस्य देवा राजामि कृष्टेरुपमस्य वृत्रेः २
 अहमिन्द्रो वरुणस्ते महित्वो र्वी गंभीरे रजसी सुमेके ।
 त्वष्टेव विश्वा भुवनानि विद्वान् त्समैरयं रोदसी धारयं च ३
 अहमपो अपिन्वमुक्षमाणा धारयं दिवं सदन ऋतस्य ।
 ऋतेन पुत्रो अदितेर्ऋतावो त त्रिधातुं प्रथयद् वि भूम ४
 मां नरः स्वश्वा वाजयन्तो मां वृताः समरणे हवन्ते ।
 कृणोम्याजिं मघवाहमिन्द्र इयमि रेणुमभिभूत्योजाः ५
 अहं ता विश्वा चकरं नकिर्मा दैव्यं सहो वरते अप्रतीतम् ।
 यन्मा सोमासो ममदन्यदुक्थो भे भयेते रजसी अपारे ६
 विदुष्टे विश्वा भुवनानि तस्य ता प्र ब्रवीषि वरुणाय वेधः ।
 त्वं वृत्राणि शृणिवषे जघन्वान् त्वं वृतां अरिणा इन्द्र सिन्धून् ७
 अस्माकमत्र पितरस्त आसन् त्सप्त ऋषयो दौर्गहे ब्रुध्यमाने ।

त आर्यजन्त त्रसदस्युमस्या इन्द्रं न वृत्रतुरमर्धदेवम् ८
पुरुकुत्सानी हि वामदाश ह्यव्येभिरिन्द्रावरुणा नमोभिः ।
अथा राजानं त्रसदस्युमस्या वृत्रहणं ददथुरर्धदेवम् ९
राया वयं ससवांसौ मदेम ह्यव्येन देवा यवसेन गावः ।
तां धेनुमिन्द्रावरुणा युवं नो विश्वाहा धत्तमनपस्फुरन्तीम् १०

(९९) नवनवतितमं सूक्तम्

(१-७) सप्तर्चस्यास्य सूक्तस्य सौहोत्रौ पुरुमीळहाजमीळ्हावृषी । अश्विनौ देवते ।
त्रिष्टुप् छन्दः

क उं श्रवत् कतमो यज्ञियानां वन्दारु देवः कतमो जुषाते ।
कस्येमां देवीमृतेषु प्रेष्ठां हृदि श्रेषाम सुष्टुतिं सुहव्याम् १
को मृळाति कतम आगमिष्ठो देवानामु कतमः शंभविष्ठः ।
रथं कर्माहर्द्रवदक्षमाशं यं सूर्यस्य दुहितावृणीत २
मृक्षू हि ष्मा गच्छथ ईवतो द्यू निन्द्रो न शक्तिं परितक्म्यायाम् ।
दिव आजाता दिव्या सुपर्णा कया शचीनां भवथः शचिष्ठा ३
का वां भूदुपमातिः कया न आश्विना गमथो ह्ययमाना ।
को वां महश्चित् त्यजसो अभीक उरुष्यत माध्वी दस्त्रा न ऊती ४
उरु वां रथः परि नक्षति द्या मा यत् समुद्रादभि वर्तते वाम् ।
मध्वा माध्वी मधु वां प्रुषायन् यत् सीं वां पृक्षौ भुरजन्त पक्वाः ५
सिन्धुर्ह वां रसया सिञ्चदश्वान् घृणा वयोऽरुषासः परि गमन् ।
तदू षु वामजिरं चैति यानुं येन पती भवथः सूर्यायाः ६
इहेह यद् वां समना पपृक्षे सेयमस्मे सुमतिवाजरत्ना ।
उरुष्यत जरितारं युवं ह श्रितः कामो नासत्या युवद्रिक् ७

(१००) शततमं सूक्तम्

(१-७) सप्तर्चस्यास्य सूक्तस्य सौहोत्रौ पुरुमीळहाजमीळ्हावृषी । अश्विनौ देवते ।
त्रिष्टुप् छन्दः

तं वां रथं वयमृद्या हुवेम पृथुज्यमश्विना संगतिं गोः ।
यः सूर्या वहति वन्धुरायुर्गिर्वाहसं पुरुतमं वसूयुम् १
युवं श्रियमश्विना देवता तां दिवो नपाता वनथः शचीभिः ।

युवोर्वपूरभि पृक्षः सचन्ते वहन्ति यत् कंकुहासो रथे वाम् २
 को वाम्घ्ना करते रातहव्य ऊतये वा सुतपेयाय वाकैः ।
 अतस्य वा वनुषे पूर्व्याय नमो येमानो अश्विना ववर्तत् ३
 हिरण्ययेन पुरुभू रथेने मं यज्ञं नासत्योप यातम् ।
 पिबाथ इन्मधुनः सोम्यस्य दधथो रत्नं विधते जनाय ४
 आ नो यातं दिवो अच्छा पृथिव्या हिरण्ययेन सुवृता रथेन ।
 मा वामन्ये नि यमन् देवयन्तः सं यद् ददे नाभिः पूर्व्या वाम् ५
 नू नो रयिं पुरुवीरं बृहन्तं दस्त्रा मिमाथामुभयेष्वस्मे ।
 नरो यद् वामश्विना स्तोममावन् त्सधस्तुतिमाजमीळहासो अगमन् ६
 इहेह यद् वा समना पंपृक्षे सेयमस्मे सुमतिर्वाजरत्ना ।
 उरुष्यतं जरितारं युवं हं श्रितः कामो नासत्या युवद्रिक् ७

(१०१) एकोत्तरशततमं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । अश्विनौ देवते । (१-६)

प्रथमादिषड्चां जगती (७) सप्तम्याश्च त्रिष्टुप् छन्दसी

एष स्य भानुरुदियर्ति युज्यते रथः परिज्मा दिवो अस्य सानवि ।
 पृक्षासौ अस्मिन् मिथुना अधि त्रयो दृतिस्तुरीयो मधुनो वि रंशते १
 उद् वां पृक्षासो मधुमन्त ईरते रथा अश्वास उषसो व्युष्टिषु ।
 अपोर्णुवन्तस्तम् आ परीवृतं स्वर्णं शक्रं तन्वन्त आ रजः २
 मध्वः पिबतं मधुपेभिरासभि रूत प्रियं मधुने युजाथां रथम् ।
 आ वर्तनिं मधुना जिन्वथस्पथो दृतिं वहेथे मधुमन्तमश्विना ३
 हंसासो ये वां मधुमन्तो अस्त्रिधो हिरण्यपर्णा उहव उषर्बुधः ।
 उदप्रुतौ मन्दिनौ मन्दिनिस्पृशो मध्वो न मक्षः सर्वनानि गच्छथः ४
 स्वध्वरासो मधुमन्तो अग्रयं उस्त्रा जरन्ते प्रति वस्तोरश्विना ।
 यन्निक्तहस्तस्तरणिर्विचक्ष्णः सोमं सुषाव मधुमन्तमद्रिभिः ५
 आकेनिपासो अहभिर्दविध्वतः स्वर्णं शक्रं तन्वन्त आ रजः ।
 सूरश्चिदश्वान् युयुजान ईयते विश्वाँ अनु स्वधयां चेतथस्पथः ६
 प्र वामवोचमश्विना धियंधा रथः स्वश्वौ अजरो यो अस्ति ।
 येन सद्यः परि रजांसि याथो हविष्मन्तं तरणिं भोजमच्छ ७

(१०२) द्व्युत्तरशततमं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । (१) प्रथमर्चो वायुः
(२-७) द्वितीयादिषण्णाञ्चेन्द्रवायू देवते । गायत्री छन्दः
अग्रं इंपबा मधूनां सुतं वायो दिविष्टिषु । त्वं हि पूर्वपा असि १
शतेना नो अभिष्टिभिर्नियुत्वाँ इन्द्रसारथिः । वायो सुतस्य तृम्पतम् २
आ वा सहस्रं हरय इन्द्रवायू अभि प्रयः । वहन्तु सोमपीतये ३
रथं हिरण्यवन्धुरमिन्द्रवायू स्वध्वरम् । आ हि स्थार्थो दिविस्पृशम् ४
रथेन पृथुपाजसा दाश्वांसमुप गच्छतम् । इन्द्रवायू इहा गतम् ५
इन्द्रवायू अयं सुतस्तं देवेभिः सजोषसा । पिबतं दाशुषो गृहे ६
इह प्रयाणमस्तु वामिन्द्रवायू विमोचनम् । इह वां सोमपीतये ७

(१०३) त्र्युत्तरशततमं सूक्तम्

(१-४) चतुर्ऋचस्यास्य सूक्तस्य गौतमो वामदेव ऋषिः । (१) प्रथमर्चो वायुः
(२-४) द्वितीयादितृचस्य चेन्द्रवायू देवते । अनुष्टुप् छन्दः
वायो शक्रो अयामि ते मध्वो अग्रं दिविष्टिषु ।
आ याहि सोमपीतये स्पार्हो देव नियुत्वता १
इन्द्रश्च वायवेषां सोमानां पीतिर्महथः ।
युवां हि यन्तीन्दवो निम्नमापो न सध्वयक् २
वायुविन्द्रश्च शष्मिणा सरथं शवसस्पती ।
नियुत्वन्ता न ऊतय आ यातं सोमपीतये ३
या वां सन्ति पुरुस्पृहो नियुतो दाशुषे नरा ।
अस्मे ता यज्ञवाहसे न्द्रवायू नि यच्छतम् ४

(१०४) चतुरुत्तरशततमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । वायुर्देवता ।
अनुष्टुप् छन्दः
विहि होत्रा अवीता विपो न रायो अर्यः ।
वायवा चन्द्रेण रथेन याहि सुतस्य पीतये १
नियुवाणो अशस्ती नियुत्वाँ इन्द्रसारथिः ।

वायुवा चन्द्रेण रथेन याहि सुतस्य पीतये २
 अनु कृष्णे वसुधिति येमाते विश्वपेशसा ।
 वायुवा चन्द्रेण रथेन याहि सुतस्य पीतये ३
 वहन्तु त्वा मनोयुजौ युक्तासौ नवृतिर्नव ।
 वायुवा चन्द्रेण रथेन याहि सुतस्य पीतये ४
 वायौ शतं हरीणां युवस्व पोष्याणाम् ।
 उत वा ते सहस्त्रिणो रथ आ यातु पाजसा ५

(१०५) पञ्चोत्तरशततमं सूक्तम्

(१-६) षड्चस्यास्य सूक्तस्य गौतमो वामदेव ऋषिः । इन्द्राबृहस्पती देवते ।
 गायत्री छन्दः

इदं वामास्यै हविः प्रियमिन्द्राबृहस्पती । उक्थं मदश्च शस्यते १
 अयं वां परि षिच्यते सोम इन्द्राबृहस्पती । चारुर्मदाय पीतये २
 आ न इन्द्राबृहस्पती गृहमिन्द्रश्च गच्छतम् । सोमपा सोमपीतये ३
 अस्मे इन्द्राबृहस्पती रयिं धत्तं शतग्विनम् । अश्वावन्तं सहस्त्रिणाम् ४
 इन्द्राबृहस्पती वयं सुते गीर्भिर्हवामहे । अस्य सोमस्य पीतये ५
 सोममिन्द्राबृहस्पती पिबतं दाशुषौ गृहे । मादयेथां तदौकसा ६

(१०६) षडुत्तरशततमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । (१-६)
 प्रथमादिनवर्चा बृहस्पतिः (१०-११) दशम्येकादशयोश्चेन्द्राबृहस्पती देवते । (१-६,
 ११) प्रथमादिनवर्चामेकादश्याश्च त्रिष्टुप् (१०) दशम्याश्च जगती छन्दसी
 यस्तस्तम्भ सहसा वि ज्मो अन्तान् बृहस्पतिस्त्रिषधस्थो रवेण ।
 तं प्रत्नास ऋषयो दीध्यानाः पुरो विप्रा दधिरे मन्द्रजिह्वम् १
 धुनेतयः सुप्रकेतं मदन्तो बृहस्पते अभि ये नस्ततस्त्रे ।
 पृषन्तं सृप्रमदब्धमूर्वं बृहस्पते रक्षतादस्य योनिम् २
 बृहस्पते या परमा परावदत् आ तं ऋतस्पृशो नि पैदुः ।
 तुभ्यं खाता अवृता अद्रिदुग्धा मध्वः श्रोतन्त्यभितौ विरप्शम् ३
 बृहस्पतिः प्रथमं जायमानो महो ज्योतिषः परमे व्योमन् ।
 सप्तास्यस्तुविजातो रवेण वि सप्तरश्मिरधमत् तमांसि ४

स सुष्टुभा स ऋक्वता गुणेन वलं रुरोज फलिगं रवेण ।
 बृहस्पतिरुस्त्रिया हव्यसूदः कनिक्रदद् वार्वशतीरुदाजत् ५
 एवा पित्रे विश्वदेवाय वृष्णे यज्ञैर्विधेम नमसा हविर्भिः ।
 बृहस्पते सुप्रजा वीरवन्तो वयं स्याम पतयो रयीणाम् ६
 स इद् राजा प्रतिजन्यानि विश्वा शुष्मेण तस्थावभि वीर्येण ।
 बृहस्पतिं यः सुभृतं इंभर्ति वल्गूयति वन्दते पूर्वभार्जम् ७
 स इत् क्षैति सुधित ओकसि स्वे तस्मा इळां पिन्वते विश्वदानीम् ।
 तस्मै विशः स्वयमेवा नमन्ते यस्मिन् ब्रह्मा राजनि पूर्व एति ८
 अप्रतीतो जयति सं धनानि प्रतिजन्यान्युत या सजन्या ।
 अवस्यवे यो वरिवः कृणोति ब्रह्मणे राजा तमवन्ति देवाः ९
 इन्द्रश्च सोमं इंपबतं बृहस्पते ऽस्मिन् यज्ञे मन्दसाना वृषणवसू ।
 आ वां विशन्तिवन्दवः स्वाभुवो ऽस्मे रयिं सर्ववीरं नि यच्छतम् १०
 बृहस्पत इन्द्र वर्धतं नः सचा सा वां सुमतिर्भूत्वस्मे ।
 अविष्टं धियो जिगृतं पुरंधी र्जजस्तमर्यो वनुषामरातीः ११

अथाष्टमोऽध्यायः

। व० १-२६

(१०७) सप्तोत्तरशततमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । उषा देवता ।

त्रिष्टुप् छन्दः

इदमु त्यत् पुरुतमं पुरस्ता ज्योतिस्तमसो वयुनावदस्थात् ।
 नूनं दिवो दुहितरौ विभातीर्गातुं कृणवन्नुषसो जनाय १
 अस्थुरु चित्रा उषसः पुरस्ता न्मिता इव स्वरवोऽध्वरेषु ।
 व्यु वृजस्य तमसो द्वारो च्छन्तीरवृञ्चुचयः पावकाः २
 उच्छन्तीरद्य चितयन्त भोजान् राधोदेयायोषसो मघोनीः ।
 अचित्रे अन्तः पणयः ससन्त्वबुध्यमानास्तमसो विमध्ये ३
 कुवित् स देवीः सनयो नवो वा यामो बभूयादुषसो वो अद्य ।
 येना नवगवे अङ्गिरे दशगवे सप्तास्यै रेवती रेवदूष ४
 यूयं हि देवीर्भृतयुग्भिरश्वैः परिप्रयाथ भुवनानि सद्यः ।
 प्रबोधयन्तीरुषसः ससन्तं द्विपाच्चतुष्पाच्चरथाय जीवम् ५

क्वं स्विदासां कतमा पुराणी यया विधाना विदधुर्भूणाम् ।
 शुभं यच्छुभ्रा उषसश्चरन्ति न वि ज्ञायन्ते सदृशीरजुर्याः ६
 ता घा ता भद्रा उषसः पुरासु रभिष्टिद्युम्ना ऋतजातसत्याः ।
 यास्वीजानः शशमान उक्थैः स्तुवञ्छंसन् द्रविणं सद्य आप ७
 ता आ चरन्ति समना पुरस्तात् समानतः समना पप्रथानाः ।
 ऋतस्य देवीः सदसो बुधाना गवां न सर्गा उषसौ जरन्ते ८
 ता इन्वेइव समना समानी रमीतवर्णा उषसश्चरन्ति ।
 गूहन्तीरभ्वमसितं रुशब्दिः शक्रास्तनूभिः शुचयो रुचानाः ९
 रयिं दिवो दुहितरो विभातीः प्रजावन्तं यच्छतास्मासु देवीः ।
 स्योनादा वः प्रतिबुध्यमानाः सुवीर्यस्य पतयः स्याम १०
 तद् वो दिवो दुहितरो विभाती रूपं ब्रुव उषसो यज्ञकैतुः ।
 वयं स्याम यशसो जनेषु तद् द्यौश्च धत्तां पृथिवी च देवी ११

(१०८) अष्टोत्तरशततमं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । उषा देवता ।

गायत्री छन्दः

प्रति ष्या सूनरी जनी व्युच्छन्ती परि स्वसुः । दिवो अदर्शि दुहिता १
 अश्वैव चित्रारुषी माता गवामृतावरी । सर्वाभूदश्विनोरुषाः २
 उत सर्वास्यश्विनो रूत माता गवामसि । उतोषो वस्व ईशिषे ३
 यावयद्द्वेषसं त्वा चिकित्वित् सूनृतावरि । प्रति स्तोमैरभुत्स्महि ४
 प्रति भद्रा अदृक्षत गवां सर्गा न रश्मयः । ओषा अप्रा उरु जयः ५
 आपुप्रुषी विभावरि व्यावर्ज्योतिषा तमः । उषो अनु स्वधामव ६
 आ द्यां तनोषि रश्मिभि रान्तरिक्षमुरु प्रियम् । उषः शुक्रेण शोचिषा ७

(१०९) नवोत्तरशततमं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । सविता देवता ।

जगती छन्दः

तद् देवस्य सवितुर्वार्यं महद् वृणीमहे असुरस्य प्रचेतसः ।
 छुर्दिर्येन दाशुषे यच्छति त्मना तन्नो महँ उदयान् देवो अक्तुभिः १
 दिवो धर्ता भुवनस्य प्रजापतिः पिशङ्गं द्रापिं प्रति मुञ्चते कविः ।

विचक्षणः प्रथयन्नापृणन्नुर्व जीजनत् सविता सुम्रमुक्थ्यम् २
 आप्रा रजांसि दिव्यानि पार्थिवा श्लोकं देवः कृणुते स्वाय धर्मणे ।
 प्र बाहू अस्त्राक् सविता सर्वामनि निवेशयन् प्रसुवन्नक्तुभिर्जगत् ३
 अदाभ्यो भुवनानि प्रचाकशद् वृतानि देवः सविताभि रक्षते ।
 प्रास्त्राग्बाहू भुवनस्य प्रजाभ्यो धृतव्रतो महो अज्मस्य राजति ४
 त्रिन्तरिक्षं सविता महित्वना त्री रजांसि परिभूस्त्रीणि रोचना ।
 तिस्रो दिवः पृथिवीस्तिस्त्र इन्वति त्रिभिर्वृत्तैरभि नो रक्षति त्मना ५
 बृहत्सुम्रः प्रसवीता निवेशनो जगतः स्थातुरुभयस्य यो वशी ।
 स नो देवः सविता शर्म यच्छ त्वस्मे क्षयाय त्रिवरूथमंहसः ६
 आगन् देव ऋतुभिर्वर्धतु क्षयं दधातु नः सविता सुप्रजामिषम् ।
 स नः क्षपाभिरहभिश्च जिन्वतु प्रजावन्तं रयिमस्मे समिन्वतु ७

(११०) दशोत्तरशततमं सूक्तम्

(१-६) षडृचस्यास्य सूक्तस्य गौतमो वामदेव ऋषिः । सविता देवता । (१-५)

प्रथमादिपञ्चर्चा जगती (६) षष्ठ्याश्च त्रिष्टुप् छन्दसी
 अभूद् देवः सविता वन्द्यो नु न इदानीमहं उपवाच्यो नृभिः ।
 वि यो रत्ना भर्जति मानवेभ्यः श्रेष्ठं नो अत्र द्रविणं यथा दधत् १
 देवेभ्यो हि प्रथमं यज्ञियैभ्यो ऽमृतत्वं सुवसिं भागमुत्तमम् ।
 आदिद् दामानं सवितुर्व्यूर्णुषे ऽनूचीना जीविता मानुषेभ्यः २
 अर्चिन्ती यच्चकृमा दैव्ये जनै दीनैर्दक्षैः प्रभूती पूरुषत्वता ।
 देवेषु च सवितुर्मानुषेषु च त्वं नो अत्र सुवतादनागसः ३
 न प्रमियै सवितुर्दैव्यस्य तद् यथा विश्वं भुवनं धारयिष्यति ।
 यत् पृथिव्या वरिमन्ना स्वङ्गुरिर्वर्ष्मन् दिवः सुवति सत्यमस्य तत् ४
 इन्द्रज्येष्ठान् बृहद्भ्यः पर्वतेभ्यः क्षयाँ एभ्यः सुवसि पस्त्यावतः ।
 यथायथा पुतरन्तो वियेमिर एवैव तस्थुः सवितः सवार्य ते ५
 ये ते त्रिरहन् त्सवितः सवासौ दिवेदिवे सौभगमासुवन्ति ।
 इन्द्रो द्यावापृथिवी सिन्धुरद्धि रादित्यैर्नो अदितिः शर्म यंसत् ६

(१११) एकादशोत्तरशततमं सूक्तम्

(१-१०) दशर्चस्यास्य सूक्तस्य गौतमो वामदेव ऋषिः । विश्वे देवा देवताः ।

(१-७) प्रथमादिसप्तर्चा त्रिष्टुप् (८-१०) अष्टम्यादितृचस्य च गायत्री छन्दसी
को वस्राता वसवः को वरूता द्यावाभूमी अदिते त्रासीथां नः ।
सहीयसो वरुण मित्र मर्तात् को वौध्वरे वरिवो धाति देवाः १
प्र ये धामानि पूव्याण्यर्चान् वि यदुच्छान् वियेतारो अमूराः ।
विधातारो वि ते दधुरजस्रा ऋतधीतयो रुरुचन्त दस्माः २
प्र पुस्त्याइमदितिं सिन्धुमकैः स्वस्तिमीळे सख्याय देवीम् ।
उभे यथा नो अहनी निपात उषासानक्ता करतामदब्धे ३
व्यर्यमा वरुणश्चेति पन्था मिषस्पतिः सुवितं गातुमग्निः ।
इन्द्राविष्णू नृवदु षु स्तवाना शर्म नो यन्तममवद् वरूथम् ४
आ पर्वतस्य मरुतामवासि देवस्य त्रातुरंवि भगस्य ।
पात् पतिर्जन्यादहंसो नो मित्रो मित्रियादुत न उरुष्येत् ५
नू रौदसी अहिना बुध्यै न स्तुवीत देवी अप्यैभिरिष्टैः ।
समुद्रं न संचरणे सनिष्यवो घर्मस्वरसो नद्योइ अप व्रन् ६
देवैर्नो देव्यदितिर्नि पातु देवस्राता त्रायतामप्रयुच्छन् ।
नहि मित्रस्य वरुणस्य धासि महामसि प्रमियं सान्वग्नेः ७
अग्निरीशे वसव्यस्याइऽग्रमहः सौभगस्य । तान्यस्मभ्यं रासते ८
उषो मघोन्या वहू सूनृते वार्या पुरु । अस्मभ्यं वाजिनीवति ९
तत् सु नः सविता भगो वरुणो मित्रो अर्यमा । इन्द्रो नो राधसा गमत् १०

(११२) द्वादशोत्तरशततमं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । द्यावापृथिव्यौ देवते ।

(१-४) प्रथमादिचतुर्त्रचां त्रिष्टुप् (५-७) पञ्चम्यादितृचस्य च गायत्री छन्दसी
मही द्यावापृथिवी इह ज्येष्ठै रुचा भवतां शचयद्भिरकैः ।
यत् सीं वरिष्ठे बृहती विमिन्वन् रुवद्धोक्षा पप्रथानेभिरेवैः १
देवी देवेभिर्यजते यजत्रै रमिनती तस्थतुरुक्षमाणे ।
ऋतावरी अद्गुहा देवपुत्रे यज्ञस्य नेत्री शचयद्भिरकैः २
स इत् स्वपा भुवनेष्वास य इमे द्यावापृथिवी जजान ।
उर्वी गभीरे रजसी सुमेकै अवंशे धीरः शच्या समैरत् ३
नू रौदसी बृहद्भिर्नो वरूथैः पत्नीवद्भिरिषयन्ती सजोषाः ।
उरूची विश्वे यजते नि पातं धिया स्याम रथ्यः सदासाः ४

प्र वां महि द्यवीं अभ्युपस्तुतिं भरामहे । शुची उप प्रशस्तये ५
पुनाने तन्वा मिथः स्वेन दक्षेण राजथः । ऊह्याथै सनादृतम् ६
मही मित्रस्य साधथ स्तरन्ती पिप्रती ऋतम् । परि यज्ञं नि षैदथुः ७

(११३) त्रयोदशोत्तरशततमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । (१-३) प्रथमादितृचस्य
क्षेत्रपतिः (४) चतुर्थ्या ऋचः शुनः (५, ८) पञ्चम्यष्टम्योः शुनासीरौ (६-७)
षष्ठीसप्तम्योश्च सीता देवताः । (१, ४, ६-७)

प्रथमाचतुर्थाषष्ठीसप्तमीनामृचामनुष्टुप् (२-३, ८) द्वितीयातृतीयाष्टमीनां त्रिष्टुप्

(५) पञ्चम्याश्च पुर उष्णिक छन्दांसि

क्षेत्रस्य पतिना वयं हितेनैव जयामसि ।
गामश्च पोषयित्वा स नो मृळातीदृशै १
क्षेत्रस्य पते मधुमन्तमूर्मि धेनुरिव पर्यो अस्मासु धुक्त्व ।
मधुश्चुतं घृतमिव सुपूत मृतस्य नः पतयो मृळयन्तु २
मधुमतीरोषधीर्द्याव आपो मधुमन्नो भवत्वन्तरिक्षम् ।
क्षेत्रस्य पतिर्मधुमान् नो अस्त्व रिष्यन्तो अन्वेनं चरेम ३
शूनं वाहाः शूनं नरः शूनं कृषतु लाङ्गलम् ।
शूनं वरत्रा बध्यन्तां शनमष्टामुदिङ्गय ४
शुनासीराविमां वाचं जुषेथां यद् दिवि चक्रथुः पर्यः ।
तेनेमामुप सिञ्चतम् ५
अर्वाची सुभगे भव सीते वन्दामहे त्वा ।
यथा नः सुभगासंसि यथा नः सुफलासंसि ६
इन्द्रः सीतां नि गृह्णातु तां पूषानु यच्छतु ।
सा नः पर्यस्वती दुहा मुत्तरामुत्तरां समाम् ७
शूनं नः फाला वि कृषन्तु भूमिं शूनं कीनाशा अभि यन्तु वाहैः ।
शूनं पर्जन्यो मधुना पर्योभिः शुनासीरा शूनमस्मासु धत्तम् ८

(११४) चतुर्दशोत्तरशततमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । अग्निः सूर्यो वाऽऽपो
वा गावो वा घृतं वा देवता । (१-१०) प्रथमादिदशर्चा त्रिष्टुप् (११)

एकादश्याश्च जगती छन्दसी

समुद्राद्दूर्मिर्मधुमाँ उदारु दुपांशुना सममृतत्वमानद् ।
 घृतस्य नाम गुह्यं यदस्ति जिह्वा देवानाममृतस्य नाभिः १
 वयं नाम प्र ब्रवामा घृतस्या ऽस्मिन् यज्ञे धारयामा नमोभिः ।
 उप ब्रह्मा शृणवच्छस्यमानं चतुःशृङ्गोऽवमीद् गौर एतत् २
 चत्वारि शृङ्गा त्रयो अस्य पादा द्वे शीर्षे सप्त हस्तासो अस्य ।
 त्रिधा बद्धो वृषभो रौरवीति महो देवो मर्त्याँ आ विवेश ३
 त्रिधा हितं पृणिभिर्गुह्यमानं गविं देवासौ घृतमन्वविन्दन् ।
 इन्द्र एकं सूर्य एकं जजान वेनादेकं स्वधया निष्टतक्षुः ४
 एता अर्षन्ति हृद्यात् समुद्रा च्छतव्रजा रिपुणा नावचक्षे ।
 घृतस्य धारा अभि चाकशीमि हिरण्ययो वेतसो मध्यं आसाम् ५
 सम्यक् स्रवन्ति सरितो न धेना अन्तर्हृदा मनसा पूयमानाः ।
 एते अर्षन्त्यूर्मयो घृतस्य मृगा इव क्षिपुणोरीषमाणाः ६
 सिन्धौरिव प्राध्वने शूघनासो वार्तप्रमियः पतयन्ति यहाः ।
 घृतस्य धारा अरुषो न वाजी काष्ठा भिन्दन्मूर्मिभिः पिन्वमानः ७
 अभि प्रवन्त समनेव योषाः कल्याणयश्ः स्मर्यमानासो अग्निम् ।
 घृतस्य धाराः समिधौ नसन्त ता जुषाणो हर्यति जातवेदाः ८
 कन्या इव वहतुमेतवा उ अञ्जयञ्जाना अभि चाकशीमि ।
 यत्र सोमः सूयते यत्र यज्ञो घृतस्य धारा अभि तत् पवन्ते ९
 अभ्यर्षत सुष्टुतिं गव्यमाजि मस्मासु भद्रा द्रविणानि धत्त ।
 इमं यज्ञं नयत देवता नो घृतस्य धारा मधुमत् पवन्ते १०
 धामन् ते विश्वं भुवनमधि श्रित मन्तः समुद्रे हृद्यन्तरायुषि ।
 अपामनीके समिथे य आभृत स्तमश्याम् मधुमन्तं त ऊर्मिम् ११

(११५) पञ्चदशोत्तरशततमं सूक्तम्

(१-१२) द्वादशर्चस्यास्य सूक्तस्यात्रेयौ बुधगविष्ठिरावृषी ।

अग्निर्देवता । त्रिष्टुप् छन्दः

अबोध्याग्निः समिधा जनानां प्रति धेनुमिवायतीमुषासम् ।
 यहा इव प्र वयामुज्जिहानाः प्र भानवः सिस्रते नाक्रमच्छ १
 अबोधि होता यजथाय देवा नूर्ध्वो अग्निः सुमनाः प्रातरस्थात् ।
 समिद्धस्य रुशददर्शि पाजौ महान् देवस्तमसो निरमोचि २

यदीं गुणस्य रशनामजीगुः शुचिरङ्के शुचिभिर्गोभिरग्निः ।
 आद् दक्षिणा युज्यते वाजय न्त्युत्तानामूर्ध्वो अंधयजुहूभिः ३
 अग्निमच्छा देवयतां मनांसि चक्षूषीव सूर्ये सं चरन्ति ।
 यदीं सुवाते उषसा विरूपे श्वेतो वाजी जायते अग्ने अहाम् ४
 जनिष्टु हि जेन्यो अग्ने अह्ना हितो हितेष्वरूपो वनेषु ।
 दमेदमे सप्त रत्ना दधानो ऽग्निर्होता नि षसादा यजीयान् ५
 अग्निर्होता न्यसीद्द यजीया नुपस्थे मातुः सुरभा उं लोके ।
 युवा क्विः पुरुनिःष्ठ ऋतावा धर्ता कृष्टीनामुत मध्य इद्धः ६
 प्र गु त्यं विप्रमध्वरेषु साधु मग्निं होतारमीळते नमोभिः ।
 आ यस्ततान रोदसी ऋतेन नित्यं मृजन्ति वाजिनं घृतेन ७
 मार्जाल्यो मृज्यते स्वे दमूनाः कविप्रशस्तो अतिथिः शिवो नः ।
 सहस्रशृङ्गो वृषभस्तदौजा विश्वाँ अग्ने सहसा प्रास्यन्यान् ८
 प्र सद्यो अग्ने अत्येष्यन्या नाविर्यस्मै चारुतमो बभूथ ।
 ईळैन्यो वपुष्यो विभावा प्रियो विशामतिथिर्मानुषीणाम् ९
 तुभ्यं भरन्ति क्षितयो यविष्ठ बलिमग्ने अन्तित ओत दूरात् ।
 आ भन्दिष्ठस्य सुमतिं चिकिद्धि बृहत् तै अग्ने महि शर्म भद्रम् १०
 आद्य रथं भानुमो भानुमन्त मग्ने तिष्ठ यजतेभिः समन्तम् ।
 विद्वान् पथीनामुर्वशन्तरिक्ष मेह देवान् हविरद्याय वक्षि ११
 अवोचाम क्वये मेध्याय वचो वन्दारु वृषभाय वृष्णौ ।
 गर्विष्ठिरो नमसा स्तोममग्नौ दिवीव रुक्ममुरुव्यञ्जमश्रेत् १२

(११६) षोडशोत्तरशततमं सूक्तम्

(१-१२) द्वादशर्चस्यास्य सूक्तस्य (१, ३-८, १०-१२) प्रथमर्चस्तृतीयादिषण्णां

दशम्यादितृचस्य चात्रेयः कुमारो जानो वृशो वा, उभौ वा, (२, ६)

द्वितीयानवम्योश्च जानो वृश ऋषिः । अग्निर्देवता । (१-११) प्रथमाद्येकादशर्चा

त्रिष्टुप्, (१२) द्वादश्याश्च शक्वरी छन्दसी

कुमारं माता युवतिः समुब्धं गुहा बिभर्ति न ददाति पित्रे ।

अनीकमस्य न मिनज्जनासः पुरः पश्यन्ति निहितमरुतौ १

कमेतं त्वं युवते कुमारं पेपी बिभर्षि महिषी जजान ।

पूर्वीर्हि गर्भः शरदौ ववर्धा ऽपश्यं जातं यदसूत माता २

हिरण्यदन्तं शुचिवर्णमारात् क्षेत्रादपश्यमायुधा मिमानम् ।
 ददानो अस्मा अमृतं विपृक्वत् किं मामनिन्द्राः कृणवन्ननुक्थाः ३
 क्षेत्रादपश्यं सनुतश्चरन्तं सुमद् यूथं न पुरु शोभमानम् ।
 न ता अगृभ्रन्नर्जनिष्ट हि षः पलिक्नीरिद् युवतयो भवन्ति ४
 के मे मर्यकं वि यवन्त गोभिर्न येषां गोपा अरणश्चिदास ।
 य ई जगृभुरव ते सृजन्त्वाजाति पश्च उप नश्चिकित्वान् ५
 वसां राजानं वसतिं जनानां मरातयो नि दधुर्मर्त्येषु ।
 ब्रह्मण्यत्रेव तं सृजन्तु निन्दितारो निन्द्यासो भवन्तु ६
 शुनश्चिच्छेपं निर्दितं सहस्राद् यूपादमुञ्चो अशमिष्ट हि षः ।
 एवास्मदग्ने वि मुमुग्धि पाशान् होतश्चिकित्व इह तू निषद्य ७
 हृणीयमानो अप हि मदैयेः प्र मे देवानां व्रतपा उवाच ।
 इन्द्रो विद्वाँ अनु हि त्वां चचक्ष तेनाहमग्ने अनुशिष्ट आगाम् ८
 वि ज्योतिषा बृहता भात्यग्नि राविर्विश्वानि कृणुते महित्वा ।
 प्रादेवीर्मायाः सहते दुरेवाः शिशीते शृङ्गे रक्षसे विनिक्षे ९
 उत स्वानासौ दिवि षन्त्वग्ने स्तिग्मायुधा रक्षसे हन्तवा उ ।
 मदै चिदस्य प्र रुजन्ति भामा न वरन्ते परिबाधो अदेवीः १०
 एतं ते स्तोमं तुविजात् विप्रो रथं न धीरः स्वपा अतक्षम् ।
 यदीदग्ने प्रति त्वं देव हर्याः स्वर्वतीरप एना जयेम ११
 तुविग्रीवो वृषभो वावृधानो ऽशत्र्वर्ष्यः समजाति वेदः ।
 इतीममग्निममृता अवोचन् बर्हिष्मते मनवे शर्म
 यंस द्भविष्मते मनवे शर्म यंसत् १२

(११७) सप्तदशोत्तरशततमं सूक्तम्

(१-१२) द्वादशर्चस्यास्य सूक्तस्यात्रेयो वसुश्रुत ऋषिः । (१-२, ४-१२)
 प्रथमाद्वितीययोर्ऋचोश्चतुर्थ्यादिनवानाञ्चाग्निः, (३) तृतीयायाश्च मरुद्भुद्रविष्णवो
 देवताः । (१) प्रथमर्चो विराट्, (२-१२) द्वितीयाद्येकादशानाञ्च त्रिष्टुप् छन्दसी
 त्वमग्ने वरुणो जायसे यत् त्वं इमत्रो भवसि यत् समिद्धः ।
 त्वे विश्वे सहसस्पुत्र देवा स्त्वमिन्द्रो दाशुषे मर्त्याय १
 त्वमर्युमा भवसि यत् कनीनां नाम स्वधावन् गुह्यं इबभर्षि ।

अञ्जन्ति मित्रं सुधितं न गोभिर्यद् दंपती समनसा कृणोषि २
 तव श्रिये मरुतौ मर्जयन्त रुद्र यत् ते जनिम् चारु चित्रम् ।
 पदं यद् विष्णोरुपमं निधायि तेन पासि गुह्यं नाम् गोनाम् ३
 तव श्रिया सुदृशौ देव देवाः पुरु दधाना अमृतं सपन्त ।
 होतारमग्निं मनुषो नि षैदु र्दशस्यन्त उशिजः शंसमायोः ४
 न त्वद्धोता पूर्वा अग्ने यजीयान् न काव्यैः पुरो अस्ति स्वधावः ।
 विशश्च यस्या अतिथिर्भवासि स यज्ञेन वनवद् देव मर्तान् ५
 वयमग्ने वनुयाम् त्वोता वसूयवो हविषा बुध्यमानाः ।
 वयं समर्थे विदथेष्वह्ना वयं राया सहसस्पुत्र मर्तान् ६
 यो न आगौ अभ्येनो भरा त्यधीदघमघशसे दधात ।
 जही चिकित्वो अभिशस्तिमेता मग्ने यो नो मर्चयति द्वयेन ७
 त्वामस्या व्युषि देव पूर्वे दूतं कृणवाना अयजन्त हव्यैः ।
 संस्थे यदग्र ईयसे रयीणां देवो मर्तैर्वसुभिरिध्यमानः ८
 अवं स्पृधि पितरं योधि विद्वान् पुत्रो यस्तै सहसः सून ऊहे ।
 कदा चिकित्वो अभि चक्षसे नो ऽग्ने कदाँ ऋतचिद् यातयासे ९
 भूरि नाम् वन्दमानो दधाति पिता वसो यदि तज्जोषयासे ।
 कुविद् देवस्य सहसा चकानः सुम्रमग्निर्वनते वावृधानः १०
 त्वमङ्ग जरितारं यविष्ठ विश्वान्यग्ने दुरिताति पर्षि ।
 स्तेना अदृश्रन् रिपवो जनासो ऽज्ञातकेता वृजिना अभूवन् ११
 इमे यामासस्त्वद्रिगभूवन् वसवे वा तदिदागौ अवाचि ।
 नाहायमग्निरभिशस्तये नो न रीषते वावृधानः परा दात् १२

(११८) अष्टादशोत्तरशततमं सूक्तम्

(१-११) एकादशर्चस्यास्य सूक्तस्यात्रेयो वसुश्रुत ऋषिः । अग्निर्देवता ।

त्रिष्टुप् छन्दः

त्वामग्ने वसुपतिं वसूना मभि प्र मन्दे अध्वरेषु राजन् ।
 त्वया वाजं वाजयन्तौ जयेमा भि ष्याम पृत्सुतीर्मर्त्यानाम् १
 हव्यवाळग्निरजरः पिता नो विभुर्विभावा सुदृशीको अस्मे ।
 सुगार्हपत्याः समिषो दिदी ह्यस्मद्रयश्क सं मिमीहि श्रवांसि २

विशां क्विं विश्पतिं मानुषीणां शुचिं पावकं घृतपृष्ठमग्निम् ।
 नि होतारं विश्वविदं दधिध्वे स देवेषु वनते वार्याणि ३
 जुषस्वाग्नि इळ्या सजोषा यतमानो रश्मिभिः सूर्यस्य ।
 जुषस्व नः समिधं जातवेद आ च देवान् हविरद्याय वक्षि ४
 जुष्टो दमूना अतिथिर्दुरोण इमं नो यज्ञमुप याहि विद्वान् ।
 विश्वा अग्ने अभियुजो विहत्या शत्रूयतामा भरा भोजनानि ५
 वधेन दस्युं प्र हि चातयस्व वयः कृण्वानस्तन्वेर् स्वायै ।
 पिपर्षि यत् सहसस्पुत्र देवान् त्सो अग्ने पाहि नृतम् वाजै अस्मान् ६
 वयं तै अग्न उक्थैर्विधेम वयं हव्यैः पावक भद्रशोचे ।
 अस्मे रयिं विश्ववारं समिन्वा स्मे विश्वानि द्रविणानि धेहि ७
 अस्माकमग्ने अध्वरं जुषस्व सहसः सूनो त्रिषधस्थ हव्यम् ।
 वयं देवेषु सुकृतः स्याम् शर्मणा नस्त्रिवरूथेन पाहि ८
 विश्वानि नो दुर्गहा जातवेदः सिन्धुं न नावा दुरिताति पर्षि ।
 अग्ने अत्रिवन्नमसा गृणानोर् ऽस्माकं बोध्यविता तनूनाम् ९
 यस्त्वा हदा कीरिणा मन्यमानो ऽमर्त्य मर्त्यो जोहवीमि ।
 जातवेदो यशो अस्मासु धेहि प्रजाभिरग्ने अमृतत्वमश्याम् १०
 यस्मै त्वं सुकृते जातवेद उ लोकमग्ने कृण्वः स्योनम् ।
 अश्विनं स पुत्रिणं वीरवन्तं गोमन्तं रयिं नशते स्वस्ति ११

(११६) एकोनविंशत्युत्तरशततमं सूक्तम्

(१-११) एकादशर्चस्यास्य सूक्तस्यात्रेयो वसुश्रुत ऋषिः । (१) प्रथमर्च इध्मः
 समिद्धो वाग्निः, (२) द्वितीयाया नराशंसः, (३) तृतीयाया इळः, (४) चतुर्थ्या
 बर्हिः, (५) पञ्चम्या देवीर्दारः, (६) षष्ठ्या उषासानक्ता, (७) सप्तम्या दैव्यौ
 होतारौ प्रचेतसौ, (८) अष्टम्यास्तिस्रो देव्यः सरस्वतीळाभारत्यः, (९)
 नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो
 देवताः । गायत्री छन्दः

सुसमिद्धाय शोचिषै घृतं तीव्रं जुहोतन । अग्नये जातवेदसे १
 नराशंसः सुषूदती मं यज्ञमदाभ्यः । क्विर्हि मधुहस्त्यः २
 ईळितो अग्न आ वहे न्द्रं चित्रमिह प्रियम् । सुखै रथैभिरूतये ३
 ऊर्णमदा वि प्रथस्वा ऽभ्यर्का अनूषत । भवो नः शुभ्र सातये ४

देवीर्द्वारो वि श्रयध्वं सुप्रायणा न ऊतयै । प्रप्र यज्ञं पृणीतन ५
सुप्रतीके वयोवृधा यही ऋतस्य मातरा । दोषामुषासमीमहे ६
वार्तस्य पत्सन्नीळिता दैव्या होतारा मनुषः । इमं नो यज्ञमा गतम् ७
इळा सरस्वती मही तिस्रो देवीर्मयोभुवः । ब्रिहिः सीदन्त्वस्त्रिधः ८
शिवस्त्वष्टरिहा गहि विभुः पोष उत त्मना । यज्ञेयज्ञे न उदव ९
यत्र वेत्थ वनस्पते देवानां गुह्या नामानि । तत्र हव्यानि गामय १०
स्वाहाग्रये वरुणाय स्वाहेन्द्राय मरुद्भ्यः । स्वाहा देवेभ्यो हविः ११

(१२०) विंशत्युत्तरशततमं सूक्तम्

(१-१०) दशर्चस्यास्य सूक्तस्यात्रेयो वसुश्रुत ऋषिः । अग्निर्देवता । पङ्क्तिश्छन्दः
अग्निं तं मन्ये यो वसु रस्तं यं यन्ति धेनवः ।
अस्तमर्वन्त आशवो ऽस्तं नित्यासो वाजिन इषं स्तोतृभ्य आ भर १
सो अग्निर्यो वसुर्गृणे सं यमायन्ति धेनवः ।
समर्वन्तो रघुद्रुवः सं सुजातासः सूरय इषं स्तोतृभ्य आ भर २
अग्निर्हि वाजिनं विशे ददाति विश्वर्चर्षणिः ।
अग्नी राये स्वाभुवं स प्रीतो याति वार्यं मिषं स्तोतृभ्य आ भर ३
आ तै अग्र इधीमहि द्युमन्तं देवाजरम् ।
यद्ध स्या ते पनीयसी समिद् दीदयति द्यवी षं स्तोतृभ्य आ भर ४
आ तै अग्र ऋचा हविः शुक्रस्य शोचिषस्पते ।
सुश्रन्द्र दस्म विश्पते हव्यवाट् तुभ्यं हूयत् इषं स्तोतृभ्य आ भर ५
प्रो त्ये अग्रयोऽग्निषु विश्वं पुष्यन्ति वार्यम् ।
ते हिन्विरे त इन्विरे त इषयन्त्यानुष गिषं स्तोतृभ्य आ भर ६
तव त्ये अग्ने अर्चयो महिं ब्राधन्त वाजिनः ।
ये पत्वभिः शफानां वृजा भुरन्त गोना मिषं स्तोतृभ्य आ भर ७
नवा नो अग्र आ भर स्तोतृभ्यः सुद्धितीरिषः ।
ते स्याम य आनृचु स्त्वादूतासो दमैदम् इषं स्तोतृभ्य आ भर ८
उभे सुश्रन्द्र सर्पिषो दवीं श्रीणीष आसनि ।
उतो न उत् पुपूर्या उक्थेषु शवसस्पत् इषं स्तोतृभ्य आ भर ९
एवाँ अग्निर्मजुर्यमु गीर्भिर्यज्ञेभिरानुषक् ।
दधदस्मे सुवीर्यमुत त्यदाश्वश्चय मिषं स्तोतृभ्य आ भर १०

(१२१) एकविंशत्युत्तरशततमं सूक्तम्

(१-१०) दशर्चस्यास्य सूक्तस्यात्रेय इष ऋषिः । अग्निर्देवता । (१-६)

प्रथमादिनवर्चामनुष्टुप्, (१०) दशम्याश्च पङ्क्तिश्छन्दसी

सखायः सं वः सम्यञ्च मिषं स्तोमं चाग्रयै ।
वर्षिष्ठाय क्षितीना मूर्जो नष्ट्रे सहस्वते १
कुत्रा चिद् यस्य समृतौ रगवा नरो नृषदने ।
अर्हन्तश्चिद् यमिन्धते सजनयन्ति जन्तवः २
सः यदिषो वनामहे सं हव्या मानुषाणाम् ।
उत द्युमस्य शर्वस ऋतस्य रश्मिमा ददे ३
स स्मा कृणोति केतुमा नक्तं चिद्दूर आ सते ।
पावको यद् वनस्पतीन् प्र स्मा मिनात्यजरः ४
अव स्म यस्य वेषणे स्वेदं पथिषु जुहति ।
अभीमह स्वजेन्यं भूमा पृष्ठेव रुरुहुः ५
यं मर्त्यः पुरुस्पृहं विदद् विश्वस्य धार्यसे ।
प्र स्वादनं इंपतूना मस्ततातिं चिदायवै ६
स हि ष्मा धन्वाक्षितं दाता न दात्या पशुः ।
हिरिश्मश्रुः शुचिद् नृभुरनिभृष्टतविषिः ७
शुचिः ष्म यस्मा अत्रिवत् प्र स्वर्धितिव रीयते ।
सुषूरसूत माता क्राणा यदानुशे भर्गम् ८
आ यस्तै सर्पिरासुते ऽग्ने शमस्ति धार्यसे ।
ऐषु द्युममुत श्रव आ चित्तं मर्त्येषु धाः ९
इति चिन्मन्युमधिज स्त्वादातमा पशं ददे ।
आदग्ने अपृणतो ऽत्रिः सासह्याद् दस्यू निषः सासह्यान् चफद्वन् १०

(१२२) द्वाविंशत्युत्तरशततमं सूक्तम्

(१-७) सप्तर्चस्यास्य सूक्तस्यात्रेय इष ऋषिः । अग्निर्देवता । जगती छन्दः

त्वामग्ने ऋतायवः समीधिरे प्रत्वं प्रत्वास ऊतये सहस्कृत ।
पुरुश्चन्द्रं यजतं विश्वधायसं दमूनसं गृहपतिं वरैरयम् १
त्वामग्ने अतिथिं पूर्य विशः शोचिष्केशं गृहपतिं नि षैदिरे ।
बृहत्कैतुं पुरुरूपं धनस्पृतं सुशर्माणं स्वर्वसं जरद्विषम् २

त्वामग्ने मानुषीरीळते विशौ होत्राविदं विविचिं रत्नधातमम् ।
 गुहा सन्तं सुभग विश्वदर्शतं तुविष्वणसं सुयजं घृतश्रियम् ३
 त्वामग्ने धर्णसिं विश्वधा वयं गीर्भिर्गृणन्तो नमसोप सेदिम ।
 स नो जुषस्व समिधानो अङ्गिरो देवो मर्तस्य यशसा सुदीतिभिः ४
 त्वामग्ने पुरुरूपौ विशेविशे वयो दधासि प्रत्नथा पुरुष्टुत ।
 पुरुरायन्ना सहसा वि राजसि त्विषिः सा तै तित्विषाणस्य नाधृषे ५
 त्वामग्ने समिधानं यविष्ठ्य देवा दूतं चक्रिरे हव्यवाहनम् ।
 उरुज्यसं घृतयोनिमाहुतं त्वेषं चक्षुर्दधिरे चोदयन्मति ६
 त्वामग्ने प्रदिव आहुतं घृतैः सुम्नायवः सुषमिधा समीधिरे ।
 स वावृधान ओषधीभिरुक्षितोऽभि जयांसि पार्थिवा वि तिष्ठसे ७
 इति तृतीयोऽष्टकः